

SAN JUAN

Añurije Queti Juan cū ca owariquea, jiroꝝ cū ca owarique nii. Biiroꝝa aperā jirore to cōro ca yoa waaro jiroꝝ cū ca owarique peera majiña mani.

Ca nii juori tabeꝝra Jesús, ʘmureco Pacu wederiquera cū ca niicāriquere, ʘmureco Pacu, cū Macū jīcūra ca niigure bojoca díamacū cūre cūja ca tuo ꝛacū bwojata, añuro niirique, catirique, cūjare cū tiicojojato iigu cū ca tiicojo cojoricu cū ca niirijere, wedecā juo.

Uwo Coeri maju Juan cūre cū ca ĩariquere cū ca wederije mena wede juo ꝛꝛꝛa waa. Jesucristo cū Pacu cū ca tii dotiriquere ca ĩa ñaaña manirije do biro ca tiya manirijeꝝ cū ca tiirije, ꝛꝛꝛ cūja ca tuoropu cū ca wederije mena jīcātopꝛa ca nii juo dooricu cū ca niirijere, díamacū petira to biro ca biigu cū ca niirijere, bojocare ametꝛenegu doogu cū ca biiriquere, cū ca wede ꝛꝛꝛa waarijere wede.

To biicāri cūre boo, cūre tuo ꝛꝛꝛjee, ca tiirā, ñucā cūre ca junarā, cūja ca niirije bii bau nii.

Cūre ca tuo ꝛꝛꝛjeerāra, ʘmureco Pacu cū ca tiicojorijere caticōa niiriquere cūjare tiicojomi Jesús, jiro macā yꝛteapꝛ to birora cūja ca caticōa niipe wado méere, mee mecū o biro ca cati niirārena caticōa niiriquere cūjare tiicojo yerijāami.

Cūre ca bootirā pea cūja majuropeera, mecū o biro cati niirāra to birora caticōa niiriquere cūja ca ñee booriquere junama.

Cūre booti, ʘmureco Pacu cū ca tiicojo cojoricu cū ca niirijere majirugati, cūre cūja ca jīa cōapere ameri wede peni yerijāa, ca tiirā, ꝛꝛꝛā judíos're ca juo niirā niima.

Jesús peera o biirije cūre cūja ca tii cōarije mena cū ca tiigu dooriquere tii yapano, cū Pacu ꝛꝛtopꝛa tua mꝛa waa, cū ca biipa wāme pee biro bii.

Ména tua waaruꝝ juꝝuero cū buerāre añuro cūjare wede majio juocā, Añuri Yerire cū ca tiicojo cojopere cūjare wede, ĩimi.

Yucu teniꝛu cū ca bii yairije pea buaropꝛa do biro ca tiya manigu cū ca niiro cūre tii, cū ca cati tuarije pea, catirique pee bii yairiquere ca bii ametꝛa ꝛꝛcāro tii, tii. Ate añurije quetia, ati yepa maquē menarena ĩi cōñari ʘmureco Pacu yeere cū ca wede majioriquere wede.

Canáre ocorena ꝛje oco cū ca jeeñoriquea (2.1-11), bojocare añurije Mesías cū ca jee doorijere nii cōñaro bii.

Samaria macõre, “Yũ pee oco mũre yũ tiicojorucu” cũ ca ñirijea (4.1-42), Añuri Yeri jũori to birora caticõa niirique ca tiicojorijere nii cõõñaro bii.

Jesús cũ ca ecarije pan (6.1-59), Jesús majuropeera ãmũreco tutirũ ca niiricu ati yeparũre duwi nũcã doori bojocare catirique cũ ca tiicojorijere nii cõõñaro bii.

Jesús, ca ñatigure cũ ca ñaro tiigũa (9.1-41), Jesús'ra bojocare ca boegũ cũ ca niirijere ñnogũ tiimi.

Jesús, Lázarore ca bii yaicoaripũrena cũ ca cati tuaro tiigũa (11.1-44), Jesús'ra, cati tuarique niicã, catirique niicã, cũ ca biirijere ñnogũ tiimi.

Yucu tenirũ paa pua tuuri cũre cũja ca ami mũene nũcõrije pea, do biro ca tiya manigũrũ nii ea, añurorũ tii nũcũ buo eco, cũ ca biirijere nii cõõñaro bii (3.13-15; 8.28; 12.32).

Ate Añurije Quetira, Jesús cũ majurope ñigũ “Yũ yũ nii” cũ ca ñiriquere buaro wede: “Yũ yũ nii pan,” (6.35) “Yũ yũ nii ca boerije,” (8.12) “Yũ yũ nii jope,” (10.7) “Yũ yũ nii ovejas're añuro ca cotegũ,” (10.11, 14) “Yũ yũ nii cati tuarique, catirique ca niigũ,” (11.25) “Yũ yũ nii maa, díamacũ ca ñigũ, catirique ca tiicojogũ,” (14.6) “Yũ yũ nii ãje daa ca nii majuropeeri daa,” (15.1) ñimi Jesús.

Ate Añurije Queti wado, atere ca buegũ, “ ‘Díamacũra Ñmũreco Pacũ cũ ca tiicojo cojoricũra niimi Jesús, Ñmũreco Pacũ Macũra niimi,’ ca ñi tũo nũñũjeerã, to birora caticõa niiriquere buarucuma,” (20.31) ñigũ cũ ca owarique nii, ñi wede.

Jesucristo yee Añurije Quetire Juan cũ ca owarique

**Ñmũreco Pacũ Macũ manire
biigũ cũ ca doorique**

1 ¹Mee, jĩcãtorũra, Ñmũreco Pacũ Wederiquera niicã jũupi Cristo. Ñmũreco Pacũ menara niicãupi; ñũcã Ñmũreco Pacũra niicãgũ biupi. ²Cristoa, mee jĩcãtorũra Ñmũreco Pacũ mena nii yerijãaupi. ³Cristo menara niipetirije tiupi Ñmũreco Pacũ. Jĩcã wãme ãno peera cũ ca manirora cũ

ca tiirique mani. ⁴Cũ menara catirique bii jũoupa. Tee catiriquera ati yepa macãrã bojocare Ñmũreco Pacũre cũja ca majiro ca tiipe niupa. ⁵Cristo, ca boerije ca biirore birora, Ñmũreco Pacũre ca majitirã, ca naitĩarorũ ca niirãre biro ca niirãre, Ñmũreco Pacũre cũja ca majiro ca tiigũ niupi. To biri ca naitĩarorũ ca niirãre biro ca niirã pea, ca boerijere ametũa nũcã majitima.

⁶Niwi jícū umu Umureco Pacu cū ca tiicojo cojoricu, Juan ca wāme cutigu.

⁷Cūa, ca boegu Cristore cū ca ĩariquere ca wedegu dooricu niwi, cū ca wederijere tuori, niipetirā díamacū cūja ca tuo nunjeepere biro ĩgu.

⁸Biigurua, bojocare Uwo Coeri maju Juan, ati yepa macārāre ca boegu dooricu méé niwi. Juan, ca boegu Cristore cū ca ĩariquere cū ca wede doti cojoricu niwi. ⁹Cristo ca boerije ca nii majuropeegu, bojoca niipetirāre ca boegura dooupi, ati yeparure.

¹⁰Cristo, wederique ca niiricura, ati yeparure niwi. Cristo menara Umureco Pacu ati yepare cū ca jeeñorique to ca niicā pacaro, ati yepa macārā pea cūre ĩa majitiwa. ¹¹Cū jaarā pwtore doomiupi. Cūja pea cūre bootiwa. ¹²To biro cūja ca bii pacaro, añuro cūre ñee, cūre tuo nunjee, ca tiirā peera, Umureco Pacu puna peti cūja ca niiro cūjare tiwi. ¹³Umureco Pacu puna niiriquea, bojoca cūja ca boorije juori méé, mani pacua manire cūja ca puna cutirije uno méé, nii. Umureco Pacu, cū majuropeera cū puna cūja ca niiro cūjare tiimi.

¹⁴Umureco Pacu Wederique ca niiricura manire biigu bojocu jeeñari, mani watoare niwi. Cū ca doti tutua niirijere, cū macū jícūra ca niigu niiri doti tutuarique cū Pacu cūre cū ca tiicojorijere cū ca ñeeriquere,

jāa ĩawu. Buaropura mairiquere cūocā, díamacū ca niirijere cūocā, ca biigu niwi. ¹⁵To biri cūre cū ca ĩariquerena wedegu, o biro ĩi acaro bui wedewi Juan: “Anira niimi: ‘Yu jiro ca doogu pea, yu ametuenero ca nii majuropeegu niimi, yu jugueropura ca nii juo dooricu niiri,’ yu ca ĩi wedericua,” ĩwi.

¹⁶Cristo niipetirije cū ca añu majuropeerijere, mani niipetirāpūrena buaro jañuro añurijere manire tii boja nunua waami. ¹⁷Doti cūuriquea Moisés'pūre tiicojo ecoupa. Umureco Pacu añuro manire cū ca tii bojarique, to biri díamacū ca niirije, Jesucristo mena pee manire bii bau nii eawu. ¹⁸Umureco Pacura jícū uno peera jícāti unora cūre ĩa ñaatiupa. Cū Macū jícūra ca niigu, Umureco Pacura ca niigu, cū Pacu menara ca niicōa niigu wado, cūre mani ca majiro manire tiwi.

**Bojocare ca uwo coegu Juan,
Jesucristo yee maquere
cū ca wederique**

(Mt 3.11-12; Mc 1.7-8; Lc 3.15-17)

¹⁹Ate nii, Jerusalén macārā judíos uparā, paia, to biri levitare, “¿Ñiru mu niiti?” Juan're ĩi jāiña dotirā cūja ca tiicojoricarā cūja ca jāiña earo, cū ca niirijere Juan cūjare cū ca wederique. ²⁰Cūre cūja ca jāiñaro, ĩi ditoricarō maniro o biro cūjare ĩi wedewi Juan:
—Yua, Mesías méé yu nii
—cūjare ĩwi.

²¹ Cãre jãina nemowa ñucã:
—¿To docare ñiru peti mu
niiti? ¿Umureco Pacu yee
quetire wede jũgueri maju
Elías mu niiti? —cãre ñi
jãinaawa. Cã pea:

—Cã méé yu nii —cũjare ñiwi
Juan.

Cãja pea o biro cãre ñi jãinaawa
ñucã:

—Too docare, Umureco Pacu
yee quetire wede jũgueri maju
doorucumi cãja ca ñiricu mu
niiti qué —cãre ñiwa.

To biro cãre cãja ca ñi jãinaaro,
Juan pea:

—Yu niiti —cũjare ñiwi.

²² To biro cã ca ñiro, o biro cãre
ñi jãina nemowa ñucã:

—¿Too docare, ñiru peti
mu niiti? Jãare ca jãina doti
cojojãrãre jãa ca wedepere jãa
majiruga, ¿mu majurope pea
“Ñiru yu nii,” mu ñiti? —cãre
ñiwa.

²³ To biro cãre cãja ca ñiro, o
biro cãjare ñi yũwi Juan:

—Yua, Umureco Pacu yee
quetire wede jũgueri maju Isafas
niiquiricu:

“Ca yucu maniri yeparipu,
‘Wiogu cã ca doopa maare
díamacũ maa queno yueya,’^a
ñi acaro bui wedeorucumi,”
cã ca ñiricu yu nii —cũjare
ñiwi.^b

²⁴ Fariseos cãja ca jãina doti
cojoricarã pea ñucã Juan're,

²⁵ o biro cãre ñi jãina nemowa:

—Too docare Mesías méé nii,
Elías méé nii, Umureco Pacu yee
quetire ca wede jũgueri maju
méé nii, bii pacagu, ¿ñee tiigu
bojocare mu uwo coeti? —cãre
ñi jãinaawa.

²⁶ Juan pea o biro cãjare ñi
yuwi:

—Yua, bojocare oco mena yu
uwo coe. Ména apí niimi mɔja
watoare, mɔja ca majitigu. ²⁷ Cã
niimi, yu jiro ca dooru. Cãa, yu
ametũenero ca nii majuropeegu
niigu biimi, cã dũpo juti jiarica
daa cãare ca popioru méé yu nii
yu —cũjare ñiwi Juan.

²⁸ Ate niipetirije biiwu
Betaniarure^c, dia Jordán ape
ñaña muipũ cã ca mua doori
ñaña peere bojocare Juan cã ca
uwo coe niiri tabere.

Jesús, Umureco Pacu yu Oveja Macũ

²⁹ Ape rũmu peere Juan, cã
pũto pee Jesús cã ca doo ñũña
dooro ñari, o biro ñiwi: “Íaña.
Ñira niimi Umureco Pacu yu
Oveja Macũre biro bojoca cãja
ca ñañarije wapare ametũenegu
ca bii yai bojaru. ³⁰ Anirena
ñigu: ‘Yu jiro doorucumi jicũ, yu
jũgueropũra ca nii jũo dooricu
niiri, yu ametũenero ca nii
majuropeegu,’ mɔjare yu ñi
wedewu. ³¹ Yu majurope cãa, ‘Cã
niicumĩ Mesías,’ yu ñi majitiwu.
To biro bii pacagu, Israel yaa
pooga macãrã cãre cãja majijato

^a 1.23a “Wiogu cã ca eaparo jũguero ñañarije mɔja ca tiirijere tii yerijãa, tugoeña
yeri wajoa nii yueya” ñirũgaro ñi. ^b 1.23b Is 40.3. ^c 1.28 Ape wãme Betãbara.



“Íi niimi ʘmureco Pacu yuu
Oveja Macũ.” Jn 1.29

iiḡu, oco mena bojocare yu uwo
coewu,” iwi Juan.

³²Cũ ca iariquere o biro ii wede
majio nemowi ñucã Juan: “Yu
majuropeera yu iawu. Añuri
Yeri, ʘmureco tutipũ buare biigũ
bau duwi doori, Jesús jotoare
cũ ca ñaapea earo. ³³Yu cãa
ména, Mesías’ra cũ ca niirijere
yu majitiwu. Oco mena yure ca
uwo coe doti cojoricu pee o biro
yure iwi: ‘Añuri Yeri, buare biigũ
bau duwi doori, cũ jotoapure
cũ ca ñaapea earo mu ca iagu
niirucumi, bojoca yeripure,
Añuri Yeri cũ ca ñaajãa nũcã earo
ca tiipũ,’ yure ii wedewi. ³⁴To
biri yu majuropeera ca iaricu
niiri, díamacũra: ‘Anira niimi
ʘmureco Pacu Macũ,’ mujare yu
ii wedewu,” ii wedewi Juan.

Jesús buerã ca nii juoricarã

³⁵Ape gumure, cũ buerã pũarã
mena tii tabera niwi ñucã Juan.

³⁶Jesús, too cũ ca ametua waaro
ĩari, o biro iwi:

—Íaña, iira niimi ʘmureco
Pacu yuu Oveja Macũ —iwi
Juan. ³⁷To biro Juan cũ ca iiro
tuorã, pũarãpũra cũ buerã
ca niimicarã Jesús’re jãa
nũncuawu.

³⁸Cũ jiro jãa ca nũncu waaro,
jãare amojode nũcã iari, Jesús
pea o biro jãare ii jãĩnawi:

—¿Ñeere mũa amaati? —jãare
iwi.

To biro jãare cũ ca ii jãĩnaro, o
biro cũre jãa ii yuwu:

—Buegu, ¿nooru mu ca cãniri
tabe to niiti? —cũre jãa iwi.

³⁹To biro cũre jãa ca iiro:

—Doori, iarã dooya —jãare
iwi Jesús.

To biro cũ ca iiro cũ mena
waa, cũ ca niirica tabepure
earã, toopũra cũ mena jãa niicã
naio waawu yua, mee naiori
tabeacãpũ ca niiro macã.

⁴⁰Jicũ, Juan cũ ca wedero
tuori, pũarã Jesús’re ca nũncu
waaricarã mena macũ pea
Simón Pedro yee wedegu Andrés
niwi. ⁴¹To biri Andrés pea cũ
yee wedegu Simón’re na bua ea
juori, o biro cũre iupi:

—Mesías’re jãa buajãwu
—iupi. (Mesías iiro, “ʘmureco
Pacu cũ Ca Beje Amiricu,”
iirugaro ii.)

⁴²Jiro Andrés pea, cũ yee
wedegu Simón’re Jesús pũtopũ
juo dooupi. Jesús pea Simón’re
ĩari, o biro cũre iwi:

—Mũa, Juan macũ Simón mu
nii; mecũra Cefas mu wãme

cətirucu yua. (Cefas ĩiro, Pedro,^d ĩirugaro ĩi.)

**Felipere, Natanael're
Jesús cã ca jũorique**

⁴³Ape rumũ peere ñucã,
Jesús pea, “Galilea yepa pee
ca waape niicu,” ĩiwi. To biri
toorũ cã ca waaparo jũguero,
Felipere bũa eari, o biro cũre
ĩiwi Jesús:

—Dooya yũ mena —cũre ĩiwi.

⁴⁴Felipe cãa, Pedro, Andrés
jãari cũja ca niirica macã
Betsaida macũra niiwi cã cãa.

⁴⁵To biri Felipe pea, Natanael're
amagu waa, cũre bũa eari, o
biro cũre ĩiupi:

—Moisés niiquĩricũ, cũ yee
maquẽre doti cũuriquerũ owa,
Ɛmũreco Pacũ yee quetire wede
jũgueri maja cãa cũ yee maquẽre
owa, cũja ca tiiricũ Jesús,
Nazaret macũ, José macũre jãa
bũajãwũ —cũre ĩiupi.

⁴⁶To biro cũre cã ca ĩiro
Natanael pea, o biro cũre ĩiupi
Felipere:

—¿Mũ ca tũgoeñajata,
Nazaret macãre jĩcũ aũugũ ñno
cũ nii baũabogajati? —cũre
ĩiupi.

Felipe pea Natanael to biro cã
ca ĩiro, o biro cũre ĩi yũũupi:

—Dooya. Mũ majurope doori
ĩagu doo ñaaqué —cũre ĩiupi.

⁴⁷Jesús pea, Natanael cã ca
doo ñũña dooro ĩari, o biro
ĩiwi:

—Ani doomi, israelita
bojocũ peti, jĩcã wãme ñnora
ĩi ditorique ñnore ca cũotigu
—ĩiwi.

⁴⁸To biro Jesús cã ca ĩiro:

—¿Do biro biicãri to cõro
aũuro yũre mũ majiti? —cũre ĩi
jãĩñawi Natanael.

To biro cã ca ĩiro:

—Felipe mũre cã ca jũoparo
jũguero, higuerağũ doca mũ ca
niiro mũre yũ ĩajãwũ —cũre
ĩiwi Jesús pea.

⁴⁹To biro cã ca ĩiro, Natanael
pea o biro cũre ĩiwi Jesús're:

—Bueğũ, Mũa, Ɛmũreco Pacũ
Macũ mũ nii; Israel yaa yepare
ca dotipũ Wioğũ peti mũ nii
—cũre ĩiwi.

⁵⁰To biro cã ca ĩiro,
Jesús pea o biro ĩi nemowi
Natanael're:

—¿“Higuerağũ doca mũ ca
niiro mũre yũ ĩajãwũ,” yũ ca
ĩirijere tũorira, “Ɛmũreco Pacũ
Macũ mũ nii,” yũre mũ ĩi ñucũ
bũoti? Jiropũ docare o biro yũ
ca ĩirije ametũenero aũurijere
mũ ĩarucu —cũre ĩiwi Jesús.

⁵¹To biro cũre ĩi, o biro ĩi
nemowi ñucã Jesús:

—Yee mée mũjare yũ
ĩi: Ɛmũreco quejero pãa
ñucãcoa, ñucã Ɛmũreco Pacũ
pũto macãrã, yũ, Ca Nii
Majuropeegũ Macũ jotoare
duwicã doorucu, mũacoarucu,
cũja ca biirijere mũja ĩarucu
—ĩiwi Jesús.

^d 1.42 Arameo wederique menara “Ɛtãga” ĩirugaro ĩi; ñucã griego mena peera
“Pedro” ĩiro ĩi.

Canáꝑꝝ ocorena ɥje oco
Jesús cã ca jeeñorique

2 ¹Itia rꝛꝛꝛ ca nii waaro, Galilea yepa macã macã Canáꝑꝛ amo jiarica boje rꝛꝛꝛ níiwꝛ. Jesús paco cãa toopꝛ níiwꝛ. ²Jesús, to biri jãa cũ buerã, tii boje rꝛꝛꝛꝛꝛ cũja ca jꝛo cojoricarã níiri, toopꝛ jãa níiwꝛ. ³To biri yua, tii boje rꝛꝛꝛꝛꝛ ɥje oco ca petiro, cũ paco pea o biro cũre íiwo Jesús're:

— ɥje oco peticoajãwꝛ.
Cꝛotima yua — cũre íiwo.

⁴To biro cõ ca íiro Jesús pea, o biro cõre íiwi cã pacore:

— ¿Nomio, ñee tiigo teere yꝛe mꝛ wedeti? Yꝛ ca níirije

cũtirijere yꝛ ca tii bau níipa tabe eati ména — cõre íiwi.

⁵To biro cũ ca íimijata cãare, cõ pea, ɥje oco tãa coteri majare o biro cũjare íiwo:

— NiiPETIRO mꝛjare cũ ca tii dotiروه biro tiiya — cũjare íiwo.

⁶Toore níiwꝛ, jĩcã amo peti, ape amore jĩcãga penituario ca níirije jotꝛ bꝛcꝛꝛꝛꝛi, pacarꝛꝛꝛi, ɥtã mena cũja ca tiirique. Tee pea to cãnacãꝛꝛꝛꝛꝛa 75 to biri 115 lítros cõro ca oco jeerirꝛꝛꝛi níiwꝛ; judíos're ca dotiروه biro tiirã, cũja ca uwa coerirꝛꝛꝛi níiwꝛ. ⁷Jesús pea o biro íiwi, ɥje oco ca tãa coterãre:

— Atirꝛꝛꝛire oco waa jãa dadocãna — cũjare íiwi.



Joturi ɥtã mena cũja ca tiirique. Jn 2.6

To biro cū ca ĩiro, cūja pea tiirũurire añuroꝝ pio jãa dadocãwa. ⁸To biro cūja ca tii yapanoro, o biro cūjare ĩiwi ñucã Jesús:

—Peeto tii rũũ maquẽre jeeri ami waarãja yua, boje rũũ ca jũo tii niigu ꝑutorũ —cūjare ĩiwi Jesús.

Cūja pea cū ca ĩirore biro tiiwa. ⁹Boje rũũ ca jũo tiigu pea, ocora, ẽje oco ca jeeñariquere jini ñaawi, “To biro ca biirique niicu,” ĩi majiri méé. Ca tĩa coterã wado majiwa, ca oco waaricarã niiri. To biri teere jini ñaacãri, boje rũũ ca jũo tiigu pea, ca amo jiaricũre cũre jũo cojori, ¹⁰o biro cũre ĩiupi:

—Niipetirãꝑura ẽje oco añurije peere tĩa juoma. Mee, jũo cojoricarã cūja ca jini yapicoaro jiroꝝ docare ca ꝑãmũti jañurije peere tĩa yapano cojoma. Mũ pea, ẽje oco añurije peere mũ ðũajapa —cũre ĩiupi.

¹¹Ate, Galilea yepa macã macã Caná ca wãme cõtiri macãre Jesús cū ca tiirique pea, ca ĩa ñaaña manirije cū ca tii bau nii juorije niiro biiwũ. Tee mena ĩñowĩ Æmũreco Pacũ cū ca tiicojoricũ ca tutua majuroꝝegũ cū ca niirijere. To biri jãa, cū buerã pea, díamacũ cũre jãa tũo nũnũjee juowũ.

¹²Ate jiro waacoawi ñucã Jesús Capernaúm ca wãme cõtiri macã pee. Cũ paco, cū bairã, jãa cū buerã cãa, cū mena jãa waawũ.

Tii macãꝑure no cãnacã rũũ meéera jãa niiwũ.

Æmũreco Pacũ yaa wiĩꝑure ca noni wapa taa niirãre Jesús cū ca cõa wienerique

(Mt 21.12-13; Mc 11.16-18; Lc 19.45-46)

¹³Judĩos boje rũũ Pascua ea waaro ca biiro, Jerusalén macãꝑũ maa waawi Jesús. ¹⁴Toorũ ea, Æmũreco Pacũ yaa wiĩꝑure jãa waagu, wecũa, ovejas, búáá, noni wapa taari maja to biri wapa tiirica tiirire ca wajoarã cūja ca duwiri taberi ca duwirãre, cūjare bũa eawi. ¹⁵To biro ca tii niirãre ĩari, Jesús pea upa daari jeeri, baperica ðaa quenori, Æmũreco Pacũ yaa wiĩꝑure ca niirã niipetirãre cūja wecũa, cūja oveja niipetiro menara cūjare bape ãcũ wiene peoticã cojowĩ. Wapa tiirica tiiri ca wajoarã yee wapa tiirica tiiri cãare maa dee batecã, ñucã cūja ca peori ꝑĩiri cãare tuu puu cũu bate peoticãwi Jesús. ¹⁶To biro tiicã, buare ca noni wapa taarãra:

—ĩAtere to cõrora jee witi waarãja! Yũ Pacũ yaa wiire apeye noni wapa taarica wii jeeñoticãña —cūjare ĩiwi Jesús.

¹⁷To biro cū ca tiiro ĩarã, jãa, cū buerã pea, Æmũreco Pacũ yee wederiquere cūja ca owarica ꝑũuroꝝure: “Mũ yaa wiire yũ ca mai uwa jeorijera yũre yaiocãrucu,”^e cūja ca ĩi

^e 2.17 “Mũ yaa wiire cūja ca nũcũ buotirijere cūja mena buaro ajarucũ. To biro yũ ca biirije juori yũre jĩa cõarucuma,” ca ĩirijere jãa tũgoeña buawũ. Sal 69.9.

owa cūriquep̄re jāa t̄goeña b̄aw̄. ¹⁸To biro Jesús cū ca tiiro ĩarā, judíos pea o biro cūre ĩi jāiñawa:

—O biro m̄ ca tiirijera ca doti majigu m̄ ca niirijere jāa ca majipere biro ĩigu, ĩ̄nee ʌno jāare m̄ tii bau nii ĩnoḡuti?
—cūre ĩiwa.

¹⁹To biro cūre cūja ca ĩiro, Jesús pea o biro cūjare ĩi ȳʌwi:

—Ati wii ʌm̄reco Pac̄ yaa wiire wee batecāña, ȳ pea itia r̄m̄ jirora ȳ queno yapanoc̄arucu ñucā —ĩiwi.

²⁰To biro cūjare cū ca ĩiro judíos pea o biro cūre ĩiwa ñucā:

—Cuarenta y seis cūmari peti waaw̄ ati wiire quenoricaro. ĩM̄ pea do biro tiic̄ari itia r̄m̄ jirora m̄ queno yapanoc̄aḡuti?
—cūre ĩiwa Jesús're.

²¹Jesús pea ʌm̄reco Pac̄ yaa wiire cū ca ĩijata, cū up̄ri majuro ca biiperena ĩigu cūjare ĩimiwi.^f ²²To biri jāa cū buerā pea, cū ca cati tuari tabep̄ o biro cū ca ĩiriquere t̄goeña b̄a, ʌm̄reco Pac̄ wederiquere, to biri ñucā Jesús cū ca ĩiriquere, díamacū jāa t̄o n̄n̄jeew̄ yua.

Jesús mani ca biirique c̄tirijere maji peoticāmi

²³Ména Jesús, Jerusalén'p̄ Pascua boje r̄m̄ niigu, ca ĩa ñaaña manirije cū ca tiirijere ĩari, pā bojoca cūre t̄o n̄n̄jeewa. ²⁴To biro cūre cūja ca biimijata cāare, Jesús

pea “Díamac̄ra ȳre t̄o n̄n̄jeerā tiima,” cūjare ĩitiwi, niipetir̄p̄rena cūja yerip̄ cūja ca t̄goeña niirijep̄re ca majigu niiri. ²⁵To biri ĩicū ʌno peera, bojoca cūja ca bii niirijere, aperā cūre cūja ca wedero bootiwi, mee cū majuropeera cūja yerip̄ cūja ca t̄goeña niirijep̄re ca ĩa maji peoticāgu niiri.

Nicodemo, Jesús mena cū ca wede penirique

3 ¹Niupi ĩicū fariseo, judíos're ca j̄o niigu ca nii majuropeegu ca niigu, Nicodemo ca wāme c̄tiḡ. ²Cū pea ĩicā ñami Jesús p̄to ĩagu doori, o biro cūre ĩi jāiñawi:

—Buegu, jāare ca bue majiop̄, ʌm̄reco Pac̄ cū ca tiicojo cojoric̄ m̄ ca niirijere jāa maji. ĩicū ʌno peera ʌm̄reco Pac̄ cū mena cū ca niitijata, ca ĩa ñaaña manirije m̄ ca tii bau niirije ʌnore tii majiticumi —cūre ĩiwi.


³To biro cū ca ĩiro Jesús pea o biro cūre ĩiwi:

—Díamacū m̄re ȳ ĩi: Nemo ca wāma bauatiḡa, ʌm̄reco Pac̄ cū ca doti niirijere do biro ĩa majitimi —ĩiwi.

⁴To biro cū ca ĩiro, Nicodemo pea o biro cūre ĩi jāiñawi ñucā:

—ĩDo biro pee biic̄ari ñucā mania, b̄sc̄ niigup̄ra nemo bauac̄arique to niigajati? ĩTo docare mani paco paa totip̄re p̄atiri cōro jāacoarique to

^f 2.21 Cūrā cū ca biiperena ĩigu cūjare ĩimiwi.



Nicodemo, Jesús mena cū ca wede penirique. Jn 3.1-15

niigajati, nemo wāma baŋarɔŋ? —cūre iŋwi.

⁵To biro cū ca iiro, Jesús pea o biro cūre iŋ yŋwŋi:

—Díamacū mure yŋ iŋ: Oco mena, ŋucā Añuri Yeri cū ca tii niirije jŋori mena nemo baŋa, ca biitigua,^g ʃmureco Pacu cū ca doti niiri taberɔre eatirucumi.

⁶Bojoca cūja ca puna cutirā, bojoca puna niima. Añuri Yeri cū ca ŋaajāa ŋucārā pea, ʃmureco Pacu puna niima.^h ⁷To biri, “Bojoca wāma baŋa jŋorā cūja ca baŋaricarore birora, ca baŋa nemoparā niima,” mure yŋ ca iŋrijere tuo ucaticāña.

⁸Atere tŋgoeñañaqué: Wino no

^g 3.5 Mt 28.19; Hch 2.38; 10.47; 1Co 12.13; Tit 3.5. ^h 3.6 Añuri Yeri cū ca tiirije jŋori ca baŋarije, yeri nii.

ca booro paa puucã. To biri tee ca bujuriyere tuocã pacarã, too maquẽ paa puu doo, ñucã too pee waaro bii, ñi majiña mani. Tee ca biitore birora biima, niipetirã Añuri Yeri cã ca tii niirije juori nemo ca bauarã cãa —ñiwi Nicodemore.

⁹To biro cã ca ñiro, Nicodemo pea ñucã:

—¿Atea do biro biicãri to biro to biigajati? —cãre ñiwi.

¹⁰To biro cã ca ñiro, o biro cãre ñi yuwi Jesús:

—¿Mña, Israel yepa macãrãre Æmureco Pacu yee quetire ca buegu nii pacagu, atere mu majititi? ¹¹Yee méé mure yu ñi: Jãa, jãa ca majirijere, jãa ca ñariquere, mujare jãa wederucu. To biro jãa ca ñimijata cãare, mña pea teere díamacũ mña tuo nunjeeti. ¹²Ati yepa maquẽrena mujare yu ca wederijere díamacũ mña ca tuotijata, ¿do biro pee biicãri æmureco tutipũ maquẽ yu ca wederije peera díamacũ mña tuobogajati?

¹³”Jicũ ñno peera æmureco tutipũre mña waatiupi. Yu, æmureco tutipũ ca duwi dooricu, Ca Nii Majuropeegu Macũ wado yu nii. ¹⁴To biri Moisés niiquiricu, ca yucu maniri yeparu cã yee wederãre añaa cãja ca bacaro “Cãre ca ñarã catirucuma,” ñigu, añare biigu cã ca quenoricure, yucugu mena cãre mne ne nãcupi. To biri wãmera, yu, Ca Nii Majuropeegu Macũ cãa, bojoca ñañaro cãja ca

bii yaiboriquere ametuenerugu yucu tenipu yu ami mne ne nãcõ ecorucu, ¹⁵niipetirã bojoca yure ca tuo nunjeerã to birora caticõa niiriquere cãja ca cuopere biro ñigu —cãre ñiwi Jesús, Nicodemore.

Bojoca niipetirãpũre Æmureco Pacu cã ca mairije

¹⁶Æmureco Pacu, bojocare buaropũra maima ñigu, cã Macũ jicũra ca niigũre, díamacũ cãre ca tuo nunjeerã niipetirã cãja bii yaiticãjato, caticõa niirique peere cãja cuojato ñigu cãre tiicojoui. ¹⁷Æmureco Pacua, bojocare ñañaro tiirugu méé, cã Macũre tiicojoui. Cã juori bojocare ametuenerugu pee cãre tiicojoui.

¹⁸Æmureco Pacu Macũre díamacũ ca tuo nunjeegua, ñañaro tii yaio ecotirucumi. Díamacũ cãre ca tuo nunjeetigu doca, mee ñañaro ca tii ecoricaru nii yerijãami, Æmureco Pacu Macũ jicũra ca niigũre díamacũ cã ca tuo nunjeetirije wapa. ¹⁹Díamacũ cãre ca tuo nunjeetirã pea mee ñañaro tiiricarãpu nii yerijãama. Ñañarije wado ca tii niirucurã niiri, Jesucristo añuriye wado ca tiigu ati yeparũre cã ca doori tabere, Jesucristo peere boorica tabe ñora ca naitiarije peere boo ametuene cãupa. ²⁰Niipetirã ñañarije ca tii niirã, ca boerijere ña juna jañuma, yaioropũ ñañarije cãja ca tii niirucurije bau niiroru bii bau

niire ñirã, teere juna jañuma.
²¹ Æmureco Pacu yee díamacũ ca niirije queti ca ñirote biro ca tii nũnũjeerã pea, ca boerije puto pee dooma, cũja ca tii niirije niipetiro Æmureco Pacu cũ ca boorore biro cũja ca tii niirije añuropu ca bii bau nii ñnocãpere biro ñirã.

**Jesús yee maquẽre Juan
 cũ ca wede nemorique**

²² Ate jiro Jesús, jãa cũ buerã mena Judea yeparu waawi ñucã. Toopre jãa mena yoa jañuropu ni, bojocare uwo coe, tii niwi. ²³ Ñucã Juan cãa, Enón'pu bojocare uwo coe niupi, Salim ca wãme cõtiri macã pãtore, tii tabere paio oco ca niro macã. To biri bojoca toopu waari, cõre uwo coe ecorucuupa. ²⁴ (Mẽna ate pea, Juan're cũja ca tia cũparu jũguero biwu.)

²⁵ To biri jĩcã gũmũ jĩcãrã Juan buerã pea, jĩcũ judfo mena wede peniupa, ñañarije cũja ca tiiricaro jiro, teere coerã cũja ca uwa coerucurije maquẽre.
²⁶ To biro ñi yapano, o biro ñirã waaupa Juan're:

—Buegu, tii gũmũ mu mena dia Jordán ape nuña ca niiricu jãare mu ca wedericu pea, mecũra bojocare uwo coegu tiijãwi. Niipetirã cũ peere tuo nũnũjeema —cũre ñiupa.

²⁷ To biro cũre cũja ca ñiro, o biro cũjare ñiupi Juan:

—Jĩcũ ñno peera to biro tii majiriquere cõo majitimi,

Æmureco Pacu cũ ca tiicojotijata.
²⁸ Mee mũja majuropeera: “Yua, Mesías mée yu nii. Jĩcũ cũ jũguero cũ ca tiicojo jũguericu pee yu nii,” yu ca ñirijere mũja tuowu. ²⁹ Amo jiarica gũmure cũ nũmo ca niipore ca cõogua, cõ manũ ca niipu cõre cõomi. Co manũ ca niipu mena macũ too ca niigu, cũ ca wederijere tuogu buaro ujea niimi. To biri yu cãa Jesús mena macũ niiri, buaro yu ujea nii. ³⁰ To biri cũ pea, buaro jañuri ca nii majuropeegu nii nũnũa waarucumi. Yu pea, watoa macũre biro bii nũnũa waagu yu tii.

Æmureco tutipu ca dooricu

³¹ “Æmũaropu ca dooricu, niipetirã ametũenero ca nii majuropeegu niimi. Ati yepare ca niigua, ati yepa macũ niigu biimi. To biri ati yepa maquẽ wadore wedemi. Æmureco tutipu ca dooricu pea, niipetirã ametũenero ca nii majuropeegu niiri, ³² cũ ca ñariquere, cũ ca tuoriquere, wedemi. To biro cũ ca ñimijata cãare, jĩcũ ñno peera cũ ca wederijere díamacũ tuo nũnũjeetima. ³³ To biro cũja ca bii pacaro, jĩcũ, cũ yee quetire díamacũ ca tuo nũnũjeegu pea, “Díamacũra nii Æmureco Pacu cũ ca wederije,” ñigu ñimi.
³⁴ Æmureco Pacu cũ ca tiicojo cojoricu, Æmureco Pacu yee wadore wedemi, Æmureco Pacu cũ Añuri Yerire dũjaricaro maniro cũ ca tiicojoricu niiri.
³⁵ Cũ Pacu, cũ Macũre maimi.

To biri niipetirijepurena cū ca doti maji niirijere cūre tiicojoui. ³⁶To biri cū Macēre díamacū ca tuo nūñjeegua, to birora caticōa niiriquere cūomi. Ɛmureco Pacu Macēre díamacū ca tuo nūñjeerugatigu pea, tee caticōa niiriquere cūotirucumi. Ɛmureco Pacu ñañaro cū ca tiirije peere ñañaro peti tamuorucumi —ĩupi.

Samaria macō mena Jesús cū ca wede penirique

4 ¹Jiro, pañ peti bojoca Jesús're cūja ca tuo nūñjeerijere, ñucā Juan ametuenero cū ca uwo coerijere queti tuoupa fariseos. ²(Biigurua añuro petira Jesús méé cūjare uwo coewi; jāa, cū buerā pee bojocare jāa uwo coewu.) ³To biri Jesús teere majiri, Judea yepa ca niiricu, Galilea yepa pee jāare juo tuacoawi ñucā.

⁴To biro bii tua waagñ, Samaria yepare cū ca waa nūñna waape niuwñ. ⁵To biri tii yepare eagñ, Sicar ca wāme cūtiri macā, Jacob cū macū Josére cū ca cūu yaiquírca yepa puto ca niiri macāre jāare juo eawi. ⁶Tii yepare niuwñ Jacob niiquírca oco ope. Jesús pea, maa doogñ ca boga yaicoaricu niiri, tii ope putora ea nuucoawi. Muipū jotoa decomacā ea doogñ cū ca biiri tabe niuwñ. ⁷⁻⁸Jāa, cū buerā pea, macāpñ baarique jāa wapa tiirā waacoawñ. To biro jāa ca bii waa ditoyere, jīcō nomio, Samaria macō, tii opere

oco waago doogo cō ca earo, o biro cōre ĩupi Jesús:

—Petoacā yñ cāare oco tiicojoya —cōre ĩupi.

⁹Jāa judíos pea, Samaria yepa macārā mena añuro jāa ca ameri tiitirije ca maniro macā, o biro cūre ĩupo Jesús're:

—¿Ñee tiigñ mña judío nii pacagñ, yñ Samaria macōre mñ oco jāiti? —cūre ĩupo.

¹⁰To biro cūre cō ca ĩiro, o biro cōre ĩi yñupi Jesús:

—Ɛmureco Pacu cū ca tiicojorijere mñ ca majijata, ñucā “Yñre oco tīaña,” mñre ca ĩigñre, “Cū niicumí,” mñ ca ĩi ĩa majijata, cū peere mñ jāibojacupa. To biri cū pea oco catirique ca tiicojorijere mñre tiicojobocupi —cōre ĩupi.

¹¹To biro cōre cū ca ĩiro, cō pea o biro cūre ĩupo:

—Wiogñ, ati opea ũcña jañu doca, oco waarique mño cūoti pacagñ, ¿noo maquēpñ bñacāri oco ca catirijere yñre mñ tiicojogñti? ¹²Mani ñicū Jacob niiquírca ati ope maquēre oco jini, cū puna cāa jini, ñucā cū ecaricarā cāare oco tīa, cū ca tiirucurica operena jāare cūuquĩupi. ¿To docare mña, cū ametuenero ca nii majuropeegñ mñ niiti? —cūre ĩi jāiñauo Jesús're.

¹³To biro cō ca ĩi jāiñaro, o biro cōre ĩi yñupi Jesús:

—Niipetirā ati ope maquēre ca oco jinirā, to birora oco jinirugacōa niirucuma ñucā.

¹⁴Oco yñ ca tiicojorijere ca

jiniḡu pea, pʷati oco jiniruga, biitirucumi. Oco yu ca tiicojorije pea, to birora caticōa niirique cū yeripʷe, oco ca witi yerijāatirore birora cūre biicōa niirucu —cōre iḡupi Jesús.

¹⁵To biri cō pea o biro cūre iḡupo:

—Wiogʷ, to docare tee pee yʷe oco tiicojoya, pʷati oco jiniruga, ati opepʷe oco waago doorucu, yu ca bii nemotipere biro iḡu —cūre iḡupo Jesús're.

¹⁶To biro cūre cō ca iḡiro, o biro cōre iḡupi Jesús:

—To docare tua waa, mʷ manʷe jʷo, anopʷra mʷ doowa ḡucā —cōre iḡupi.

¹⁷To biro cōre cū ca iḡiro:

—Ca manʷ manigo yu nii yʷa —cūre iḡu yʷuopo cō pea.

Jesús pea o biro cōre iḡupi:

—“Yʷa ca manʷ manigo yu nii,” mʷ ca iḡjata, díamacūra mʷ iḡ. ¹⁸Mʷa, jicā amo cōro peti ca manʷ jʷmʷa cutirico mʷ nii. To biri mecū mʷ mena ca niḡu cāa, mʷ manʷ majurope méé niimi, díamacūra mʷ iḡ, to biro mʷ ca iḡjata —cōre iḡupi.

¹⁹To biro cōre cū ca iḡiro, cō pea o biro cūre iḡupo:

—Wiogʷ, yʷa mʷe yu iʷa maji. Mʷa, ʷmʷreco Pacʷ yee quetire wede jʷguerí majʷ mʷ nii. ^{i 20}Jāa ḡicū jʷmʷa Samaria yepa macārā ca niiquīricarā ati buuropʷ ʷmʷreco Pacʷre juu bue nʷcū bʷogucupʷa. Mʷja judíos pea, “Jerusalén'pʷ wado

nii ʷmʷreco Pacʷre iḡ nʷcū bʷorica tabe,” mʷja iḡrucu —cūre iḡupo.

²¹To biro cō ca iḡiro, o biro cōre iḡupi Jesús:

—Nomio, yu ca iḡijere yʷe tuo nʷnʷjeeya: Ati buuropʷ doo, ḡucā Jerusalén macārʷ waa, biitirāra ʷmʷreco Pacʷre mʷja ca jāi juu bue nʷcū bʷopa tabe ea. ²²Mʷja Samaria macārā, mʷja ca majitirijerena mʷja iḡ nʷcū bʷocā. Jāa judíos pea jāa ca tii nʷcū bʷogʷe jāa maji. To biri, jāa judíos jʷori bojocare ametʷenerucumi ʷmʷreco Pacʷ. ²³Mee ea, mecūra nii mee, díamacūra ʷmʷreco Pacʷre ca tii nʷcū bʷorā, ca niirore biro, ʷmʷreco Pacʷ yʷa Aḡuri Yeri cū ca boorore biro cūja ca tii nʷcū bʷopa tabe, to biirije cūja ca tiiro boomi ʷmʷreco Pacʷ, cūre ca iḡ nʷcū bʷorāra. ²⁴ʷmʷreco Pacʷa, yeri ca bautiḡu niimi. ^jTo biri cūre ca tii nʷcū bʷorā, cūja yeripʷ, iḡ ditoricaró maniro ʷmʷreco Pacʷ yʷa Aḡuri Yeri cū ca boori wāmere biro ca tiiparā niima —cōre iḡupi Jesús.

²⁵To biro cōre cū ca iḡiro, nomio pea o biro cūre iḡupo Jesús're:

—Yu maji, Mesías, Cristo ca wāme cutiḡu cū ca eapere. Cū eapʷa niipetirije manire wede majiorucumi —cūre iḡupo.

²⁶To biro cūre cō ca iḡiro, o biro cōre iḡupi Jesús pea:

—Mʷ mena ca wede peniḡa, cūra yu nii yʷa —cōre iḡupi.

ⁱ 4.19 Profeta. ^j 4.23-24 Jn 2.21; Fil 3.3.

**Jesús buerã cū puto
cūja ca tua earique**

²⁷To biro cõre cū ca ñi niiri tabera jãa, cū buerã, macãpũ baarique ca wapa tiirã waaricarã jãa eawũ. Cū puto earã, Jesús pea nomio mena cū ca wede peni niirijere ñarã, do biro pee jãa ñi majiticãwũ. Bii pacarã jĩcũ peera, ¿ñee ʷnõre cõ booti? ¿Ñee ʷnõre cõ mena mũ wede peniti? jãa ñi jãĩña majiticãwũ ñucã. ²⁸Jãa ca eari tabera, nomio pea cõ joture toora piti dopo, macã pee tuacoawo. Toopũ eari, o biro bojocare cūjare ñi wedeupo:

²⁹—Ñarã dooña mũja cãa. Ōo, jĩcũ bojocũ niijãwi, yũ ca tiiriquere ca maji peoticãgũ. ¿ʷmũreco Pacũ cū ca tiicojopũ Mesías cūja ca ñigũ méé cū niicã tiimijapari? —ñiupo. ³⁰To cõrora tii macã macãrã pea, Jesús cū ca niiri taberũ ñarã dooupa. ³¹To biro cõ ca bii ditoyeacã: “Buegũ, baaya petopũra,” cũre jãa ñimiwũ Jesús're.

³²To biro cũre jãa ca ñiro:
—Yũa, mũja ca majitirije baarique yũ cwo —jãare boca ñiwi Jesús pea.

³³To biro jãare cū ca ñiro, o biro jãa ameri ñi jãĩñawũ:
—¿Mee jĩcãrã cũre cūja baarique jee doobujapari? —jãa ñiwũ.

³⁴To biro jãa ca ameri ñiro, Jesús pea o biro jãare ñiwi:

—Yũ baariquea, yũre ca tiicojo cojoricũ cū ca boorore biro tiirique, to biri cū ca dotiriquere yũ ca tii yapanope, nii. ³⁵Mũja pea: “Bapari muipũa dũja ména ote ca bũcũa yapanopa tabe,” mũja ñi. Yũ pea o biro yũ ñi: “Ote wejerire ñañaaqué, mee bũcũa yapanocoa, jeeriquerũ nii,” yũ ñi.^k ³⁶Ote dicare ca jeegũa, cū ca paderije wapare wapa taami. Cū ca jeerije pea, ʷmũreco Pacũ cū ca tiicojorije to birora cū ca caticõa niipe nii. To biri ote ca otegũ, ñucã ca dicare ca jeegũ cãa, cūja pũarãpũra jĩcãri cõro ʷjea niima. ³⁷O biro ñirica wãme díamacũra nii: “Jĩcũ niimi ca otegũ. Apĩpũ niimi ñucã ca dicare ca jeegũ,” ñiriquea. ³⁸Mũja yũ buerã ca niirã, to biro cūja ca ñirucuri wãmere birora mũja bii. Mee aperã cūja ca wede majio jũoricarã pũtopũre, yũ yee añurije quetire mũjare yũ wede doti cojowũ, añuro cūja ca tũo ame wio peoti majiro cūja tijato ñigũ. Aperã popiye bii jũoupa añurije quetire wederã, cūja ca pade jũoriquerũre ca pade boja yapanorãre biro mũjare yũ tii doti cojo. To biri mũjara popiye méé jañuro nii, yũ ca wede doti cojorije —jãare ñiwi Jesús.

**Pau samaritanos cūja ca
tuo nũñjeerique**

³⁹Sicar macã macãrã samaritanos, “Yũ ca tiiriquere, niipetiro yũre ñijãwi,” nomio

^k 4.35 “Ote wejeri ñiro, ‘Mee bojoca cũre ca tuo nũñjeeparãpũ nii yerijãama,’ ” ñiro ñi.

cō ca ïirijere ca t̃uoricarã, paɯ Jesús're t̃uo ññɯjeewa. ⁴⁰To biri Samaria macãrã Jesús p̃uto earã, “Waaticãña, jãa mena tuaya ména,” c̃üre ïiwa Jesús're. To biro c̃üre c̃uja ca ïiro macã, tii macãre p̃ua r̃um̃u niwi Jesús.

⁴¹To biri ñucã Jesús c̃ujare c̃u ca wederijere t̃uorã, paɯ jañuro c̃üre t̃uo ññɯjee ññɯa waawa.

⁴²To biro biirã, o biro cõre ïiwa:

—Mec̃ra yua, jãare m̃u ca ïijãrije juori wado méé jãa t̃uo ññɯjee, c̃u majuropeera c̃u ca ïijãrijere jãa majuropeera t̃uori, díamac̃ra bojocare Ca Amet̃ueneg̃u c̃u ca niirijere jãa maji —cõre ïiwa.

Wioɯ yeere ca pade bojari maj̃u mac̃ure Jesús c̃u ca catorique

⁴³P̃ua r̃um̃u jiro Jesús, Samaria yepa ca niiric̃u, Galilea yepa pee waa ññɯa waawi ñucã.

⁴⁴Ména, Jesús majuropeera: “J̃ic̃u, Ɔm̃ureco Pac̃u yee quetire wede juɯgeri maj̃ure c̃u yaa yepa macãrã c̃üre ñc̃u b̃uotima,” ïiwi.

⁴⁵Galilea yepap̃ure Jesús c̃u ca earo, too macãrã bojoca pea añuro c̃üre jãi bocawa, Jerusalén'p̃u Pascua boje r̃um̃u ïarã earã, niipetirije tii boje r̃um̃ure c̃u ca tiiriquere ca ïaricarã niiri.

⁴⁶Jesús, Galilea yepare waa yuju jañucã, ocorena ɯje oco c̃u ca jeeñorica macã Canáp̃ura tuacoawi ñucã. Tii macãre niip̃u j̃ic̃u, wioɯ yeere pade nemori maj̃u ɯp̃u ca niig̃u Capernaúm'p̃u c̃u mac̃u b̃uaro ca diag̃ure ca c̃uog̃u. ⁴⁷To biri, “Jesús Judea

yepap̃u ca niiric̃u, Galilea yepare eajagu,” c̃uja ca ïirijere queti t̃uori, Jesús're ïagu eari, “Ỹu mac̃u bii yaig̃up̃u ca biig̃ure, yu yaa wiip̃u waari c̃üre catiog̃uja,” b̃uaro c̃üre ïiwi c̃u pac̃u pea.

⁴⁸To biro c̃üre c̃u ca ïiro:

—Ca bii ñnorijere, ca ïa ñaaña manirije tii jeeñoriquere, m̃uja ca ïatijata, m̃uja t̃uo ññɯjeeti m̃uja —c̃üre ïiwi Jesús.

⁴⁹To biro c̃u ca ïi pacaro, wioɯre pade nemori maj̃u ɯp̃u pea:

—Wioɯ, yu mac̃u c̃u ca bii yaitirora yoari méé dooya —c̃üre ïiwi Jesús're.

⁵⁰To biro c̃üre c̃u ca ïiro Jesús pea o biro c̃üre ïiwi:

—M̃u yaa wiip̃u tua waag̃uja. Mee m̃u mac̃u caticoami —c̃üre ïiwi. To biro c̃üre c̃u ca ïirijere díamac̃u t̃uori, c̃u yaa wiip̃u tuacoawi.

⁵¹To biro c̃u ca bii tua waaro, c̃üre pade coteri maja pea c̃üre bocarã doori:

—¡M̃u mac̃u caticoaj̃awi mee! —c̃üre ïi bocaupa. ⁵²To biro c̃üre c̃uja ca ïi bocaro t̃uog̃u, “¿Di tabe muip̃u c̃u ca niiro peti c̃u cati juoj̃ari yu mac̃u?” c̃ujare ïi jãiñaupi. To biro c̃u ca ïi jãiñaro:

—Ñamica, jotoa decomacã jiroacã muip̃u c̃u ca niirije mena c̃üre wiorique tatijãwu —c̃üre ïiupa. ⁵³To biro c̃üre c̃uja ca ïiro, c̃u pac̃u pea: “‘Mee m̃u mac̃u caticoami,’ Jesús yure c̃u ca ïijãri tabe peti biijapa,” ïi majicãupi. To biri teere c̃ujare c̃u ca wedero t̃uorã, c̃u yaa wii

macārã niipetirã Jesús're cûre tuo nũnũjeeupa. ⁵⁴Ate, Judea yepa ca niiricu, Galilea yepare tua eagũ cû ca tiirije pea, pũati ca ãa ñaaña manirije Jesús cû ca tii bau nii ñño tũja waarije niiwũ.

**Betzatá macũ ca bũuricure
Jesús cû ca catiorique**

5 ¹Ate jiro, judíos boje rũmũ cûja ca quenoro ñagũ waawi ñucã Jesús, Jerusalén macãpũ. ²Jerusalén macãre “Ovejas” ca wãme cõtiri jope pũtore nii, arameo wederique menara Betzatá^l ca wãme cõtiri raa, jicã amo cõro niiri wiijeriacã ca nii amojoderi raa. ³Teepũre, paũ bojoca ca diarique cõtirã, ca ãatirã, ca waa majitirã, ca bũuricarã, cûa cojowa, oco ca jaberijere yuerã. ⁴Ména Æmũreco Pacũ pũto macũ pea majiña maniro no ca boori tabe eari, tiira maquẽ ocore tii jaberucuupi. Cû ca tii jabero jiroacã ca ñaaña jũogũ ñno, no ca boorije cû ca diarique cõtirijere ametũene ecorucuupi. ⁵Cûja watoare niuupi jicũ, treinta y ocho cũmari peti ca diarique cõtĩ niigũ. ⁶To biri Jesús pea, too ca cũagũre ãa, mee yoaro peti cû ca diarique cõtĩ cûa yujurijere majiri, o biro cûre ñi jãĩñawi:
—¿Mũ diarique ca ametũaro mũ booti? —cûre ñiwi Jesús.

⁷Ca diagũ pea o biro cûre ñi yũñwi Jesús're:

—Wiogũ, oco ca jaberi tabere ocorapũ yũre ca ami cõañuagu ñno manimi. To cãnacã tiira oco ca jabero jiro tiirapũ yũ ca ñaañarũgaro, aperã pee wado yũ jũguero ñaaña weocãrucuma —cûre ñiwi.

⁸To biro cû ca ñiro, o biro cûre ñiwi Jesús:

—Wãmũ nũcã, mũ ca cũari quejerore ami, waagũja —cûre ñiwi.

⁹To biro cûre cû ca ñirije menara, diarique manigũpũ yua, cû ca cũarucurica quejerore ami pũja, waacã nũnũa waawi. Yerijãarica rũmũ ca niiro macã, ¹⁰judíos uparã pea Jesús cû ca catioricu cû ca cũarica quejerore cû ca ami waaro ñari, o biro cûre ñiupa:

—Mecũa yerijãarica rũmũ nii; paderica rũmũ méé nii. Tii quejerore ami waagũa padegũ mũ tii —cûre ñiupa.

¹¹To biro cûre cũja ca ñiro, o biro cũjare ñiupi cû pea:

—Yũre ca diarique ametũenejãgũ, “Mũ ca cũari quejerore ami, waagũja,” yũre ñijãwi —cũjare ñiupi.

¹²To biro cû ca ñiro cũja pea o biro cûre ñi jãĩñaua:

—¿Ñiru cû niijãri, “Mũ ca cũari quejerore amiri waagũja,” mũre ca ñiricũa? —cûre ñiupa.

¹³Cû pea cûre ca diarique ametũenericũre majitiupi, Jesús pea to ca niirã paũ bojoca watoapũ waa, cû ca yaicoaro

^l 5.2 Jicãrã “Betesda” ñi, aperã “Betsaida” ñi, ñiima.

macã. ¹⁴Jiro ñucã Æmureco Pacu yaa wiipu cüre bua eari, o biro cüre ïwi Jesús:

—Tuoya. Mecüra diarique manigu mu nii yua. To biri ñañarijere tii nemoticãña, tee ametuene jañuro ñañaro mu ca tamuotipere biro ïgu —cüre ïwi Jesús.

¹⁵To biro cü ca ïiro jiro cü pea judíos putoru waari, “Yure ca diarique ametuenericua, ‘Jesús’ nijari,” cüjare ïi wedeupi.

¹⁶Ate juori judíos, yerijãarica rumurena to biirije peti cü ca tiicãrije juori, Jesús're ïi pato wãcõ nunjee, cüre jiaruga cote, biirucuwa. ¹⁷To biro cüja ca biiro ïari, Jesús pea o biro ïwi:

—Yu Pacu cãa to birora padecõa niimi. To biri yu cãa, to birora yu padecõa nii —ïwi.

¹⁸Ate juori judíos pea, yerijãarica rumure ca dotirijere cü ca ametuene nucãrije juori wado méé, ñucã Æmureco Pacure, “Yu Pacu niimi,” cü ca ïirije mena, Æmureco Pacu jicãripu cü ca biicãrije juori, nemo jañuro cüre jiaruga cotewa Jesús're.

Jesús cü ca doti majirije

¹⁹To biri Jesús pea o biro cüjare ïi yuwi:

—Díamacü mujare yu ïi: Yu, Æmureco Pacu Macü nii pacagu, yu ca boori wãme yu tii majiti. Yu Pacu cü ca tiirijere ïari wado yu tii. Yu, cü Macü cãa, yu Pacu cü ca tiirije niipetirije yu tii. ²⁰Yu Pacu yure

ca maigu niiri, niipetirije cü ca tiirijere yure ïnomi. Ména, ate ametuene jañuro do biro ca tiya manirijeru tii bau nii majiriquere yure ïnorucumi, ametuene jañuro do biro pee mija ca ïiticãpere. ²¹Ñucã yu Pacu, ca bii yaicoaricarãre cüjare catori, catiriquere cüjare tiicojo, cü ca tiitore birora yu, cü Macü cãa, yu ca tiicojorugarãre catiriquere yu tiicojo. ²²Yu Pacua, jicü unopeerena ïa bejetimi. Cü Macü pee docare niipetirije yu ca ïa beje majipere yure tiicojowi, ²³niipetirã yu Pacure cüja ca ïi nucü buorore birora, yu, cü Macü cãare cüja ïi nucü buojato ïgu. Yure ca ïi nucü buotigua, yu Pacu yure ca tiicojo cojoricu cãare ïi nucü buotimi.

²⁴Díamacü mujare yu ïi:

Yu ca wederijere tuo, yure ca tiicojo cojoricure tuo nunjee, ca tiigua, to birora caticõa niiriquere cuomi. Ñañaro tii yaio ecotirucumi, mee cü ca bii yaiboriquere ametuari caticõa niirique peere ca buaricu niiri. ²⁵Yee méé mujare yu ïi: Tee ca biipa tabe ea dooro bii, mee mecüra nii yerijãa, ca bii yairãre biro ca niirã, yu, Æmureco Pacu Macü wederiquere cüja ca tuopa tabe, yu ca wederijere ca tuo nunjeerã catirucuma. ²⁶Yu Pacu, cü majuropeera catirique cü ca cuorore birora, yu, cü Macü cãare, yu majuropeera catirique yu ca cuoro yure tiwi. ²⁷To biri ñucã, yu, Ca Nii

Majuropeegu Macũ yu ca niirije jwori, bojoca niipetirãre yu ca ãa beje majipe cãare yure tiicojowi. ²⁸Atere two ucaticãña. Earucu niipetirã ca bii yaiquĩricarã yu wederiquere twori, ²⁹maja operipu ca niiricarãra cãja ca witipa tabe. Añurijere ca tii niiricarã to birora caticõa niirugarã cati tuarucuma. Ñañarijere ca tiirucuricarã pea ñañaro tii ecorugarã cati tuarucuma.

**Cristo yee maquẽre
wede nemori maja**

³⁰Yua, yu majurope yu ca boorora yu tiiti. Yu Pacu cã ca dotiro mena yu ãa beje. Yu ca ãa bejerije díamacãra nii. Yu majurope yu ca booro, yu ca tiirugarijere yu tiiti. Yu Pacu, yure ca tiicojo cojoricu cã ca boorore biro wado yu tii.

³¹Yu majuropeera yu yee maquẽre yu ca wedejata, yu yee maquẽre yu ca wederijere díamacũ méere biro yure mja twocãbocu. ³²To biri aripu niimi, yu yee maquẽre ca wede bojagu. To biri “Yu yee maquẽre cã ca ñi bojarije pee doca díamacãra nii,” yu ñi maji. ³³Mja, “Juan're jãñarãja,” mja ñi cojoura. Cã ca wederique pea díamacãra cã ca ñirique nii. ³⁴Yua, bojocãra yu yee maquẽre cã ca wede bojarijerena “Añu majuropecã” yu ñi, ñigu méé yu ñi; ñañaro cãja ca biiboriquere cãja ametãjato ñima ñigu mjure yu ñi atera. ³⁵Juan, jicãga jã boericaga ca

boe baterore biro ca biigu niupi, añurije quetire ca wedegu niiri. Mja pea tee cã ca wederijere tworã, no cõro meeacãra teere mja two cãja nii niirugamiupa. ³⁶Yu pea Juan cã ca wederique ametwenero, yu yee maquẽre ca wede bojarijere yu cwõ. Yu ca tiirije, yu Pacu cã ca doti cojoriquere yu ca tiirijera, cã ca tiicojoricãra yu ca niirijere ãa majiricarõ tii. ³⁷Yu Pacu, yure ca tiicojo cojoricu cãa, yu yee maquẽre wede bojami, jicãti wno peera cã ca wederijere twõ, cãre ãa, mja ca tiitirije ca nii pacaro. ³⁸Cã wederique cãa mjarure niiticã, yu, Umwereco Pacu cã ca tiicojo cojoricure díamacũ mja ca twõ nñujeeerijere jwori.

³⁹Mja, Umwereco Pacu wederiquere cãja ca owariquerure añurõru mja buecãrucu, “Teerure caticõa niiriquere jãa bwarucu” ñi twogõñari. Tee pea yu yee maquẽrena to ca wedecãmijata cãare, ⁴⁰mja pea yure mja twõ nñujeeerugati, caticõa niiriquere cwõnga pacarã.

⁴¹Yua bojocara, “Añuro peti ca tiigu niimi,” yure cãja ca ñi ncã bworijere yu amaati.

⁴²Areyera ñucã, yua mjara yu ãa majicã, Umwereco Pacure mja ca maitirijere yu maji.

⁴³Yua, yu Pacu cã ca tiicojoro yu doowu. Mja pea yure mja booti. Apĩ cã majuropeera ca doogu wno peera añuro mja twõ nñujeeebocu. ⁴⁴Umwereco Pacu jicãra ca niigu, “Añurã

mɔja nii,” mɔjare cɔ ca ɨi nɔcɔ buope peera amari mɛɛ, mɔja majuropeera “Añurã mɔja nii,” mɔja ca ameri ɨi nɔcɔ buorije wado ca amarã, ɔdo biro pee tiicãri díamacɔ mɔja tuo nɔnɔjeebogajati?

⁴⁵ “Cɔ Pasɔpɔre ñañaro manire wedejãa buiyeerucumi,” yɔre ɨi tɔgoeñaticãña, “Moisés cɔ ca doti cɔurique niipetiro tii nɔnɔjeerãa catiriquere mani buarucu,” mɔja ca ɨi yue niigura niimi mɔjare ca wedejãagu. ⁴⁶ Moisés niiquĩricɔ cɔ ca ɨiriquere díamacɔ mɔja ca tuo nɔnɔjeejata, yɔ cãare díamacɔ mɔja tuo nɔnɔjeebocu. Moisés niiquĩricɔna yɔ yee maquẽrena owa cɔu jɔguequĩpɔ. ⁴⁷ Cɔ ca owa cɔuriquere díamacɔ ca tuo nɔnɔjeetirã nii pacarã, ɔdo biro pee biicãri yɔ ca ɨirije peera, díamacɔ mɔja tuo nɔnɔjeebogajati? —cɔjare ɨiwi Jesús.

Paɔ bojocare Jesús cɔ ca baarique ecarique

(Mt 14.13-21; Mc 6.30-44;

Lc 9.10-17)

6 ¹ Ate jiro, Galilea ɔtabucɔra, ñucã tiirarena Tiberias cɔja ca ɨiri raa ape nɔña pee Jesús mena jãa tíacoawɔ. ² Bojoca ca diarique cɔtirãre catiogɔ ca ɨa ñaaña manirije cɔ ca tiirijere ca ɨaricarã niiri, paɔ bojoca cɔre nɔnɔwa. ³ To biri Jesús pea upa buuropɔ maa

waa, jãa, cɔ buerã mena ea nuu eawi. ⁴ Mee judíos boje rumɔ Pascua ea waaro biiwɔ. ⁵ To biri Jesús pea ɨa cojogɔ, paɔ bojoca cɔre ca nɔnɔ doorãre ɨari, o biro ɨiwi Felipe:

—¿Noopɔ baarique mani wapa tiirãti, anija patoacã cɔja ca baapere? —ɨiwi.

⁶ Mee Jesús pea cɔ ca tiipere añuro majicã pacagu, “¿Felipe, do biro yɔre cɔ ɨi yɔuguti?” ɨima ɨigu, to biro cɔre ɨi jãñawi Jesús. ⁷ To biro cɔ ca ɨiro, Felipe pea o biro ɨi yɔwɔi Jesús're:

—¡Agó nija! Doscientos rumɔri padegɔ wapa taaricaro cõro^m mena baarique wapa tiiri petoriacã eca batomijata cãare earicaro mani —cɔre ɨiwi.

⁸ To biro cɔ ca ɨiro, jãa mena macɔ Andrés, Simón Pedro yee wedegɔ pea, o biro cɔre ɨiwi Jesús're:

⁹ —Anore niijãwi jicɔ wimagɔ, jicã amo cõro niirije pan cebada mena cɔja ca tiirique, ñucã wai paarã ca cɔogɔ. Ate baarique paɔ bojocarɔre earicaro mani —cɔre ɨiwi Andrés.

¹⁰ To biro cɔ ca ɨiro, Jesús pea o biro ɨiwi:

—Niipetirãre duwi dotiya —ɨiwi.

Tii tabe pea añuro ca taa cɔtiri yepa niuwɔ, to biri ɔmɔna wado niirã jicã amo cõro mil niirã cõro peti niywa. ¹¹ To biro cɔja ca biro, Jesús pea baariquere ami, ɔmɔreco Paɔre, “Añu

^m 6.7 Doscientos denarios.

majuropeecã,” cüre ïi nũcũ bũo yapano, cũ buerãre tiicojowi. Jãa pea too ca duwirã bojocare jãa bato cojowũ. Wai cãare to birora tiíwi ñucã. To biro cũ ca tiirijere baarã, no cũja ca baarũgaro cõro baawa. ¹²Teere niipetirãpũra cũja ca baa yapi peticoaro, o biro jãare ïíwi Jesús:

—Ca ñujarijere jee neoña, no ca booro ca bii batetipere biro ïirã —jãare ïíwi.

¹³To biri jãa pea jicã amo cõro niiricari pan ca niirique ca ñujarijere pũa amo peti, ñupore pũaga penituario niiri pijeeri peti jãa jee jãa dadowũ. ¹⁴Bojoca pea, ca ïa ñaaña manirije Jesús cũ ca tiirijere ïacãri, o biro ïíwa:

—Díamacũra ania, “Ûmũreco Pacũ yee quetire wede jũgueri majũ ati yeparũre doorucumi,” cũja ca ïiricũra niimi —ameri ïíwa.

¹⁵Jesús pea tutuaro mena ami waari, cüre cũja ca wioũ jõenerũgarijere ïa majiri, jicũra niirũgu ñtãgu bũaro ca emũaricũ jotoarũ mũacoawi.

Oco jotoara Jesús cũ ca waarique (Mt 6.22-27; Mc 6.45-52)

¹⁶Ca naio ñaacũmuri tabe ca niiro, jãa, Jesús buerã pea, ñtabũcũrapũ bua waari, ¹⁷cũmuarũ ea jãa, ñtabũcũrãre jãa tĩa nũnũa waawũ, Capernaúm macãpũ waarã. Mee naitĩa peticoawũ. Jesús pea tua eatiwi ména. ¹⁸To biro jãa ca bii tĩa waaro, bũaro ca wino paa puuro macã, oco ca jaberije paca

bii nũnũa doowũ. To biro ca biiro paca jabewũ. ¹⁹Mee cinco, seis kilómetros cõro jãa ca tũja tĩa waaro, Jesús pea jãa pũto pee doogu, oco jotoara cũ ca doo nũnũa dooro ïari, bũaro jãa uwiwũ jãa pea. ²⁰To biri Jesús pea o biro ïi cojowi:

—Yũra yũ nii. Uwiticãña —jãare ïi cojowi.

²¹To biro jãare cũ ca ïiro, ñjea niirique mena cũmuarũ cüre jãa ea jãa dotiwũ. Cũmuarũ cũ ca ea jãaro jiroacãra, jãa ca waari taberũ jãa eacoawũ.

Bojoca Jesús're cũja ca amarique

²²Ape rãmũ peere, ñtabũcũra ape nũnarũra ca tuaricarã bojoca pea, cũmua jicãga ca niiricarena jãa ca tĩa waaro jãa mena Jesús cũ ca waatiriquere majicãupa.

²³To biro cũja ca ïi niiri tabere ape cũmuari, Tiberias macã pee ca doorique, Jesús cũ Pacũre, “Jãa mena mũ añujañũ,” ïi yapanori, baarique cũ ca jũo baarica tabe pũtore eaupa. ²⁴To biri Jesús, jãa cũ buerã cãa, too jãa ca maniro ïa, tii cũmuari menara ea jãa, Capernaúm'pũ cüre amarã doocã dooupa.

Jesús, baariquere birora catiriquere ca tiicojogu

²⁵Cũja pea ñtabũcũra ape nũña tĩa ea, Jesús're bũa eari, o biro cüre ïi jãíñawa:

—Buegu, ¿no cõropũ anopũre mũ doojãri? —cüre ïíwa.

²⁶To biro cũja ca ïi jãíñaro, o biro cũjare ïíwi Jesús:

—Díamacũ mɔjare yɯ ïi:
Mɔja, yɯ ca tii bau niijãrijere
mɔja ca tɔo jeeñorije jɔori méé
yɔre mɔja ama, baarique mɔja
ca baa yapicoajãrijere ïima ïirã
yɔre mɔja ama. ²⁷Baarique ca
petirijerena buarugarã, popiye
pade buañaaticãña. Baarique to
birora ca niicõa niirije, caticõa
niirique ca tiicojorije peere,
buarugarã pee doca padeya. Tee
pee nii, yɯ, Ca Nii Majuropeegɯ
Macũ baarique mɔjare yɯ ca
tiicojope. Ʋmureco Pacɯ, yɯ
Pacɯ, yeri caticõa niiriquere,
bojocare yɯ ca tiicojopere yɔre
tiicojowi —cũjare ïiwi Jesús.

²⁸To biro cũjare cũ ca ïiro, o
biro cũre ïi jãñawa Jesús're:

—¿Ñee ɯno jãa tiigajati,
Ʋmureco Pacɯ cũ ca dotiروه
biro tiirugarã? —cũre ïiwa.

²⁹To biro cũre cũja ca ïi
jãñaro, o biro cũjare ïi yɯɯwi
Jesús:

—Ate wado nii Ʋmureco Pacɯ,
mɔja ca tiiro cũ ca boorije. Cũ
ca tiicojo cojoricure díamacũ
mɔja ca tɔo nɯɯjeerije wadore
boomi —cũjare ïiwi Jesús.

³⁰To biro cũjare cũ ca ïiro, o
biro cũre ïi jãñawa ñucã:

—¿Teere ïari, díamacũ mure
jãa ca tɔo nɯɯjeepere biro ïigɯ,
ñee ca ïa ñaaña manirije jãare
mɯ tii ïnoguti? ¿Dije to niiti mɯ
ca tii niirije? ³¹Mani ñicũ jãari
niiquiricarã ca yucɯ maniri
yeparɯ niirã, ɯmureco tutipɯ
maquẽ baarique manáⁿ cũja ca

ïirijere baaupa, Ʋmureco Pacɯ
wederique: “Ʋmureco tutipɯ
maquẽ baarique cũjare ecaupi,”
ca ïiروه birora —cũre ïiwa
Jesús're.

³²To biro cũja ca ïiro, o biro
cũjare ïi yɯɯwi Jesús:

—Díamacũ mɔjare yɯ ïi.
Moisés niiquiricɯ méé ɯmureco
tutipɯ maquẽ baariquere mɔjare
ecaupi. Yɯ Pacɯ pee niimi
baarique ca nii majuropeerije
emuaropɯ maquẽre ca tiicojogɯ.
³³Ʋmureco Pacɯ, ɯmureco
tutipɯ maquẽ baarique cũ ca
tiicojoriquere biro ca niigɯ
ɯmureco tutipɯ ca duwi dooricɯ
ati yepa macãrãre to birora
caticõa niiriquere ca tiicojogɯ
niimi —cũjare ïiwi.

³⁴To biro cũjare cũ ca ïiro, o
biro cũre ïiwa:

—Wiogɯ, tee wadore jãare
baarique tiicojocõa niña —cũre
ïiwa.

³⁵Jesús pea o biro cũjare ïiwi:

—Yɔra yɯ nii, baarique baa
catiricarore birora catiriquere
ca tiicojogɯ. To biri yɯ pɯto ca
doogɯa, jicãti ɯno peera aɯa
boa, biitirucumi. Ñucã díamacũ
yɔre ca tɔo nɯɯjeegɯa,
jicãti ɯno peera oco jiniruga,
biitirucumi. ³⁶Mee mɔjare
yɯ wedejãwɯ: mɔja, yɯ ca tii
niirijere ïa pacarã, díamacũ yɔre
mɔja tuoti. ³⁷Yɯ Pacɯ yɔre cũ
ca tiicojorã niipetirã yɯ pɯtore
dooma; yɯ pɯto ca doorãre jicãti
ɯno peera cũjare cõa wiene, yɯ

ⁿ 6.31 Ex 16.4; Neh 9.15; Sal 78.24-25.

tiitirucu. ³⁸Yua, umureco tutipɛ ca niiricu ati yeparɛre duwi doogua, yɛ ca boorore biro tiigu doogu mée yɛ doowɛ. Yure ca tiicojo cojoricu yɛ Pacɛ cɛ ca tii dotirije wadore tiigu doogu yɛ doowɛ. ³⁹Yure ca tiicojo cojoricu yɛ Pacɛ cɛ ca boorijea, yure cɛ ca tiicojoricarɛre jicɛ ɛno peerena tii yaioricaro maniro, ca tɔjari rumɛ ca niiro, cɛja ca cati tuaro yɛ ca tiipe nii. ⁴⁰Yɛ Pacɛ cɛ ca boorijea, yɛ, cɛ Macɛre ca ia majirɛ niipetirɛ yɛ ca wederijere díamacɛ tɔo nɛnɛjeeri, caticɔa niirique cɛja ca bɛare nii. Yɛ pea ca tɔjari rumɛ ca niiro, cɛja ca cati tuaro yɛ tiirucu —cɛjare iwi Jesús.

⁴¹To biro cɛ ca iiro judíos pea, yaioroacɛ Jesús're wede pai niíwa “Yɛ, yɛ nii, umureco tutipɛ maquɛ baariquere biro ca duwi dooricɛ,” cɛ ca iirijere tɔori. ⁴²To biri o biro iíwa:

—¿Ania, José macɛ Jesús mée cɛ niiti? Mania cɛ pacure, cɛ pacore mani maji. ¿Ñee tiigu “Umureco tutipɛ ca niiricu yɛ duwi doowɛ,” cɛ iiti? —iíwa.

⁴³To biro cɛja ca ameri iiro, o biro iíwi Jesús:

—To cɔrora wede pai yerijãaña. ⁴⁴Yure ca tiicojo cojoricu yɛ Pacɛ, cɛ yeripɛ cɛ ca tɔgoeña wajoaro cɛ ca tiitijata, jicɛ ɛno peera yure tɔo nɛnɛjee majitimi. Cɛ ca tɔgoeña wajoaro cɛ ca tiirɛ wado yure tɔo nɛnɛjeema. Yɛ

pea ca tɔjari rumɛ ca niiro, cɛja ca cati tuaro yɛ tiirucu. ⁴⁵Umureco Pacɛ yee quetiere wede jɔgueri maja cɛja ca owarica pɛuroripɛ o biro ií: “Niipetirɛre wede majiorucumi Umureco Pacɛ,”^o ií. To biri yɛ Pacɛ wederiquere tɔo, cɛ yee maquɛre maji, ca tiirɛ niipetirɛ, yɛ pɛto dooma. ⁴⁶Biigurɛa yɛ Pacure ca iaricarɛ jicɛrɛ niima iigu mée yɛ ií. Yɛ, cɛ mena ca nii jɔo dooricɛ wado cɛre ca iaricɛ yɛ nii. ⁴⁷Yee mée mɔjare yɛ ií: Díamacɛ yure ca tɔo nɛnɛjeerɛ, to birora caticɔa niiriquere cɔo yerijãama. ⁴⁸Yɛ yɛ nii, baariquere baa catiricarore birora catiriquere ca tiicojogu. ⁴⁹Mɔja ñicɛ jãa niiquiricarɛ, ca yucɛ maniri yeparɛ niirɛ, baarique maná cɛja ca iirijere baaquɛpa. Teere ca baaricarɛ nii pacarɛ, bii yaicoaquɛpa. ⁵⁰Yɛ pea, baarique umureco tutipɛ ca duwi doorijere yɛ wede. Teere ca baarɛ, to birora caticɔa niirucuma. ⁵¹Yɛ yɛ nii, baarique ca catirije umureco tutipɛ ca duwi doorique ca niigu. Tee baariquere ca baagna, to birora caticɔa niirucumi. Baarique yɛ ca tiicojope pea yɛ upurira nii. Ati yepa macɛrɛ cɛja ca caticɔa niipere biro iigu, cɛjare yɛ bii yai bojarucu —iíwi.

^o 6.45 Is 54.13.

⁵²To biro cū ca ĩiro tʉorā, judíos pea cūja majurope o biro ameri ĩi tutiwa:

—¿Ania, do biro tiicāri, cū upurirena manire cū baa dotiguti? —ĩiwa.

⁵³To biro cūja ca ameri ĩiro, cū ca bii yaiperure tugoñari, o biro cūjare ĩiwi Jesús:

—Díamacū mʉjare yʉ ĩi: Yʉ, Ca Nii Majuropeegʉ Macū díre baa, ñucā yʉ díre jini, mʉja ca tiitijata, caticōa niiriquere mʉja cʉoti. ⁵⁴Yʉ díre baa, ñucā yʉ dí cāare jini, ca tiigʉa, to birora caticōa niiriquere cʉo yerijāami. Yʉ pea, ca tʉjari rʉmʉ ca niiro cū ca cati tuaro yʉ tiirucu. ⁵⁵Yʉ día, baarique ca nii majuropeerije nii. Ñucā yʉ dí cāa, jinirique ca nii majuropeerije nii. ⁵⁶To biri yʉ díre baa, yʉ dí cāare jini, ca tiigʉa, yʉ mena cati niimi. Yʉ pee cāa, cū mena yʉ nii. ⁵⁷Yʉ Pacʉ, to birora ca caticōa niigʉ yʉre cū ca tiicojo cojoricarore birora, yʉ cāa cū jʉori yʉ ca caticōa niirore birora, yʉ díre ca baagʉ cāa, yʉ jʉorira caticōa niirucumi.

⁵⁸Ate baarique ʉmʉreco tutipʉ ca duwi dooriquere yʉ wede. Ate baarique pea mʉja ñicū jāari niiquiricarā cūja ca baarique manāre biro biiti. Teere ca baaricarā nii pacarā, bii yaicoaquĩupa. Baarique ʉmʉreco tutipʉ ca duwi dooriquere ca baarā pee doca, to birora caticōa niirucuma —cūjare ĩi wedewi Jesús.

⁵⁹Ate niipetirijere nea poo juu buerica wii, Capernaúm macā macā wiipure cūjare wede majiowi Jesús.

Wederique, caticōa niirique ca tiicojorije

⁶⁰O biro cū ca ĩi wederijere tʉorā, paʉ Jesús're ca tʉo nʉnʉjeemiricarā o biro ameri ĩiwa:

—Ate cū ca buerijea do biro ca tii majiña manirije peti niicā. Ñiru pee teere tii nʉnʉjee majiricaró manimi —ĩiwa.

⁶¹To biro cūja ca ĩi wede pairijere majiri, Jesús pea o biro cūjare ĩi jāiñawi:

—¿Atera mʉjare to ajenecāti? ⁶²¿Do biro to biibogajati, to docare yʉ, Ca Nii Majuropeegʉ Macū, yʉ ca nii jʉorica taberʉra yʉ ca tua mʉa waaro mʉja ca ĩajata? ⁶³Yeri jāñarique pee nii, cati niiriquere ca tiicojorije. Mani upurira, yeri jāñarique to ca manijata, wapa mani. Mʉjare yʉ ca ĩijarijeara, yeri jāñarique, catirique, niiro bii. ⁶⁴To ca bii pacaro, jicārā mʉja mena macārā díamacū ca tʉo nʉnʉjeetirā niicāma ména —ĩiwi. Mee Jesús pea, jicātorʉra, díamacū cūre ca tʉo nʉnʉjeetirāre, ñucā cūre ca wedejāa buiyee cōapʉ cāare, maji yerijāaupi. ⁶⁵To biri o biro cūjare ĩi nemowi ñucā:

—Aterena ĩigʉ, “Yʉ Pacʉ cū ca tiicojotigʉa jicū ʉno peera yʉ pʉto doo majitimi,” mʉjare yʉ ĩi wedejāwʉ —cūjare ĩiwi Jesús.

⁶⁶Tii tabe mena paꝝ bojoca Jesús're ca nꝛnꝛmiricarã, cãre waa weo, cãre bapa cꝛti waa yujuticãwa yua. ⁶⁷To biro cãja ca biiro ãa, Jesús pea, jãa cã buerãre o biro ïi jãĩñawi:

—¿Mũja cãa yũre mũja waa weocoarugati? —ĩwi.

⁶⁸To biro cã ca ïiro, Simón Pedro pea o biro cãre ïi yũwi:

—Wioꝝ, ¿noa mena pee jãa waabogajati? Mũ jĩcũra mũ nii, to birora caticõa niirique maquẽre ca wedeꝝ. ⁶⁹Jãa, mee mũ ca wederijere díamacũ jãa tuo nꝛnꝛjeewũ. Mũa, Æmũreco Pacũ yũ Ca Ñañarije Manigũ mũ ca niirijere jãa maji —ĩwi Jesús're.

⁷⁰To biro cã ca ïiro, Jesús pea o biro jãare ïi yũwi:

—¿Yua, pua amo peti, ðũpore puaꝝa penituario niirã mũjare yũ beje jeetiri? To biro yũ ca tiiricarã mũja ca nii pacaro, jĩcũ mũja mena macũ Satanás'ra niicãmi —jãare ïwi Jesús. ⁷¹Atere o biro cã ca ïijata, Simón Iscariote macũ Judas're ïꝝ ïwi Jesús. Judas pea jãa mena macũ nii pacagũ, Jesús're ca wedejãa buiyee cõapũ niupĩ.

Jesús bairã cãre cãja ca tuo nꝛnꝛjeetirique

7 ¹Ate jiro Galilea yepa pee waa yujuwi Jesús. Judea yepapera niirugatiwi,

too macãrã judíos ƿparã cãre jãarugarã cãja ca ama niiro macã. ²Judíos yaa boje rꝛmũ, yucũ ðũpũri mena wiijeriacã cãja quenori boje rꝛmũ^p ea nꝛnꝛa dooro ca biiro, ³cũ bairã pea o biro cãre ïiwa Jesús're:

—Anore tuaticãña. Waagũja Judea yepapũ, too macãrã mũre ca tuo nꝛnꝛjeerã cãa, mũ ca tii niirijere cãja ca ïapere biiro ïꝝ. ⁴Manire cãja ca majiro boogua, apere unore yaioropũ tiyya mani. Anore atere mũ ca tiitore birora toopũ cãare niipetirã cãja ca ïa cojoro, ca ïa ñaña manirije mũ ca tii bau niirijere cãjare tii ïnogũja —cãre ïiwa.

⁵Cũ bairã peti cãa, cãre tuo nꝛnꝛjeeticãwa. ⁶To biri Jesús pea o biro cãjare ïwi:

—Yua toopũ yũ ca waapa rꝛmũ eati ména. Mũjara no ca boori rꝛmũ mũja ca waajata cãare añujañũ. ⁷Mũjara, ati yepa macãrã Æmũreco Pacũre ca tuo nꝛnꝛjeetirã mũjare ïa tutitima. Yua ïa tuti jañuma, cãja ca tii niirije ñañarije ca niirijere, “Ñañarije nii” cãjare yũ ca ïi bau niirije juori. ⁸Mũja tii boje rꝛmũre waarãja. Yua, yũ waati, yũ Pacũ yũ ca biipere cũ ca cũurica tabe eati ména —cãjare ïwi Jesús. ⁹To biro cãjare ïi, Galileapũra tuacãwi Jesús.

^p 7.2 Tabernáculos: Wii piiri boje rꝛmũ, cãja ñicũ jũmũapũ ca yucũ maniri yepapũre cãja ca biiquĩriquere cãja ca tũgoeñari boje rꝛmũ. Lv 23.33-43; Dt 16.13.

**Ote ca bɯcɯa yapanori boje
ɾɯmɯre Jesús cɯ ca biirique**

¹⁰To biro ɿi pacagu, cɯ bairã cɯja ca waaricaró jiro, cɯ cãa tii boje ɾɯmɯre waawi. Toopɯre bau niiro biitigɯra, yaioro biicã yujuwi. ¹¹Tii boje ɾɯmɯre judíos ɯparã pea cɯre amarã:

—¿Ōo ca niigɯa noopɯ cɯ niigajati? —ameri ɿi yujuupa. ¹²Ména too peera bojoca pea, Jesús cɯ ca tiirijere ca ɿaricarã, buaro ameri wede peni niupa. Jicãrã, o biro ɿiupa: “Ca bojoca añugɯ niwi,” ɿiupa. Apeɾã pea: “Añutimi. Cɯ ca buerije mena bojocare ɿi ditomi,” ɿiupa. ¹³Biirãpɯa, to biro ɿi pacarã, judíos ɯparãre uwima ɿirã cɯ yee maquere bau niiro ameri wedetiupa.

Boje ɾɯmɯre Jesús cɯ ca buerique

¹⁴To biri Jesús pea cɯja ca boje ɾɯmɯ tii decomacã cɯti waari tabepɯ, ʘmɯreco Pacɯ yaa wiipɯ jãa waari, bojocare wede majio jɯo waawi ñucã. ¹⁵To biro cɯ ca ɿirijere tɯorã, judíos ɯparã pea do biro pee ɿi majiticã, o biro ameri ɿiwa:

—¿Ania ca buetiricɯ nii pacagu, do biro pee biicãri to cõro paɯ cɯ majiti? —ɿiwa.

¹⁶To biro cɯja ca ɿiro, Jesús pea o biro cɯjare ɿi yɯɯwi:

—Mɯjare yɯ ca buerijeja yɯ yee méé nii. Yɯre ca tiicojo cojoricɯ yee niiro bii. ¹⁷Jicã, ʘmɯreco Pacɯ cɯ ca boorore biro ca tiirugɯ ca niigɯ ɯnoa,

yɯ ca buerijere: “ʘmɯreco Pacɯ yeera nii,” ɿi maji, ñucã, “Biiti, cɯ majurope cɯ ca booro cɯ ca wederije nii,” ɿi tɯo majirucumi. ¹⁸Cɯ ca boori wãme ca wedegɯa, bojoca cɯre cɯja ca ɿi nɯcɯ buorijere amagu ɿimi. Cɯre ca tiicojo cojoricɯre cɯja ca ɿi nɯcɯ buorijere ca boojãgɯa, díamacɯ wedemi, dije ɯno peera cɯ ca wederije watoara cɯ ca ɿirije mani. ¹⁹¿Doti cɯuriquere Moisés niiquiricɯ méé mɯjare cɯ cɯuquɿupari? Mɯjarena cɯ ca cɯu pacaro, jicɯ ɯno peera doti cɯurique ca ɿi rore biro mɯja tii nɯnɯjeeti. To biro ca biirã nii pacarã, ¿ñee tiirã yɯre mɯja jiarugati? —cɯjare ɿiwi Jesús.

²⁰To biro cɯ ca ɿiro tɯorã:

—¿Noa mɯre cɯja jiarugati yee? ¿To docare ca wãti jãa ecoricɯ mɯ niicu! —cɯre boca ɿi yɯɯwa bojoca pea.

²¹To biro cɯja ca ɿiro, Jesús pea o biro cɯjare ɿiwi:

—Mɯja niipetirãpɯa, jicãatiacã yerijãarica ɾɯmɯ ca niirore, ca diarique cɯtigɯre yɯ ca catioriquerena mɯja ɿa ɯcɯa wede paicã maniwa.

²²Moisés niiquiricɯ, jeyua quejero yapa wide taariquere mɯjare tii dotiupi. Biirópɯa, tee pea Moisés niiquiricɯ cɯ ca tii doti cɯuparo jɯguerópɯa mɯja ñicãa niiquiricarãpɯa teere tii jɯo dooquɿupa. Mɯja pea, “Teere tii nɯnɯjeerã jãa tii,” ɿirã, yerijãarica ɾɯmɯrena wimagɯre cɯ jeyua quejero yapare mɯja wide taarucu.

²³To biri, Moisés niiquírícu cū ca doti cūquíríquere “Jāa bii ametuene nūcāre” ĩrā, yerijāarica rūmurena mūja puna jeyua quejeri yaparire ca wide taarā nii pacarā ĩnee tiirā mūja pea ca diarique cutigure yerijāarica rūmū ca niiro yu ca catoriquerena, yu mena mūja ajiacāti? ²⁴Mūja, añuro tūgoeñatirāra, bau niiro ca biirijerena ĩari, “To biirije mūja biirique cuti,” ĩ ĩa bejeticāña. Mūja ca ĩa bejerugajata, añuro díamacū tūgoeñari ca niirore biro ĩa bejeya —cūjare ĩwi Jesús.

**Ati yeparu cū ca dooriquere
Jesús cū ca wederique**

²⁵To biro cū ca ĩi niiro, jīcārā Jerusalén macārā o biro ameri ĩiwa Jesús're ĩacāri:

—¿Ania, jīa cōarugarā cūja ca amarucujāgu méé cū niiti? ²⁶ĩira, niipetirā cūja ca tūo cojoro wede niimi doca. To biro cū ca bii pacaro, jīcū ũno peera jīcā wāme ũnora cūre ĩrucu tiitima. ¿Bojocare ca jūo niirāpura, “Ania díamacūra ũmureco Pacu cū ca tiicojo cojoricu Mesías niimi,” cūre cūja ĩi tūgoeña nūcū bñocābutique? ²⁷Mee, mania anira, too macū cū ca niirijere mani maji. ũmureco Pacu cū ca tiicojo cojogu Mesías peti cū ca doojata docare, jīcū ũno peera: “Too macū niimi” cūre ĩi majitirucuma —ameri ĩiwa.

²⁸Teere tūori, Jesús pea ũmureco Pacu yaa wiipura ca

bue niigu niiri, tutuaro o biro ĩi wedewi:

—¿To docare mūja yure maji, tii macā macū yu ca niirijere maji, mūja biiti cāji? Yua yu ca boorora doogu méé yu biíwū. Jīcū mūja ca majitigu “Yee méé ĩimi,” ĩi tūo nūnūjeericu ũnora ca niigu cū ca doti cojoro yu doowū. ²⁹Yu doca, cū mena ca nii jūo dooricu niiri cūre yu maji, cūra anopure yure tiicojo cojowi —cūjare ĩwi Jesús.

³⁰To biro cū ca ĩirijere tūo ajiari, jīcāto cūre ñeerugamiwa. To biro tiiruga pacarā, ména cū ca bii yaipa tabe ca eatiro macā cūre ñee majitiwa. ³¹Biirāpua, pañ bojoca cūre tūo nūnūjee, o biro ameri ĩiwa:

—ũmureco Pacu cū ca tiicojo cojogu Mesías, ati yeparure doogu, ¿ani Jesús, ca ĩa ñaña manirije cū ca tii bau nii ĩñorije ametuenero cū tiiguti? —ĩiwa.

**Fariseos Jesús're cūja
ca ñeerugamirique**

³²To biri fariseos pea, to biirije Jesús're bojoca cūja ca ĩi nūcū bñorijere tūori, paia ũparā mena ũmureco Pacu yaa wiire ca coterā uwamarāre tiicojopa, Jesús're ñee doti cojorā. ³³Jesús pea o biro cūjare ĩwi:

—Mūja menare yoaro yu niitirucu. Jiro, yure ca tiicojo cojoricu pñtopura yu tuacoarucu ñucā. ³⁴Yure mūja amamirucu. Yure ama pacarā, yure mūja bñatirucu, yu ca niiri tabepure ca ea waa majitirā niiri —cūjare ĩwi.

³⁵To biro cū ca ĩiro, judíos pea o biro ameri ĩi jāiñawa:

—¿Ania, cūre mani ca buatipa taberura, noorū cū waarugabuti? ¿Mani yaarā judíos ape yepari ca waa batericarā putorure, ñucā Æmureco Pacu ca majitirāpūre, wede yujugū waagu cū biigajati? ³⁶¿Do biro ĩirugū, “Yure mūja amamirucu. Yure ama pacarā, yure mūja buatirucu, yū ca niiri taberure ca ea waa majitirā niiri,” manire cū ĩijapari? —ameri ĩiwa.

Añuri Yerire ĩigu cū ca ĩirique

³⁷Boje rūmū ca nii tūjari rūmū, ca nii majuropeeri rūmū niīwā. Tii rūmure Jesús pea wāmū nūcāri, tutuaro o biro ĩi wedewi:

—Jīcū ũno cū ca oco jinirugajata, yū puto doori cū oco jinijato. ³⁸Æmureco Pacu wederique ca ĩiroke birora, díamacū yure ca tūo nūñjeegura, oco, catirique ca tiicojorije diari to birora oco ca ũmaa yuucōa niire birora cūre biirucu cū yeripūre^q —cūjare ĩi wedewi Jesús.

³⁹Atere Jesús to biro cū ca ĩijata: Díamacū cūre ca tūo nūñjeerā, Añuri Yerire cūja ca ñeepere ĩigu ĩiupi. Añuri Yeri pea bojoca yeripūre ñaajāa eatiwi ména, Jesús, cū Pacu putorū cū ca tua mūa waatirije ca niiro macā.

Bojoca cūja ca ameri dica watirique

⁴⁰To biro Jesús cū ca ĩirijere tūorā, niīwa jīcārā bojoca watoare o biro ca ĩirā:

—Díamacūra ania Æmureco Pacu yee quetire wede jūgueri majū peti niimi —ĩiwa.

⁴¹To biro cūja ca ĩiri tabere, aperā pea o biro ĩiwa:

—Ania Æmureco Pacu cū ca tiicojo cojoricū Mesías peti niimi —ĩiwa.

Ñucā aperā pea o biro ĩiwa:

—Cū méé niimi. Æmureco Pacu cū ca tiicojo cojogū Mesías cū ca niijata, Galilea yepa macū niitibocumi. ⁴²Æmureco Pacu wederiquea, “Mesías, wiogū David niiquĩricū pārami, ñucā David niiquĩricū yaa macā Belén macū, niirucumi,” ĩi doca —ĩiwa.

⁴³To biro ĩirāra, bojoca pea Jesús yee jūori ameri dica waticoawa. ⁴⁴To biro biima ĩirā, cūre ami waari cūre tia cūurugamiwa. To biro cūre tiiruga pacarā jīcū ũno peera cūre ami waatiwa.

Uparā Jesús're cūja ca tūo nūñjeetirique

⁴⁵Æmureco Pacu yaa wiire coteri maja uwamarā pea, fariseos, to biri paia ũparā, cūja ca niropū tuacoaupā. Cūja pea o biro cūjare ĩi jāiñaupā:

^q 7.38 Sal 78.15-16; 105.41; Pr 18.4; Is 58.11.

—¿Ñee tiirã cûre mûja ami dootijãri? —cûjare iïupa.

⁴⁶To biro cûja ca iïro, uwamarã pea o biro cûjare iï yũũupa:

—Jicũ ñno peera cûre biro wede ñaatimi —iïupa.

⁴⁷To biro cûja ca iïro, fariseos pea o biro cûjare iïupa ñucã:

—¿Mûja cãa ñucã, mûja menara cûre mûja iï dito ecocoajãri? ⁴⁸¿To docare mûjara, manire ca jño niirã, ñucã fariseos cãa, díamacũ cûre ca tuo ñunñjeerã cûja niiti? ⁴⁹Anija bojoca doti cûuquĩriquere ca majitirã, bñena, Ñmureco Pacu ñañaro cû ca tiiparã peti niirã biima —cûjare iïupa.

⁵⁰To biro cûja ca iïro, fariseos mena macũ Nicodemo, jicãti Jesús're ca wede penigũ earicu pea, o biro cûjare iïupi:

⁵¹—¿To docare manire ca dotirijea, jicũ bojocure, cû ca iirijere tuo jñoti, ñañarije cû ca tiiriquere añuro majiti, bii pacarã, ñañaro to tii doticãti? —cûjare iïupi.

⁵²Cûja pea to biro cû ca iïro, o biro cûre iï yũũupa:

—¿Mũ cãa Galilea macũra mũ niicãtimiti? Ñmureco Pacu wederiquere cûja ca owarica pũurorũre bueñaaquẽ jicãti ñno peera Galilea macũ Ñmureco Pacu yee quetire wede jũgueri majũ nii ñaatiupi —cûre iï tutiupa Nicodemore.

⁵³To biro iï, cûja ca niiro cõro cûja yaa wiijeripũ tuacoaupã yua.^r

Nomio ca ñmua epe paigo

8 ¹Jesús pea ãtãgũ, Olivos yucũ ca niiri buuro pee waacoawi. ²Ape rãmũ boeri tabe, Ñmureco Pacu yaa wiipũ waawi ñucã Jesús. Tii wiipũre paũ bojoca cû pũto cûja ca nea pooro iari, jicã taberũ ea nuu waa, cûjare bue jño waawi.

³Cûjare cû ca bue niiri tabera, Moisés cû ca doti cûuriquere ca jño buerã, to biri fariseos, jicõ nomio apĩ mena ca tii niigore cûja ca bña earicore ami doori, too ca niirã niipetirã watoapũ cõre ñcõri, Jesús're o biro cûre iïwa:

⁴—Buegũ, atiore, cõ manũ mena méera cõ ca tii niiri tabera cõre jãa bña eajãwũ.

⁵Doti cûuriquerũ, Moisés, atiore biro ca tiirãra, “Ëtã mena dee jãa cõacãña,” manire iï cûuupi. ¿Mua do biro mũ iiti teere? —cûre iï jãiñawa.

⁶“No ca boori wãme manire cû ca yũũro, manĩ uparãpũre cûre mani wedejãajaco,” iï tãgoeñarique mena atere to biro cûre iï jãiñawa Jesús're. To biro cûre cûja ca iï jãiñaro, Jesús pea muu bia ea nuu waa, cû amo jũa mena yerapũ owa jño waawi.

⁷Buaro jañuro cûre cûja ca jãiña

^r 7.53—8.11 Cûja ca owa jñorica pũuroripũra atera owatiupa. Bii pacarã jiro jañuri owa tuuupa díamacũra ca biirique ca niiro macã.

nɛnɛna waaro macã, muu biari ca owa duwircu wãmɛ nucã:

—Mɔja mena macũ ñañarije ca tiitigu, ãtãga amiri, cõre cũ dee jɔojato —cũjare ïwi. ⁸To biro cũjare ïi, muu bia nuu waari yerapɔra owacã nɛnɛna waawi ñucã.

⁹To biro cũjare cũ ca ïiro, ñañarije ca tiirã cũja ca niirijere tɔgoeña majiri, jĩcũri, jĩcũri waa batecã jɔo waawa. Wɛcɛrã waa bate jɔo waa, waa peticoawa. To biro cũja ca bii weogu Jesús pea, fariseos cũja ca ami doorico nomio mena jĩcũra tuacãwi yua. ¹⁰Wãmɛ nucã, nomio jĩcõra cõ ca nucõro ïa, o biro cõre ïi jãiñawi Jesús:

—¿Nomio, mɔre ca wedejãajãrã pea noo cũja waati? ¿Jĩcũ ñno peera ãtã mena mɔre cũ dee jãtãjãri? —cõre ïi jãiñawi.

¹¹To biro cõre cũ ca ïiro:

—Jĩcũ peera yɔre dee jãtima —cũre ïi yɛɛwo cõ pea.

To biro cõ ca ïiro Jesús pea o biro cõre ïwi:

—Yɛ cãa ñañaro mɔre yɛ tiiticu. Tua waagoja. Jiro ñañarije tii nemoticãña yua —cõre ïwi Jesús.

Jesús ati yepa macãrãre ca boegu

¹²Jiro ñucã Jesús, bojocare o biro cũjare ïi wedewi:

—Yɛ yɛ nii, ati yepa macãrãre ca jã boegu. Yɔre ca tɔo nɛnɛjeegɛ, catirique ca tiicojorije ca boerijere



Jã boericaga. Jn 8.12

cɔrucumi. To biro biigu, jĩcãti ñno peera ca naitãri tabepɔre niigɔre biro biitirucumi —cũjare ïwi Jesús.

¹³To biro cũ ca ïiro, o biro cũre ïiwa fariseos pea:

—Mɛa, mɛ majuropeera mɛ yee maquẽre wedegɛ mɛ tii. To biro mɛ ca ïirije wapa mani —cũre ïiwa.

¹⁴To biro cũre cũja ca ïiro, Jesús pea o biro cũjare ïi yɛɛwi:

—Yɛ majuropeera yɛ yee maquẽre yɛ ca wedemijata cãare, yɛ yee maquẽre yɛ ca wederijeã díamacũ nii. Yɛa, “Toopɛ yɛ doowɛ, ñucã ‘Toopɛ waagɛ yɛ bii,’ ” yɛ ïi maji. Mɔja pea atere mɔja majiti. ¹⁵Mɔja, bojoca cũja ca tiiri wãme mɔja ïa bejerique cuti. Yɛa jĩcũ ñno peerena yɛ ïa bejeti. ¹⁶Yɛ ca ïa bejejata, yɛ ca ïa bejerijeã díamacũ nii, yɛ jĩcũra yɛ ca ïa bejetirije ca niiro macã. Yɛ Pacɛ yɔre ca tiicojo cojoricɛ cãa yɛ mena ïa bejemi. ¹⁷Mɔjare ca dotirije, o biro ïi owa tuurique nii: “Pɛarã ca ïaricarã, ca ïi jɔoricɛ cũ ca wedericarore birora cũ jiro macũ cãa cũ ca

wedejata, cūja ca ĩirije wapa cuti,” ĩi. ¹⁸Yna, yu majuropeera yu yee maquēre ca wedegu yu nii. Apĩ yu yee maquēre ca wedegua, yu Pacu yure ca tiicojo cojoricu niimi —cūjare ĩwi Jesús.

¹⁹To biro cūjare cū ca ĩiro:

—¿Too docare mu pacu nooru cū niiti? —cūre ĩi jāñawa.

To biro cūja ca ĩiro, Jesús pea o biro cūjare ĩi yuwi:

—Muja, yure muja majiti, to biri yu Pacu docare ametuenero cūre muja majiticu. Yure muja ca majijata, yu Pacu cāare muja majibocu —cūjare ĩwi.

²⁰Umureco Pacu yaa wiiru, wapa tiirica tiiri jāarica cūmuari puo bojocare bue niigu atere to biro ĩwi Jesús. Biiarpu, jĩcū uo peera Jesús're ñee, tiitiwa, ména cū ca bii yaipa tabe ca eatiro macā.

“Muja, yu ca waari tabepura muja waa majiti,” Jesús cū ca ĩirique

²¹To biro cūjare ĩi yapano, o biro ĩi nemowi ñucā Jesús:

—Yna waagu yu bii. Yure muja amamirucu. Yure ama pacarā, muja ca ñañarijere acobo ecoya manirāra muja bii yaicārucu. Yu ca waari tabepure muja waa majiti muja —cūjare ĩwi Jesús.

²²To biro cūjare cū ca ĩiro, judíos uparā pea o biro ameri ĩiwa:

—“Yu ca waari tabepure muja waa majiti,” cū ca ĩijata, ¿cū majuropeera jĩa yairugu cū ĩibuti? —ĩiwa.

²³To biro cūja ca ĩiro Jesús pea o biro cūjare ĩwi:

—Muja, ano, doca macārā muja nii. Yna emuaroru macū yu nii. Muja ati yepa macārā muja nii. Yna ati yepa macū méé yu nii. ²⁴To biri, “Muja ca ñañarijere acobo ecoya manirāra, muja bii yaicārucu,” mujare yu ĩjāwu. To birora ca niicōa niigu, “Yu, yu nii,” ca ĩigure yure díamacū muja ca tuo nunjeetijata, muja ca ñañarije menara muja bii yaicārucu —ĩwi.

²⁵To cōrora o biro cūre ĩi jāñawa:

—¿Mua ñiru uo peti mu niiti? —ĩiwa Jesús're.

To biro cūre cūja ca ĩi jāñaro, Jesús pea o biro cūjare ĩi yuwi:

—Mujare bue juogupura, “Cū, yu nii,” mujare yu ĩimiwu.

²⁶Muja yee maquēre wede, ĩa beje, yu ca tiipe pañ niicā biiorpu. To ca bii pacaro yure ca tiicojoricu pea, díamacū ca ĩigu niimi. Ati yepa macārāre yu ca wederijera, cū ca ĩiro yu ca tuoriquerena cūjare yu wede —cūjare ĩwi Jesús. ²⁷Cū Pacu yeere cūjare wedegu cū ca ĩirijerena tuo majiticāwa cūja pea.

²⁸To biri o biro cūjare ĩwi Jesús:

—Yu, Ca Nii Majuropeegu Macūre, yucu tenipu paa pua tuu ami muene nucōrāpu, to birora ca niicōa niigu, yu, yu ca niirijere, ñucā yu, yu ca booroge biro tiitigura, yu Pacu, yure cū

ca wede majorique wadore yu
ca wederijere, mɔja ɪa majirucu.
²⁹Yu Pacu yure ca tiicojoricu
yu menara niicōa niimi. Yu
Pacua, jicūra yure cūutimi, cū
ca ɪa ɔjea niirije wado yu ca
tiiro macā —cūjare ɪiwi Jesús.
³⁰Atere Jesús cū ca ɪiro, pau
bojoca cūre tuo nɔnɔjeewa.

**ʔmureco Pacu punaa, to
biri ɲañarijere ca tii niirā**

³¹Jiro o biro ɪiwi Jesús, cūre
ca tuo nɔnɔjeericarā judíos're:
—Yu ca wederijere to birora
mɔja ca tuo nɔnɔjeecōa
niijata, díamacūra yu buerā
peti mɔja niirucu. ³²Díamacū
maquēre mɔja majirucu.
Díamacū maquēra, aperāre
ca pade coterāre biro mɔja ca
niimiriquere, mɔja ca witiro
tiirucu —cūjare ɪiwi.

³³To biro cū ca ɪiro, cūja pea o
biro cūre ɪi yuɔwa:
—Jāa, Abraham pāramerā
jāa nii. Jicāti ɔnora, jicū ɔno
peerena ca pade coterā jāa nii
ɲaati. ¿Ñee tiigu mɔ pea, “Ca
pade coterā méé mɔja niirucu
yua,” jāare mɔ ɪiti? —ɪiwa
Jesús're.

³⁴To biro cūja ca ɪiro, o biro
cūjare ɪiwi Jesús:
—Díamacū mɔjare yu ɪi:
Niipetirā bojoca ɲañarije ca tiirā,
ɲañarije tiiriquere ca pade cote
yai waarā niirā biima. ³⁵Pade
coteri majua, cū ca pade cotegu
menara niicōa niitimi. Cūja macū
díamacū wado, cū pacua mena
to birora cūja mena niicōa niimi.

³⁶To biri yu, ʔmureco Pacu
Macū, pade coteri majare biro
mɔja ca niirijere yu ca ametuene
bojajata, díamacūra pade
coteri maja mɔja niiticārucu.
³⁷Yu, Abraham pāramerā
mɔja ca niirijera yu maji mee.
Cū pāramerā nii pacarā, yu ca
wederijere bootima ɪirā, yure
mɔja jiaruga cote. ³⁸Yu yu Pacu
yure cū ca ɪñoriquere mɔjare yu
wede. Mɔja cāa, mɔja pacu cū ca
ɪirijere mɔja ca tuoriquere mɔja
tii —ɪiwi.

³⁹Cūja pea o biro cūre ɪi yuɔwa:
—Jāa pacua Abraham niimi
—ɪiwa.

To biro cūja ca ɪiro, o biro
cūjare ɪi yuɔwi Jesús pea:
—Abraham punaa peti mɔja
ca niijata, cū ca tii niiquiricarore
birora mɔja tii niibocu doca.
⁴⁰ʔmureco Pacu yure cū ca
wederiquere, díamacū ca
niirijere mɔjare yu ca wede
pacaro, mɔja pea yure mɔja
jīacāruga. ¡Abraham, jicāti ɔno
peera o biirije tiitiqūipi! ⁴¹Mɔja
ca tii niirijea mɔja pacu cū ca
tiirore biro mɔja ca tiirije nii
—cūjare ɪiwi Jesús.

To biro cū ca ɪiro, o biro cūre
ɪiwa ɲucā:

—Jāa, cūja ca puna jāa
batericarā méé jāa nii. Jicūra
ca Pacu cutirā jāa nii, ʔmureco
Pacu wadore —ɪiwa Jesús're.

⁴²Jesús pea o biro cūjare ɪi
yuɔwi:

—Díamacūra, ʔmureco Pacua
mɔja pacu cū ca niijata, yu
cāare mɔja maibocu doca. Yu,

Ɛmureco Pacu puto ca dooricura yu nii anora. Yu majuropeera doogu méé yu biiwu. Ɛmureco Pacu yure cū ca tiicojoro macā yu doowu. ⁴³ ¿Ñee tiirā, yu ca wederijere muja tuo jeeño majititi? Mujare yu ca wederijere tuo junama iirā, to biro muja bii. ⁴⁴ Muja pacua Satanás niimi. Cū yaarā muja nii muja. To biri mujare cū ca tii dotirijere muja tiirugarucu. Cūa, jicātorura ca añutigu, bojocare ca jīagu, nii juo dooupi. Díamacū ca niirije ca iirore biro tii nunujeecōa nii, jicāti uno peera díamacū ii, ca iigu méé niimi cūa. Cū ca ii ditojata, cū ca niirique cutirijerena iigu tiimi, ca ii ditorique paigu, ii ditorique pacu, niiri. ⁴⁵ Yu pea, díamacū yu ca iirije to ca niiro macā, yu ca iirije peera díamacū muja tuorugati. ⁴⁶ ¿To biri muja mena macū niipe, “Ati wāme ñañarije mu tiiwu,” yure cū ii majiti? Díamacū yu ca wedemijata cāare, ¿nee tiirā díamacū yure muja tuotiti? ⁴⁷ Ɛmureco Pacu yuu ca niigua, Ɛmureco Pacu cū ca wederijere tuomi. Muja, Ɛmureco Pacu yaarā méé niiri, Ɛmureco Pacu yeere muja tuorugati —cūjare iwi Jesús.

**Cristo, Abraham jūgueropura
ca nii juo dooricu**

⁴⁸ To biro cū ca iiro, judíos uparā pea o biro cūre iwa:
—“Mua Samaria macū mu nii;
ñucā ca wātī jāa ecoricu mu nii,”

mure jāa ca iijata, díamacūra iirā jāa tii —cūre ii tutiwa Jesús're.

⁴⁹ To biro cūre cūja ca iiro Jesús pea o biro cūjare ii yuwi:
—Yuca ca wātī jāa ecoricu méé yu nii. Yuca, yu Pacure tii nucū buorique wado yu tii. Muja pea yure muja nucū buoti. ⁵⁰ Yuca, yu majuropeera nucū buorique unore yu amaati. Biigurua niimi jicū, yure cūja ca ii nucū buorijere ca boogu. Cū niimi, ca ĩa bejegu.^s ⁵¹ Díamacū mujare yu ii: Yu ca wederijere tee ca iirore biro ca tii nunujeerā, bii yaitirucuma —cūjare iwi Jesús.

⁵² To biro cū ca iiro, judíos uparā pea o biro cūre iwa ñucā:
—Mecū docare díamacūra ca wātī jāa ecoricu peti mu ca niirijere jāa maji. Abraham, Ɛmureco Pacu yee quetire wede jūgueri maja cāa, bii yai peticoaupā. Mu pea, ¿nee tiigu, “Yu ca wederijere tee ca iirore biro ca tii nunujeerā bii yaitirucuma,” mu iicāti? ⁵³ ¿To docare mua, jāa ñicū Abraham niiquiricu ametuenero ca nii majuropeegu mu niiti? Cūa bii yaicoa, Ɛmureco Pacu yee quetire wede jūgueri maja cāa bii yai peticoa, biicāupa. Mu pea, ¿ñiru uno peti niicāri, to biirije mu ii docuoti? —iwa Jesús're.

⁵⁴ To biro cūja ca iiro, o biro cūjare ii yuwi Jesús:
—Yu majuropeera, “Ca nii majuropeegu niigu yu bii,” yu

^s 8.50 Ɛmureco Pacu.

ca ĩi nucũ buo nucũ yujujata, yu ca ĩirije wapa mani. Yũre ca ĩi nucũ buogua, yu Pacu niimi, “Jãa Ƴmũreco Pacu niimi,” mũja ca ĩigũra. ⁵⁵Mũja cũre mũja ĩa ñaati. Yu doca cũre yu maji. Cũre maji pacagu, “Cũre yu majiti,” yu ca ĩijata docare, mũjare birora yu cãa, ca ĩi ditorique paigu yu niibocu. Yũa, díamacũra cũre yu maji. To biri cũ ca dotirijere cũ ca ĩirore biro yu tii. ⁵⁶Mũja ñicũ Abraham niiquĩricua, yu yaa rũmũre cũ ca ĩapere tũgoẽnari Ƴjea niwi. To biri tii rũmũ ca earo ĩari, buaro Ƴjea niwi —ĩwi.

⁵⁷To biro cũ ca ĩiro, judfos pea o biro ĩiwa Jesús're:

—¿Mẽna cincuenta cũmari cnoti pacagu, “Abraham're yu ĩawũ,” mũ ĩicãti? —cũre ĩiwa.

⁵⁸To biro cũja ca ĩiro, o biro cũjare ĩi yũwũ Jesús:

—Díamacũ mũjare yu ĩi: Yũa, Abraham niiquĩricũ cũ ca bauaparo jũgeropũra ca nii jũo dooricũ yu nii —cũjare ĩiwi. ⁵⁹To biro cũ ca ĩirora, cũre deerũgarã Ƴtãgaari jeewa. Jesús pea Ƴmũreco Pacu yaa wiipũ ca niiricũ, “To biro biicumĩ” ĩĩña manigũra cũja watoara duti witi, waacoawi.

Ca ĩatigu ca bauaricũre Jesús cũ ca catorique

9 ¹Jesús pea waa nũnũa waagu, jĩcũ Ƴmũ ca ĩatigu ca bauaricũre ĩa buawi. ²Cũre

ĩari, jãa, cũ buerã pea o biro cũre jãa ĩi jãĩñawũ:

—Buegu, ¿ñee tiigu ania ca ĩatigu cũ bauajapari? ¿Cũ pacua ñañarije cũja ca tiirique wapa cũ biijapari? ¿Cũ majurope cũ ca ñañarije wapa pee cũ biijaparique? —cũre jãa ĩiwũ.

³To biro jãa ca ĩiro, o biro jãare ĩi yũwũ Jesús:

—Cũ majurope cũ ca ñañarije jũori méé, ñucã cũ pacua cũja ca ñañarije jũori méé, ca ĩatigu bauajacupi. Aũuro petira, Ƴmũreco Pacu cũ ca tii majirije, cũpũre to bii bau nijato ĩiro to biro cũre biijapa. ⁴Mẽna mũja mena yu ca niirora yũre ca doti cojoricũ yeere ca padeparã mani nii. Yu ca waacoaro jiropũ docare, jĩcũ Ƴno peera ape wãme tii nemo majitirucumi. ^t ⁵Mẽna ati yeparũre niigu, ati yepa macãrãre ca boe bate niigu yu nii —ĩwi.

⁶To biro ĩi yapano, yeparũ Ƴjeco eo cũu, jita mena paa ayia, ca ĩatigu capere wadawi. ⁷To biro tiicã, o biro cũre ĩiwi Jesús:

—Waa, ocora Siloé macãarapũ mũ capere waa coegũja —cũre ĩi cojowi. (Siloé ĩiro: “Tiicojo cojoricũ,” ĩirũgaro ĩi.) To biro cũ ca ĩiro, ca ĩatigu pea waa, tiirapũ cũ capere waa coe yapano, tua

^t 9.4 Ƴmũreco ca niirora yũre ca tiicojo cojoricũ yeere ca padeparã mani nii, ñami ca niicoaropũ docare jĩcũ Ƴno peera pade majitimi.

doogɥ, añuro ca ñagɥɥ tua dooupi. ⁸To biro cū ca biiro ñarã, cū ca niiri tabe puto macārã, wapa tiirica tiiri cū ca jãi duwiro ca ñarucuricarã pea o biro ameri ñiupa:

—¿Ania wapa tiirica tiiri ca jãi duwirucujãgɥ méé cū niiti? —ñiupa.

⁹To biro cūja ca ñiro, jĩcārã o biro ñiupa:

—Cãra niimi.

Aperã pea:

—Cū méé niimi. Cãre biigɥra baumi biigɥɥa —ñiupa.

To biro cūja ca ñimijata cãare, cū pea:

—Cãra yɥ nii —cūjare ñiupi.

¹⁰To biro cū ca ñiro:

—Too docare mecũra, ¿do biro biicãri añuro mɥ ñacãti? —cũre ñiupa.

¹¹Cū pea o biro cūjare ñi yɥɥupi:

—Jĩcũ ɥmɥ, Jesús ca wãme cutigɥ, cū ɥjecore yeparɥ eo cūu, jita mena paa ayiari, yɥ capere wadari: “Ocora Siloé macãrapɥ mɥ capere waa coegɥja,” yɥre ñjãwi. To biro cū ca ñigɥ, toopɥ waa, yɥ capere waa coegɥra, añuro yɥ ñacoajãwɥ yua —cūjare ñi wedeupi.

¹²Cūja pea to biro cū ca ñiro:

—To biro mɥre ca tiiricɥ pea, ¿noopɥ cū niiti? —cũre ñi jãiñiupa.

Cū pea:

—¡Baa! yɥ majiti —cūjare ñicãupi.

Ca ñatigɥ ca catio ecoricɥre fariseos cūja ca jãiñarique

¹³⁻¹⁴Jesús, jitare cū ɥjeco mena ayiari ca ñatigɥ capere wadari cū ca ñaro cū ca tiirica rɥmɥ pea, yerijãarica rɥmɥ niiwɥ. To biri cū puto macārã pea ca ñatigɥ ca niimiricɥre, fariseos pɥtopɥ cũre ami waaupa. ¹⁵Fariseos pea o biro cũre ñi jãiñiupa: “¿Do biro biicãri añuro mɥ ñacoajãri?” cũre ñiupa.

To biro cūja ca ñiro, cū pea o biro cūjare ñi yɥɥupi:

—Jita ca weyarique mena yɥ capere cū ca wadaro jiro, yɥ capere oco mena waa coe, yɥ ca tiijãro jirora añuro yɥ ñacã yua —cūjare ñi wedeupi.

¹⁶To biro cū ca ñiro, jĩcārã fariseos pea o biro ñiupa:

—Anire o biirije ca tiiricɥa, Ɔmɥreco Pacɥ yɥm méé niicumí, yerijãarica rɥmɥre ca nɥcũ bɥotigɥa —ñiupa.

To biro cūja ca ñiri tabere aperã pea o biro ñiupa:

—¿Ñañarije ca tiigɥ nii pacagɥ, do biro pee tiicãri, ate ca ña ñaña manirije cū tii bau nii majibogajati? —ñiupa.

To biro ñima ñirãra, cūja majuropeera ameri dica waticoaua. ¹⁷To biro mani ameri biicã ñima ñirã, ca ñatigɥ ca niimiricɥre cũre jãiña nemoupa ñucã:

—Mɥa, mɥ ca ñaro ca tiiricɥre, ¿“Ñiru peti niicumí,” cũre mɥ ñi tɥgoeñati? —cũre ñiupa.

To biro c̄jja ca ĩiro, o biro c̄jare ĩi yũũupi c̄ pea:

—Yua, “Jĩcũ Ƴmũreco Pacu yee quetire wede jũgueri majũ niimi,” yũ ĩi —c̄jare ĩi yũũupi.

¹⁸Judĩos Ƴparã pea, jũguero peera ca ĩatigu c̄ ca niiriquere, ñucã añuro c̄ ca ĩaro c̄ ca tii ecoriquere, díamacũ tũorũgatiupa. To biri c̄ pasuarũre c̄jare jũo cojori, ¹⁹o biro c̄jare ĩi jãĩñaupa:

—¿Ania m̄ja macũ, “Ca ĩatigu baawĩ,” m̄ja ca ĩigũra c̄ niiti? ¿Do biro biicãri mec̄ra yua añuro c̄ ĩacãti? —c̄jare ĩiupa.

²⁰To biro c̄jja ca ĩiro, c̄ pasua pea o biro c̄jare ĩi yũũupa:

—Jãa, anira, jãa mac̄ra nii, ca ĩatigũra baaw, c̄ ca biiriquere jãa maji. ²¹“Tee docare to biro biicãri añuro ĩacãmi. Ñucã c̄, añuro c̄ ca ĩaro c̄re tiijari,” ĩirique docare jãa majiti. M̄ja majurope c̄re jãĩñañaquẽ, mee, ca maja tua waaricũrũ niimi. Cũ majurope, c̄ ca biiriquere díamacũ m̄jare wede majimi —c̄jare ĩiupa.

²²Cũ pasua pea judĩos're uwĩma ĩĩrã, o biirijera c̄jare ĩicãupa. Mee c̄jja pea, ameri wede peni, “Jesũs're, Ƴmũreco Pacu c̄ ca tiicojo cojoricũ Mesĩas niimi,” ca ĩigũra, nea poo juu buerica wiipũra c̄re mani cõa wienecãjaco,” ameri ĩi yerijãaupa. ²³To biri c̄ pasua pea: “M̄ja majurope c̄re jãĩñaña. Mee, ca maja tua

peti waaricũrũ niimi,” c̄jare ĩicãupa.

²⁴To biro ĩicãri, judĩos Ƴparã pea ca ĩatigu ca niimiricũre jũo cojori, o biro c̄re ĩiupa ñucã:

—Ƴmũreco Pacu c̄ ca ĩa cojorore díamacũ jãare wedeya.^u Jãa, c̄ra, ñañarije ca tiigu c̄ ca niirijere jãa maji —c̄re ĩiupa.

²⁵To biro c̄jja ca ĩiro, c̄ pea o biro ĩi yũũupi:

—Yua, “Ñañarije ca tiigu niicumĩ,” c̄re yũ ĩi majiti. Jũgueropũra m̄na ca ĩatigu yũ niiwũ. Mec̄ra añuro yũ ĩacã yua. Tee wadore yũ maji —c̄jare ĩiupi.

²⁶To biro c̄ ca ĩiro tũo pacarã, o biro c̄re ĩi jãĩña nemocãupa ñucã:

—¿Ñee m̄re c̄ tiijãri? ¿Do biro peti tiicãri, m̄ ca ĩaro c̄ tiijãri? —c̄re ĩiupa.

²⁷To biro c̄jja ca ĩiro, o biro c̄jare ĩi yũũupi c̄ pea:

—Mee, m̄jare yũ wede yerijãajãwũ doca. Yũ ca wedemijata cãare, yũ ca ĩirijere díamacũ m̄ja tũorũgati. ¿Ñee tiĩrã Ƴatiri cõro yũ ca wedero m̄ja booti? ¿M̄ja cãa, c̄re tũo nũñũeerũgarã m̄ja ĩitiquẽ? —c̄jare ĩicãupi.

²⁸To biro c̄ ca ĩiro ñañarije c̄re ĩi tuti, o biro c̄re ĩiupa:

—Mũ m̄ nii c̄re ca tũo nũñũeegua. Jãa, Moĩs̄s're ca tũo nũñũeerã jãa nii. ²⁹Jãa, Moĩs̄s niiquĩricũre Ƴmũreco Pacu c̄ ca wederiquere jãa maji.

^u 9.24 Jos 7.19.

Cũ peera jãa majiti, “Noorũ macũ doogũ doojacupi” —cũre ïiupa.

³⁰To biro cũre cũja ca ïiro tuo, o biro cũjare ïi yũupi cũ pea:

—¡Agó nija! Teera nii, do biro pee ca ïi majiña manirije, mũaja, “Too macũ doojacupi,” mũaja ca ïi majiticãrije, yũ peera ca ïatimiricũrena yũ ca ïaro tijãwi doca. ³¹Ñañarije ca tiirãra, Æmũreco Pacũ cũ ca tii nemotirijere añuro mani maji. Cũre ïi nucũ buo, cũ ca boorore biro tii, ca tiirã wadore tii nemomi. ³²Jĩcãti ãno peera, jĩcũ ãno peerena, “Ca ïatigũ ca banaricũre cũ ca ïaro cũre tijagũ,” ïiriquere tuo ñaãña mani. ³³Ania, Æmũreco Pacũ cũ ca tiicojoricũ méé cũ ca nijata, jĩcã wãme ãno peera tiiticãbocumi —cũjare ïiupi.

³⁴To cõrora o biro cũre ïi tutiupa:

—Mũ, buaropũra ñañarije ca tiigũ ca banaricũra, ¿jãa peere mũ wede majiorũgati? —ïiupa. To biro cũre ïi tuti, nea poo juu buerica wiipũ ca niigũre ãcũ wienecã cojoura.

Ca ïatirãre biro niirique

³⁵Jesús pea, ca ïatigũ ca niimiricũre cũja ca tuti ãcũ wieneriquere queti tũowi. To biri cũre bua eagũ, o biro cũre ïi jãiñawi:

—¿Æmũreco Pacũ Macũre mũ tuo nũnũjeeti? —cũre ïiwi.

³⁶Cũ pea o biro ïi yũwi:

—¿Wiogũ, nii cũ niiti?

Yũre wedeya, cũre yũ ca tuo nũnũjeepere biro ïigũ —cũre ïiwi.

³⁷Jesús pea o biro cũre ïiwi:

—Mee cũre mũ ïa, yũ, mũ mena ca wedegũa, cũra yũ nii —ïiwi.

³⁸To biro cũ ca ïirora, cũ pea Jesús jũguerore cũ ãjũro jupeari mena ea nuu waa, o biro cũre ïi nucũ buowi:

—Wiogũ, díamacũ mũre yũ tuo nũnũjee —cũre ïiwi.

³⁹To biro cũ ca ïirora, Jesús pea o biro cũre ïiwi:

—Yũa ati yeparũre bojoca cũja ca biirijere ïa bejegũ doogũ yũ doowũ. Ati yepa macãrã ca ïatirãre biro ca niirã, añurije quetire tuo nũnũjeeri añuro ca ïarã cũja ca niiro tii, “Æmũreco Pacũ yeere ca majirã jãa nii,” ca ïi ditorucurã pea, ca majiti majuropeerã tua, cũja biijato ïigũ anopũre yũ doowũ —ïiwi Jesús.

⁴⁰To biro Jesús cũ ca ïiro tuorã, jĩcãrã fariseos cũ mena ca niiricarã o biro cũre ïi jãiñawa:

—¿Too docare jãa cãa, ca ïatirã jãa niicãti? —cũre ïiwa.

⁴¹To biro cũja ca ïiro, Jesús pea o biro cũjare ïi yũwi:

—Ca ïatirã mũaja ca nijata, ñañarije mũaja ca tiirijere wapa tuatirã mũaja niibocu. “Jãa, ca ïa majirã jãa nii,” mũaja ca ïirije ca niiro macã, ñañarije ca tii wapa tuarã mũaja niicã —cũjare ïiwi Jesús.

**Ovejas, cūjare ca coteꝝ cū
ca wederijere tuo majima**

10 ¹To biro cūjare īi yapano, o biro cūjare īiwi ñucā Jesús:

—Díamacū mujare yu īi: Jīcū, ecaricarā ovejas cūja ca niiri janirore, jopera jāa waatigura aperopu ca mña ametua jāa waagua, jīari majū, jee dutiri majū, niigu biimi. ²Jopera ca jāa waagua, ecaricarā ovejas're ca coteꝝ niimi. ³Jope pāa coteri majū cūre cū ca jope pāaro, ovejas're ca coteꝝ pea, cū ecaricarā ovejas're cūja wāmeri mena wado cūjare cū ca juoro, ovejas pea cū wederiqueprena tuo majicāma. To biri tii janioropu ca niirāre juo wiene cojo, ⁴niipetirā cūja ca witi ea petiro īa, cūjare cū ca jūgue waaro cū jiro nūncōama, cū wederiqueprena ca tuo majicārā niiri. ⁵Cūja ca majitigu peera cūre nūntima. Cūre nūncicaro unora ūmaa duticāma, ca īa ñaaña manigu cū ca wederijere ca tuo ñaatirā niiri —cūjare īiwi.

⁶Ate cūjare īi cōoña wedewi Jesús. Cūja pea, to biro cū ca īirije ca īirugarijere tuo majiticāwa.

Jesús ovejas're añuro ca coteꝝ

⁷To biri o biro cūjare īi nemowi ñucā Jesús:

—Díamacū mujare yu īi: Yu yu nii ovejas cūja ca jāa waari jopere biro ca niigu. ⁸Niipetirā

yu jūguero ca dooricarā, jee dutiri maja, jīari maja, niupa. To biri yu yaarā, ecaricarā ovejas're biro ca niirā pea, cūja ca īirijere tuo nūnūjeetiupa. ⁹Yu yu nii jope. Yu, jopere biro ca niigure díamacū ca tuo nūnūjeegua, yu juori ametuarucumi. Jīcū oveja, jāa waa, ñucā macā pee witi waa, añuro taa bua baa, cū ca biirore biro biirucumi. ¹⁰Jee dutiri majua, jee duti, jīa, tii yaio bate, tiigu doogu wado doomi. Yu pea catirique pee cūja cūojato, pairopura catirique peere cūja cūo ametuenecājato iigu yu doowu.

¹¹Yu yu nii, ecaricarā ovejas're añuro ca īa nūnūjeegu. Cū ovejare añuro ca īa nūnūjeegua, cūjare ametuenerugu bii yai boja majimi. ¹²Wapa taarique wadore boo tūgoeñari ca padegu pea, yai cū ca dooro īa, ovejare toora cūjare cūu, duti weocoami, ovejas're ca īa nūnūjeegu méé nii, ovejas cū yaarā méé nii, cūja ca biiro macā. To biro cūjare cū ca bii weoro, yai pea cūjare ñee, cūjare tii ācū batecā cojomi.

¹³Cūa, ovejas're īa nūnūjeerugu méé, wapa taarique wadore boogu ca padegu niiri, to biro cūjare bii weocāmi.

¹⁴⁻¹⁵Yu yu nii, ecaricarā ovejas're añuro ca īa nūnūjeegu; yu Pacu yure īa maji, yu pee cāa yu Pacure īa maji, yu ca biirore birora, yua yu yaarā ecaricarā ovejas're īa maji, ñucā cūja pee



Jesús ovejas're ca cotegeñ añugñ. Jn 10.11

cãa yũre ãa maji, biima. To biri yña yñ yaarã ovejas're biro ca niirãre cũjare ametũenegñ, cũjare yñ bii yai boja maji. ¹⁶Ati janiro macãrã ca niitirã cãare aperã ovejas yñ cño. Cũja cãare yñ jee cojorucu. Cũja pea yũre tño pññjeee, jĩcã puna macãrãra nii ea, jĩcãra cũjare ca ãa cotegeñ cño, biirucuma.

¹⁷Yñ majuropeera bojoca cũja ca ñañarije wapa bii yai bojari, ñucã ca cati tuarñ yñ ca niiro macã, yñ Pacñ yũre mai jañumi. ¹⁸Jĩcũ ñno peera yũre jãa cõa majitimi. Yñ majuro yñ ca booro mena bojoca cũja ca ñañarije wapare yñ bii yai boja maji. To biri yñ majuropeera bii yai boja, ñucã yñ majuropeera cati tua, yñ biicã maji. Ate nii, yñ Pacñ

yũre cũ ca tii doti cojorique —cũjare ñi wedewi Jesús.

¹⁹To biro Jesús cũ ca ñirijere tñori, judíos pea, no ca boorora ameri ñi maa wijiacoawa ñucã.

²⁰To biro biima ñirã, cũja mena macãrã pañ o biro ñiwa:

—¿Ñee tiirã, wãtĩ jãa ecocãri ca ñi mecũgũre cũre mũja tño pññjееtĩ? —ñiwa. ²¹Aperã pea to biro cũja ca ñicãro o biro ñiwa:

—Ca wãtĩ jãa ecoricua jĩcũ ñno peera, o biirije ñiticumi. Mũjara, ¿wãtĩra, ca ñatirãre cũja ca ñaro cũ tii majicãgajati? —ameri ñiwa.

**Judíos uparã Jesús're
cũja ca bootirique**

²²Jerusalén macã peera Ûmũreco Pacñ yaa wiire queno

yapanorã cãja ca boje rumu tii peo juorica rumu uno ca earo, tii wiire cãja ca boje rumu^v tii peori rumuri niuwu. Pue bucã rumuri niuwu. ²³Jesús pea Umureco Pacu yaa wiipure, Pórtico de Salomón^w cãja ca ñiri tabe pee waa yujuwi. ²⁴Tii taberu cã ca waa yujuro, judíos uparã pea cãre waa amojode nucãri, o biro cãre ñi jãñawa:

—¿No cõro yoaro, “Cã niicumì,” ñi majiri méé jãa ca bii niiro mu tiiguti? Umureco Pacu cã ca tiicojo cojoricu Mesías'ra mu ca nijata, jicãtora “Cãra yu nii,” jãare ñicãña —cãre ñiwa.

²⁵To biro cãre cãja ca ñiro, Jesús pea o biro cãjare ñiwi:

—Mee, mujare yu wede yerijãajãwu. Muja pee díamacũ muja tuoti. Yu Pacu cã ca dotiro ména yu ca tii niirijera, Mesías yu ca niirijere ña majiricarora bii ñnocã doca. ²⁶Muja pea díamacũ muja tuoti, yu yaará ovejas mena macãrã méé niiri. ²⁷Yu yaará ecaricarã ovejas're biro ca niirã pea, yu wederiquere tuo majima. Yu pee cãa, cãjare yu maji. Cãja pea añuro yure tuo nãñjeema. ²⁸To biri yua, to birora caticõa niiriquere cãjare yu tiicojo, jicãti uno peera bii yaicoa, jicũ uno peera cãjare yure ãma, tiitirucumi. ²⁹Yu Pacu, cãjare yure ca tiicojoricua, niipetirã ametuenero do biro ca tiiya manigu niimi. To biri yu Pacu cã ca ña nãñjeerãpura,

jicũ uno peera cãre ãma majiticãmi. ³⁰Yu, yu Pacu, jicãra niirã jãa bii —cãjare ñiwi.

³¹To biro cã ca ñirora ñucã, judíos uparã pea cãre deerugarã ãtã jeewa ñucã. ³²To biro cãja ca tiiro, Jesús pea o biro cãjare ñiwi:

—Yu Pacu yee ca doorijere, muja ca ñaro pañ añurije mujare yu tii ñnorucujãwu. ¿Di wãme juori pee ãtã mena yure muja deerãti? —cãjare ñiwi.

³³To biro cãjare cã ca ñiro, judíos uparã pea o biro cãre ñi yuãwa:

—Añurije mu ca tii niirije juori méé ãtã mena mure jãa deerucu. Umureco Pacure ñañari wãme mu ca ñi tutirije juori pee mure jãa deerucu. Mua, bojocu nii pacagu, mu majuropeera “Umureco Pacu yu nii,” mu ñicã —cãre ñiwa Jesús're.

³⁴To biro cãja ca ñiro, Jesús pea o biro ñiwi ñucã:

—Mujare ca dotirijepure o biro ñi owarique nii: “‘Muja, jãguẽa^x muja nii,’ mujare yu ñijãwu,” ñi.

³⁵Umureco Pacu wederiqueru ca ñirijepura, “To biro ñicãro ñi,” mani ñi majiti. Umureco Pacua, cã yee quetire cã ca wedericarãre, “Jãguẽa muja nii,” cãjare ñiupi. ³⁶Umureco Pacura yure beje amiri, ati yeparure cã ca tiicojo cojoricurena, “Umureco Pacu Macũ yu nii” yu ca ñirijerena, ¿ñee tiirã Umureco Pacure ñañarije mu ñi

^v 10.22 Dn 9.27; 11.31. ^w 10.23 Hch 5.12. ^x 10.34 Sal 82.6.

tuti, yure mɔja iicãti? ³⁷Yɔ Pacɔ cɔ ca tiirijere yɔ ca tiitijata, díamacɔ yure tɔoticãña. ³⁸Yɔ Pacɔ cɔ ca tiirijere yɔ ca tiijata, díamacɔ yure tɔoti pacarã, yɔ ca tii niirije peere “Díamacɔra nii,” iĩ ãa nɔcɔ buoya petopɔra, mee jicãtora “Yɔ Pacɔ yɔpɔre nii, yɔ pee cãa yɔ Pacɔpɔre nii,” yɔ ca biirijere mɔja ca maji peoticãpere biro iirã —cɔjare iĩwi Jesús.

³⁹To biro Jesús cɔjare cɔ ca iĩ wedero, judíos ɔparã pea Jesús're cãre ñeerugamiwa ñucã. Jesús pea cɔjare duticoawi.

⁴⁰Jesús pea ñucã, dia Jordán ape nɔña muipɔ cɔ ca mɔa doori nɔña peere, jɔguerɔpɔ, Juan bojocare cɔ ca uwo coe niirica tabepɔ waa, too jãare jɔo tua nɔcãwi. ⁴¹Toopɔ paɔ bojoca cãre iirã eari, o biro iĩwa:

—Díamacɔra Juan, jicã wãme ɔno peera ca ãa ñaaña manirije tii bau nii iĩnoti pacagɔ, niipetirije ani cɔ ca biipe maquere cɔ ca iijata, díamacɔra iijapi —iĩwa. ⁴²To biri tii tabepɔre paɔ Jesús're tɔo nɔnɔjeewa.

Lázaro cɔ ca bii yairique

11 ¹Niupi jicã, diarique wai Lázaro ca wãme cutigɔ, María cɔ yee wedego Marta jãari yaa macã Betania macã. ²Atio María, Lázaro yee wedego pea ména jɔguero peere, Jesús're ca juti añurije mena cɔ dɔporire pio peori, cɔ poa ñapɔ menara ca ñia boporicora niwo.

³To biri cɔ yaarã romiri pea, Jesús're o biro iĩ cojoupa:

—Wiogɔ, mɔ mena macɔ, mɔ ca maigɔ, buaro diami —iĩupa.

⁴Jesús pea to biro cɔja ca iirijere tɔori, o biro iĩwi:

—Ate cɔ ca diarique cuti niirijea, to birora cɔ ca bii yaicã yerijãa waape méé niirucu. Ɛmɔreco Pacɔ cɔ ca tutua majuropeerijere, ñucã yɔ Ɛmɔreco Pacɔ Macɔ yɔ ca tutua majuropeerijere, yɔ ca iĩnope niiro biirucu —iĩwi. ⁵Jesús pea María, Marta, Lázarore buaro cɔjare mai pacagɔ, ⁶“Lázaro buaro diajãwi,” cɔja ca iirijere tɔo pacagɔ, toora pɔa rɔmɔ jãare jɔo nii nemocãwi ména. ⁷Jiro jañuro o biro jãare iĩwi Jesús:

—Jamɔ. Judea yepapɔ mani waaco ñucã —iĩwi.

⁸To biro cɔ ca iĩro, jãa, cɔ buerã pea o biro cãre jãa iĩwɔ:

—Buegɔ, tii rɔmɔ jañuricãra tii yepa macãra judíos, ɔtã mena mɔre dee jãa cɔarugawa doca. To biro cɔja ca tiirugariçɔ nii pacagɔ, ¿toopɔre mɔ waarugati ñucã? —cãre jãa iĩwɔ.

⁹To biro jãa ca iĩro, Jesús pea:

—Tɔgoeñarique paiticãña. ¿Jicã rɔmɔ doce horas to cɔotiti? Ɛmɔrecora jicã ɔno peera pɔa taatima, ati yepare ca boerijere iari ca waarã niiri. ¹⁰Ñami ca waagɔ doca pɔa taacoami, ca boetiro macã —jãare iĩwi. ¹¹O biro iĩ nemowi ñucã:

—Mani mena macã Lázaro cãnicoajapi. Cɔ ca cãnicoamijata

cãare, cãre yu wãcõgu waarucu —ĩwi.

¹²To biro cã ca ĩiro, jãa cã buerã pea o biro cãre jãa ĩiwu:

—Wiogu, cã ca cãnijata, cã ca catipe biicu —cãre jãa ĩiwu.

¹³Jesús pea, Lázaro cã ca bii yaicoariquere ĩigu ĩimiupi. Jãa, cã buerã pea, “Ca catirã mani ca cãnirucurore biro cãnigu biicumí,” jãa ĩi tũgoeñacãwu.

¹⁴To biri Jesús pea, jãa ca tũo majitiro macã o biro jãare ĩi wede majiowi:

—Lázaro bii yaicoajapi. ¹⁵To biri yu pea cã pũtopũre yu ca niitirique ca niiro macã, bũaro yu ujea nii. To biro peera añu biiorũa, mũjare yu ca tii ĩñorijepũre ĩari díamacũ mũja ca tũo nũñjeepere biro ĩiro. Jamũ, cãre mani ĩaco —ĩwi.

¹⁶To biro jãare cã ca ĩiro, Tomás, apeyera ca Sũruaricu cãja ca ĩigu pea, o biro jãare ĩwi:

—Jamũ, mani cãa cã mena jĩcãri bii yairũgarã —ĩwi.

Jesús, cati tuarique, añuro cati niirique, cã ca niirije

¹⁷Jesús pea, Lázaro cãja ca yaa cõaricaro jiro bapari rũmũ ca nii waaropũ jãare juo eacãwi. ¹⁸Betania macã pea, Jerusalén pũtoacãra itia kilõmetros waaricarora niiwũ.

¹⁹Paũ judíos, Marta, María jãarire ĩarã waaupa, cãja yee wedegu Lázaro cã ca bii yairo cãja ca tũgoeñarique pairijere cãja ca tũgoeña bayiro tiirã

waarã. ²⁰Marta pea, “Mee, Jesús doomi,” cãja ca ĩiro tũori, cãre bocago dooupo. María pea wiipũra tuacãupo. ²¹To biri toorpũ jãare bocari, Marta pea o biro ĩiwo Jesús're:

—Wiogu, anora mũ ca niijata, yu yee wedegu bii yaitibojacupi. ²²Biigorũa yu maji. Mecũpũ cãare cã mũ ca jãirije niipetirijere, mũre tiicojocãrucumi Ñmũreco Pacũ —ĩwo.

²³To biro cõ ca ĩiro, Jesús pea o biro cõre ĩwi:

—Mũ yee wedegu cati tuacoarucumi —cõre ĩwi.

²⁴To biro cã ca ĩiro, o biro cãre ĩiwo Marta pea:

—Mee yu maji. Ca bii yairicarã cãja ca cati tuari rũmũ, ca tũjari rũmũ ca niioropũ cati tuarucumi —cãre ĩwo.

²⁵To biro cõ ca ĩiro, Jesús pea o biro cõre ĩwi:

—Yu yu nii, cati tuarique, to birora caticõa niirique, ca niigu. Yũre ca tũo nũñjeegũa, ca bii yaicoaricu nii pacagũ, caticãrucumi. ²⁶Ca cati niirã, yũre ca tũo nũñjeerã cõrora, jĩcãti uño peera bii yaicoa, biitirucuma. ¿Atere díamacũ mũ tũoti? —cõre ĩwi Jesús.

²⁷To biro cã ca ĩiro, cõ pea o biro cãre ĩi yũwwo:

—Ëgjã Wiogu, yua díamacãra, “Cristo, Ñmũreco Pacũ Macũ ati yeparũre ca dooricu niimi,” mũre yu ĩi nũcũ bũo —ĩwo Marta.



Jesús niimi catirique ca tiicojogu. Jn 11.25

**Lázaro maja ope puto
Jesús cã ca otirique**

²⁸Marta pea, to biro cûre ïi yapano, wiipũ tua waa, cõ yee wedego Mariãre juo cojori, yaioroacã o biro cõre ïiupo:

—María, manire Ca Buegu ea yerijãami. Mure juomi —ïiupo.
²⁹To biro cõ ca ïiro tuogo, María pea jicãtora wãmu nucã, Jesús're cûre ïago doocã dooupo.
³⁰Ména Jesús pea tii macãpũre piya waatigũra, tii macã

tujaropura, Marta cüre cõ ca bocarica tabepura niicãwi.

³¹Judíos, cõ yee wedegũ cõ ca bii yairo cõ ca tũgoẽnarique pairijere cõ tũgueña bayijato ñirã cõ yaa wiipũ Mariare ca bapa cuti niicarã pea, yoari mée wãmun nũcã cõ ca witi waaro ñari, “Cõ yee wedegũ niiquĩricũ maja ope pũtorũ otigo waago biicumõ” ñi tũgoẽnari, cõre nũnũcã dooupa. ³²María pea, Jesús pũto eago, Jesús ñicãri pũtoacã cõ ãjũro jupeari mena ea nuu eari, o biro cüre ñiwo:

—Wiogũ, anora mũ ca niijata, yũ yee wedegũ bii yaitibojacupi —cüre ñiwo.

³³Jesús pea yua, María, to biri judíos cõ mena ca dooricarã cũja ca otiro ñari, cõ yeripũ bũaropura tũgoẽnarique pai, biima ñigũ ³⁴o biro cũjare ñi ñaiñawi:

—¿Noorũ cüre mũja yaajãri? —cũjare ñiwi.

Cũja pea o biro ñiwa:

—Wiogũ, doori ñagũ dooya —cüre ñiwa.

³⁵Jesús pea otiwi. ³⁶To biro cõ ca biro ñarã, judíos pea o biro ameri ñiwa:

—Ñañaaqué, no cõro bũaro peti cüre cõ maicãmijapari! —ñiwa.

³⁷To biro cũja ca ñiro, jĩcãrã cũja mena macãrã pea o biro ñiwa:

—Ani, ca ñatigũre cõ ca ñaro ca tiiricũ, ¿jĩcã wãme unora cõ tiitibojapari, Lázaro cõ bii yaiticãjato ñigũ? —ñiwa.

Lázaro cõ ca cati tuarique

³⁸Jesús pea ñũcã cõ yeripũ bũaro tũgoẽnarique paigũra, cõ niiquĩricũ maja ope pũto pee waawi. Tii ope pea ñtã ope niiwũ. Ñũcã tii ope jope pee cãa ñtãga mena biaricaro niiwũ.

³⁹Tii jope pũto eagũra, o biro ñiwi Jesús:

—Ñtãgare ami wooya —ñiwi.

To biro cõ ca ñiro, ca bii yairicũ yee wedego Marta pea, o biro ñiwo Jesús're:

—Wiogũ, docuoro ñnicumi, mee bapari rãmũ peti ametũa cõ ca bii yaijãro jiro —cüre ñiwo.

⁴⁰To biro cõ ca ñiro Jesús pea o biro cõre ñi yũwũ:

—Mee, “Díamacũ yũre mũ ca tũo nũnũjeejata, Ñmũreco Pacũ cõ ca doti tutua majuropeerijere mũ ñarucu,” ¿mũre yũ ñitijãri?

—cõre ñiwi. ⁴¹Maja ope tiaricaga ñtãgare cũja ca ami wooro ña, Jesús pea ñmũreco pee ña mũene cojori, o biro ñiwi:

—Cáacũ, yũ ca jãirijere mũ ca tũoro macã, “Añũ majuropeecã,” mũre yũ ñi. ⁴²To cãnacã tiira yũre mũ ca tũorucurijere yũ maji biigũrũ. Atera, anija bojoca ano ca niirãre añurije boojãma ñigũ to biro mũre yũ ñi, mũ, mũ ca tiicojo cojoricũ yũ ca niirijere: “Díamacũra Ñmũreco Pacũ cõ ca tiicojoricũ niimi,” cũja ca ñi ña majipere biro ñigũ —ñiwi Jesús.

⁴³To biro ñi yapanogũra, bũaro acaro buirique mena o biro ñiwi:

—¿Lázaro, ano pee witi dooya! —ñiwi. ⁴⁴To biro cõ ca ñirora, ca

bii yaicoamiricu pea, cū amori, cū dūporire juti quejeri mena dūduaricu, ñucā cū dūpuga peera lienzo quejero mena dūduaricu, witicā doowi. To biro cū ca biiro, Jesús pea o biro cūjare iwi:

—Teere cūre popioya. Cū waajato —iwi.

**Jesús're jīarugarā cūja
ca wede penirique**

(Mt 26.1-5; Mc 14.1-2; Lc 22.1-2)

⁴⁵To biro cū ca tiirijere iārā, pañ judíos Mariare ca bapa cutirā waaricarā, Jesús're tūo nūñjeewa. ⁴⁶To biri, jīcārā cūja mena macārā pea fariseos pūtopū waari, niipetirije Jesús cū ca tiiriquere cūjare wedeupa. ⁴⁷To biro cūja ca iirijere tūori, fariseos, paia uparā pea, tii macāre ca jūo nii majuropeerāre neori,^y o biro iūpa.

—¿Do biro cūre mani tiirāti? Cūa, pañ wāmeri peti ca iā ñaaña manirije tii bau niicāgū tiimi. ⁴⁸To birora cūre mani ca iacājata, niipetirā cūre tūo nūñjeerucuma. To biro cūja ca biijata, Roma macārā uparā doori, mani Ūmureco Pacū wiire, ñucā mani yaa yepa menapūrena díamacūra tii yaiocārucuma —iūpa.

⁴⁹To biro cūja ca iiro, jīcū cūja mena macū Caifás ca wāme cutigū, tii cūmare paia wiogū ca niigū pea, o biro cūjare iūpi:

—Mūja, mūja majiti majuropeecā. ⁵⁰“Bojoca

niipetirāre jīcūra cū ca bii yai bojaro añu, jīcā yepa macārā niipetirāpūra ñañaro mani ca tii yaio ecotipere biro iirā,” mūja iī tūgoeña majiti majuropeecā tee cāare —iūpi.

⁵¹Caifás pea, atera cū majurope cū ca tūgoeñarije mena méé to biro iūpi. Tii cūmare paia wiogū ca niigū niiri, Ūmureco Pacū, “To biro iīña,” cūre cū ca iī cōa jāaro macā, judíos're ametūenerugū Jesús cū ca bii yai bojapere iigū to biro iūpi. ⁵²Ñucā judíos wadore ametūenetigūra, niipetirā Ūmureco Pacū puna, ape yeparipū ca nii bate cojorāre jīcā punaarā cūja ca nii earo cū ca tiipere wede jūguegū iūpi Caifás.

⁵³To biro cūja ca iirica rūmūra, “Jesús're mani jīacājaco,” iī yerijāupa judíos uparā. ⁵⁴To biri Jesús pea judíos watoare bau niiro waa yujutigūra, Judea yepare ca niiricū, jīcā tabe ca yucū maniri yepa pūtoacā pee, Efraín ca wāme cutiri macārū jāare jūo waacoawi. Toopūra jāare jūo niicāwi yua.

⁵⁵Peeto dūjawū yua, judíos yaa boje rūmū Pascua ca earo. To biri tii boje rūmū ca eaparo jūguerore, pañ bojoca, macāri macārā cōrora Jerusalén macārū maa waawa, Ūmureco Pacūre añuro cūja ca tii nūcū būo majipere biro iirā, Pascua boje rūmū jūguero cūja ñicū jūmūa

^y 11.47 Junta Suprema.

cūja ca tii j̄uo dooricarore biro tiirã, ñañarije cūja ca tiiriquere coe j̄uguerã waarã. ⁵⁶To biro biirã, Jesús're ama yujurã, Ëmureco Pacu yaa wiipũ niirã cūja majurope o biro ameri ïi jãina niipua:

—¿Do biro m̄uja ïi t̄ugoeñati m̄uja? ¿Boje r̄um̄ure cū doogajati? ¿Cū dootigajatiq̄ue? —ïiupa.

⁵⁷Mee fariseos, to biri paia uparã pea:

—Jicũ uno Jesús're cū ca ïajata, jicãto “Too niijãwi,” cū ïi wedejato, cūre mani ca ñeepere biro ïirã —ïi wede majio yerijãaupã.

María, ca j̄uti añurije Jesús're cō ca pio peorique

12 ¹Pascua boje r̄um̄ũ ca eaparo j̄ughero, seis niiri r̄um̄uri ca ðujaro, ca bii yairic̄up̄ure cū ca catoric̄ũ Lázaro cū ca niiri macã Betaniapũ jãare j̄uo waawi Jesús. ²Toopũ, Jesús're tii n̄cũ b̄uorã, baarique jãare j̄uo baawa. Marta niwo baarique ca batogo. Jesús mena ca baa duwirã watoare ca baa duwigũ, Lázaro niwi. ³Too jãa ca baa duwirucuro, María pea, ca j̄uti añurije, nardogũ maquẽ ca dia peti ca niirije ca wapa pacarijere, p̄ua waaga^z oco waa amiricarõ cõro Jesús ð̄porire pio peori, cõ poa ñapõ menara tuu bopowo. To biro cõ ca tiiro, tii wiire j̄uti añu dadacoawũ.

⁴To biro Jesús're cõ ca tiirijere ïagũ, Judas Iscariote, jãa mena macũ, Jesús're ca wedejãa buiyee cõapũ pea, o biro ïiwi:

⁵—¿Ñee tiigo ate ca j̄uti añurijere jicã cūma pade wapa taaricarõ cõro m̄ũ noni wapa jeetijãri, ca boo pacarãre tii nemorugõ? —ïiwi. ⁶Judas pea ca boo pacarãrãre tii nemorugũ méé to biro ïiwi. Ca jee duti paigũ niiri ïiwi atera. Cũ pea, wapa tiirica tiiri ca jãñari poare ca ïa n̄n̄ujeeegũ niiri, tii poare jãa ca jãarucurijere jee d̄utic̄arucupi.

⁷To biro cū ca ïiro, Jesús pea o biro cūre ïiwi:

—To birora cõre ïacãña. Ȳure cūja ca yaari r̄um̄ũ maquẽp̄ure tii yuego tiimo. ⁸Ca boo pacarã to birora m̄uja mena niicõa niirucuma.^a Ȳu pea to cãnacã r̄um̄ura m̄uja menare ȳu niicõa niitirucu —ïiwi Judas're.

Judíos, Lázarore cūja ca j̄iarugarique

⁹Betaniapũ Jesús cū ca niirijere majiri, paũ judíos, Jesús wadore ïarugarã méé, Lázaro ca bii yaicoaric̄up̄urena Jesús cū ca catoric̄ũ cãare ïarugarã dooupa. ¹⁰To biri paia uparã pea, Lázaro cãare j̄iarugarã ¹¹ameri wede peni yerijãaupã, cū j̄uoriga paũ judíos cūjare camotatiri, Jesús peere cūja ca t̄uo n̄n̄ujeeero macã.

^z 12.3 Medio litro. ^a 12.8 Dt 15.11.

**Jerusalén macäre Jesús
cũ ca piya waarique**

(Mt 21.1-11; Mc 11.1-11; Lc 19.28-40)

¹²Ape rumu peere, paɯ bojoca Jerusalén'pɯ Pascua boje rumu ca waaricarã, Jesús tii macãpɯre cũ ca eapere majiupa. ¹³To biri ñiquí queeri paa jude jeeri, cüre bocarã doorã o biro ñi acaro bui nɯnɯa doowa:

—¡Añu majuropeecã, jãare ametueneña Wiogu David pãrami! ¡Añuro ca biigu niimi Æmureco Pacu wãme mena ca doogu! ¡Añuro ca biigu niimi Israel Wiogu! —ñi ujea nii bocawa Jesús're.^b

¹⁴Jesús pea, jicũ burro buari, cüre mɯa peawi, Æmureco Pacu wederiquerɯ o biro ca ñirote birora:

¹⁵“Uwiticãña Siónc macã macãrã. Ñaña. Mɯja Wiogu burro jotoapɯ pejari doomi,” ca ñirote birora.^d

¹⁶Ména jicãtoacãra, jãa cũ buerã pea, atere jãa tɯo majitiwɯ. Ca bii yaicoaricɯ nii pacagu Jesús cũ ca cati tuaro jiropɯ docare, ate niipetirije cüre cũja ca tiiriquere, Æmureco Pacu wederiquerɯ cũ ca biiperena cũja ca owarique ca niirijere jãa tɯo majiwɯ.

¹⁷Bojoca, Lázarore maja orepɯ ca niigare juo wiene cojo, ca bii yairicarã watoare cũ ca cati tuaro cüre tii, Jesús cũ ca tiiri tabere cũ mena ca niiricarã

pea cũja ca ñariquere aperãre wederucuwa. ¹⁸To biri paɯ bojoca Jesús're bocarã doowa, ca ña ñaña maniri wãme cũjare cũ ca tii ññoriquere cũjare cũja ca wederiquere ca tuoricarã niiri. ¹⁹To biro cũja ca biirijere ñarã, fariseos pea o biro ameri ñiupa:

—Mee, mɯja ñati: O biro cũja ca biirijere mani ca camotaaticãjata, do biro mani tiiricaró mani. Ñañaaqué, bojoca niipetirã cũ jicürena tɯo nɯnɯjeecãma —ñiupa.

**Griegos, Jesús're cũja
ca amarique**

²⁰Tii boje rumure Æmureco Pacure ca ñi nucũ buorã Jerusalén'pɯ ca maa waaricarã watoare niupa jicãrã griegos.

²¹Cũja pea Galilea yepare ca niiri macã Betsaida macũ Felipe puto eari, o biro cüre ñi jãiupa:

—Jãa Jesús're jãa ñacãrɯgamijapa —ñiupa. ²²To biro cũja ca ñirote tɯori, Felipe pea, Andrés peere wedegɯ waaupi. To biri cũja pɯarãpɯ Jesús're wederã eawa.

²³To biro cũja ca ñirote, Jesús pea o biro cũjare ñi yɯɯwi:

—Mee, yɯ, Ca Nii Majuropeegɯ Macũ bii yairi jiro yɯ ca cati tuapa tabe eacoa. ²⁴Yee méé yɯ ñi: Trigo apega, oteya maniricara to ca boacoajata, tiiga wado biicã yerijãa waa. Tiigare otejata docare, wii, bucuɯa, pairo dica

^b 12.13 Sal 118.25-26. ^c 12.15 Jerusalén. ^d 12.15 Zac 9.9.

cūti.^e ²⁵Cū ca catirijere ca maigua, cū ca cati niirijere tii yaiocārucumi. Ati yepare cū ca cati niirijere buaro ca maitigu pea, cū ca caticōa niipere buarucumi. ²⁶Jicū yu yeere ca tii nūnūjeerugu ũno, yu mena cū doojato. Yu yeere ca tii nūnūjeegua, yu ca niiri tabera niirucumi cū cāa. Yu yeere ca tii nūnūjeegure, yu Pacu añuro cūre tii nūcū buorucumi —īiwi Jesús.

**Cū ca bii yaipere Jesús
cū ca wederique**

²⁷To biro īicā, o biro īiwi:
—“Mecūacāre buaro peti yu tūgoeñarique paicā,” ¿Do biro yu īigūti? ¿“Cáacu, ate yu ca tūgoeña pairijere yure ametueneña,” yu īigūti? ¡Yu īiticu! Aterena īigu yu doowu.
²⁸Cáacu, do biro ca tiiya manigu mū ca niirijere bojocare īñoña —īiwi Jesús.

To biro cū ca īiora, ũmureco tutipū o biro īi wedeo cojowu:

—Mee, do biro ca tiiya manigu yu ca niirijere yu īño yerijāawu. Yu īño nemorucu ũcū —īi wedeowu. ²⁹Bojoca too ca tūo niirā pea:

—Būpo niibujāwi —īiwa.

Aperā pea:

—Ūmureco Pacu puto macū Jesús mena wedegu īibujāwi —īiwa.

³⁰To biro cūja ca īiro, Jesús pea o biro cūjare īiwi:

—Ano ca wederijere mūja ca tūorijea yure īiro mée īi. Mūjare īima īiro īi. ³¹Mee mecūra nii, ati yepa macārā Ūmureco Pacure cūja ca īa beje ecora tabe. Ūcā mecūra ati yepare ca doti niigu Satanás cāa, Ūmureco Pacure cōa wiene ecorucumi.

³²To biri yucu tenipū yure paa pua tuuri, cūja ca ami mūene nūcōrije mena, ati yepa macārā paū cūja ca ñañarije wapare tūgoeña wajoari, yu peere cūja ca tūo nūnūjeero yu tiirucu —īiwi. ³³Atere īigua, “O biri wāme yu bii yairucu,” īigu īiwi.
³⁴To biro Jesús cū ca īirijere tūorā, bojoca pea o biro cūre īiwa:

—Jāa, doti cūurique:
“Ūmureco Pacu cū ca tiicojo cojogu Mesías, to birora caticōa niirucumi,” ca īirijere jāa maji. ¿Ñee tiigu mū pea, “Ca Nii Majuropegu Macū, yucu tenipū paa pua tuuri ami mūene nūcō ecorucumi,” mū īiti? ¿Nii cū niiti Ca Nii Majuropegu Macū? —cūre īi jāiñawa.

³⁵To biro cūja ca īiro, o biro īiwi Jesús:

—Mēna yu, Ūmureco Pacu cū ca boorore biro niiriquere ca wede majiogū, no cōro méeacāra mūja watoare yu ca niiro ũno, yu ca wederijere añuro yure tūo nūnūjeeya, “To biro biibocu,”

^e 12.24 Trigo apega yeparū ñaacūmuri to ca diatijata, tiiga wado biicā yerijāa waa; to ca diacoajata docare, paū dica cūti.

mɔja ca ïitiri tabere ca naitïarije mɔjare ca bii ñaapea eatipere biro ïirã. Ca naitïaro jïa boeri méé ca waagɔa, “Too pee yɔ waacu,” ïi majitimi. ³⁶Yɔ, Ɛmureco Pacɔ cɔ ca boorore biro niiriquere ca wede majiogɔ^f yɔ ca niirora, díamacɔ yure tuo nɔnɔjeeya, yɔ yaarã mɔja ca niipere biro ïirã —ïwi. To biro atere ïi yapano, waa, cɔjare duticoawi Jesús.

Judíos, Jesús're cɔja tuo nɔnɔjeetirique

³⁷Cɔja ca ïarora to cõro paɔ ca ïa ñaaña manirije cɔ ca tii bau niirije ca nii pacaro, Jesús're tuo nɔnɔjeeticãwa. ³⁸Biirõpa, Ɛmureco Pacɔ yee quetire wede jɔguerï majɔ Isaiás niiquïricɔ:

“Ɛpɔ, ¿noa pee jãa ca wederijere cɔja tuo nɔnɔjeeti? ¿Ɛpɔa, noa peere cɔ ca tutuarijere cɔ tii bau nii ïñomijapari?” cɔ ca ïiquïricarore biro bii earo biiwɔ.^g

³⁹To biri Jesús cɔ ca wederijere tuo nɔnɔjee majitiwa. Ñucã teerena ïigɔ:

⁴⁰“Ca ïatirãre biro cɔjare tii, ca tuo jeeño majitirã cɔjare tii, cɔjare tijapi Ɛmureco Pacɔ. ïa maji, tuo puo, tɔgoeña yeri wajoa, biicãri yɔ peere cɔja ca tuo nɔnɔjeero, yɔ pee cãa cɔjare ametuene,

yɔ ca tiitipere biro ïigɔ,” ïi owaquïupi Isaiás.^h

⁴¹Isaiás, atere to biro ïiupi, Jesús yee ca aña majuropeerijere ca ïaricɔ niiri. To biri Jesús cɔ ca biipere wedeupi. ⁴²To biirije to ca ïicã pacaro, paɔ judíos, to biri jïcãrã bojocare ca jɔo niirã menapɔra, díamacɔ Jesús're tuo nɔnɔjeewa. Cɔja pea Jesús're ca tuo nɔnɔjeerã niicã pacarã, fariseos're uwima ïirã bau niiro, “Jesús're ca tuo nɔnɔjeerã jãa nii,” ïitiwa, nea poo juu buerica wiijeripɔra cɔjare cɔja ca cõa wienetipere biro ïirã. ⁴³Ɛmureco Pacɔ cɔjare cɔ ca nɔcɔ bɔorije ametuenero, bojoca cɔja ca nɔcɔ bɔorije peere ca boorã niiri, to biro biywa.

Jesús wederiquera ñañaaro tiicãrucu

⁴⁴Jesús pea tutuaro wederique mena o biro ïwi:

—Díamacɔ yure ca tuo nɔnɔjeegɔa, yɔ jïcurena tuo nɔnɔjeegɔ méé tiimi. Yɔ Pacɔ yure ca tiicojo cojoricɔ cãare tuo nɔnɔjeegɔ tiimi. ⁴⁵Yure ca ïagɔ cãa, yure ca tiicojo cojoricɔ cãare ïami. ⁴⁶Yɔ, ca boerije ca niigɔra ati yeparɔre yɔ doowɔ, díamacɔ yure ca tuo nɔnɔjeerã, ca naitïarõpɔ cɔja tuaticãjato ïigɔ. ⁴⁷To ca bii pacaro yɔ ca wederijere tuocã pacagɔ, tee ca ïiire biro ca tii nɔnɔjeetigɔra,

^f 12.36 “Ca boegu yɔ nii”. ^g 12.38 Is 53.1 Ɛmureco Pacɔ, jãa ca wederijere jïcɔ peera díamacɔ tuoticãma. Ɛmureco Pacɔ cɔ ca yeri tutuarijere cɔ ca tii bau nii ïñorijere ca ïarã nii pacarã ïa majiticãma. ^h 12.40 Is 6.10.

yũ méé yũ nii, ñañaro cûre ca tiipũ. Yũa bojocare ñañaro tiigũ doogũ méé yũ doowũ. Cũjare ametuenegũ doogũ yũ doowũ. ⁴⁸Yũre booti, yũ ca wederijere tũorũgati, ca biigũa mee, ñañaro cûre ca tiipũre cũo yerijãami. Yũ ca wedejãrijera ca tũjari rũmũ ca niirorũre ñañaro cûre tiicãrucu. ⁴⁹Yũa, yũ majurope yũ ca boori wãmera wedegũ méé yũ ïi. Yũ Pacũ yũre ca tiicojo cojoricũpũra, “Ate mũ wederucũ; atere mũ bue majiorucũ,” yũre ïi cojowi. ⁵⁰Yũa, yũ Pacũ cũ ca tii dotirijera, to birora caticõa niirique maquẽ ca niirijere añuro yũ maji. To biri, yũ ca ïirije cõrorena yũ Pacũ yũre cũ ca wede doti cojoricarore birora yũ wede —ïwi.

**Cũ buerã ðaporire Jesús
cũ ca coerique**

13 ¹Mee Pascua boje rũmũ ea waaro biiwũ. Jesús pea, cũ Pacũ mena niigũ waarũgũ, ati yepare cũ ca waa weopa tabe ca ea waarijere majiupi. Cũa, ati yepa macãrã cũ yaarã cûre ca tũo nũnũjeerãre to birora ca maicã jũo dooricũ niiri, bũarorũra cũ ca mairijere ïñowi. ²Baarica tabe eacoawũ yua. Mee Satanás pea, Simón macũ Judas Iscariote peera, Jesús're cũ ca wedejãapere cũ ca tũgoeñarijepũre cûre tũgoeña cõa jãacãupi. ³Jesús pea, Ûmũreco Pacũ pũtopũ cũ ca dooriquere, ñucã Ûmũreco Pacũ pũtopũra cũ ca tua waapere, to

biri cũ Pacũ, niipetirijepũrena ca doti niigũ cûre cũ ca tiiriquere, majiwi. ⁴To biri ca baa duwircũra wãmũ nũcã, cũ jutiro jotoa macãrore tuu wee cũu, jutiro quejero amiri cũ wẽñarica daa cõtiri tabe jia tuuwi. ⁵To biro tiicã, jotũ bapapũ oco waa priori, tee mena jãa, cũ buerã ðaporire coeri, jutiro quejero cũ wẽñarica daa cõtiri tabe cũ ca jia tuuricarõ mena tuu bopo nũnũa waawi Jesús.

⁶Simón Pedro ðaporire coegũ doogũ cũ ca tiiora, cũ pea o biro ïicãwi Jesús're:

—Wiogũ, ¿mũ, yũ ðaporire coegũ doogũ mũ tiiti? —ïwi.

⁷To biro cũ ca ïiro, Jesús pea:

—Mecũacãra ména o biro yũ ca tiirijere mũ tũo puoti; jiro jañuri mũ tũo puorucu ména —cûre ïwi.

⁸Pedro pea o biro cûre ïwi ñucã:

—Mũra, jicãti ñno peera yũ ðaporire mũre yũ coe dotiti majuropeecãrucu —ïwi.

To biro cũ ca ïiro, Jesús pea o biro ïi yũwũwi Pedrore:

—Mũ ðaporire yũ ca coetijata, yũ yaarã mena macũ mũ niiticãrucu —cûre ïwi.

⁹To biro cũ ca ïiro, Pedro pea ñucã o biro cûre ïwi:

—Wiogũ, to docare yũ ðapori wadorena yũre coeeto. Yũ amori, yũ ðapũga cãare coeya —ïwi Jesús're.

¹⁰To biro cũ ca ïiro, Jesús pea:

—Mee, ca uwa coe yapanoricũpũra, õweri manigũ

cũ ca niiro macã, cũ dũpori wadore coerique boo. Mũja, ca õweri manirãre biropũ mũja nii mee. Biirãpũa, niipetirãpũra to biro mũja biiti. Niimi jĩcũ ñañarije ca tũgoẽnarique cutigũ; cũ niimi mũja watoare ca õweri cutigũre biro ca niigũ —cũre ñi yũwĩ Pedrorẽ. ¹¹Niipetirãpũra, “Õweri manirã wado mũja niiti” cũ ca ñijata, cũre ca wedejãa buiyecõapũre cũre majiri to biro jãare ñiwi Jesũs.

¹²Jãa, cũ buerã dũporire coe yapano, cũ jutiro jotoa macãro cũ ca tuu wee cũuricarore ami jãña, cũ ca duwirica tabepũra ea nuu waa, o biro jãare ñiwi Jesũs:

—¿Mũjare yũ ca tiijãrijere mũja tuo puoti? ¹³Mũja, yũre “Jãare Ca Buegũ,” “Jãa Wiogũ,” yũre mũja ñi. Díamacũra mũja ñi: “Cũra yũ nii”. ¹⁴To biri yũ, mũjare ca Buegũra, mũja Wiogũra, jĩcũ pade coteri majũre biro mũja dũporire yũ ca coejãrore birora mũja cãa, mũja majurope mũja dũporire ca ameri coeparã mũja nii.

¹⁵Jĩcã wãme mũjare yũ tii ññojãwũ, mũjare yũ ca tiijãrore birora mũja ca tiipere biro ñigũ.

¹⁶Díamacũ mũjare yũ ñi: Pade coteri majũ jĩcũ ñno peera cũ wiogũ ametũenero niitimi. Ñucã jĩcũ ca doti cojo ecoricũ cãa, cũre ca doti cojogũ ametũenero niitimi.ⁱ ¹⁷To biri atere tuo

jeeñori teere mũja ca tii niijata, añuro ñjea niirã mũja niirucu.

¹⁸“Mũja niipetirãpũre ñigũ méé” yũ ñi, biigũpũa. Yũa, yũ ca beje jeericarãre yũ maji. Ñmũreco Pacũ wederiquere owarica pũuropũ: “Yũ mena ca baa duwigũra yũre ca ña tutigũ nii eacãmi,” cũja ca ñi owarique ca ñiire birora ca biipe niiro bii.^j

¹⁹Mee, tee ca biiparo jũguero atere mũjare yũ wede majio jũgucã, yũ ca ñiricarore biro ca biiro ñarã, to birora ca niicõa niigũ yũ, yũ ca niirijere mũja ca tuo nũñjeepere biro ñigũ. ²⁰Díamacũ mũjare yũ ñi: Yũ yee quetire yũ ca wede doti cojogũre añuro ca tuo nũñjeegũa, yũrena tuo nũñjeegũ tiimi. Ñucã yũ ca wederijere ca tuo nũñjeegũ cãa, yũre ca tiicojoricũrena tuo nũñjeegũ tiimi —jãare ñi wedewi Jesũs.

**Judas cũre cũ ca wedejãapere
Jesũs cũ ca wederique**
(Mt 26.20-25; Mc 14.17-21;
Lc 22.21-23)

²¹Teere to biro jãare ñi wede yapanogũra, Jesũs pea cũ ca cati niirijepũ buaro tũgoeña yapa pua, díamacũ o biro jãare ñi wede majiowi:

—Atere díamacũ mũjare yũ ñi: Jĩcũ mũja mena macũra yũre wedejãa buiyee cõacãgũ doogũ tiimi —jãare ñiwi.

ⁱ 13.16 “Yũ ametũenero ca nii majuropeera mũja niiti, to biri ati yeparũre niirã ‘Aperã ametũenero ca nii majuropeerã jãa nii,’ ñitirãra, aperãre pade coteri maja ca niiparã mũja nii,” ñigũ ñiupi Jesũs. ^j 13.18 Sal 41.9.

²²To biro cū ca ĩiro, jāa, cū buerā pea: “Cūre ĩigu ĩicumĩ” ĩi majitima ĩirā, jāa majuropeera jāa ameri ĩacā duwi yujuwū yua. ²³Ména yū, bũaro Jesús cū ca maigu pea, baarica tabere cū pũtoacā yū duwiwū. ²⁴Simón Pedro pea yūre ĩa cojori, “¿Ñĩrure mū ĩiti?” cūre ĩi jāĩñaña” ĩigu, cū amori mena tii cõñari, yaioroacā yūre jāĩña doti cojowi. ²⁵To biro yūre cū ca ĩi jāĩña dotiro ĩari, yū pea Jesús pũto jañuricā waari:

—Wioḡ, ¿nii peti cū niiti?
—cūre yū ĩiwū.

²⁶To biro yū ca ĩiro, Jesús pea o biro yūre ĩi yūñwi:

—Pan tabere weyori yū ca tiicojogū niimi —ĩwi. To biro ĩigũra, pan quire weyori, Simón macū Judas Iscariote petire cūre tiicojocāwi. ²⁷To biro cūre cū ca tiiro, pan quire cū ca ñeeriye menara, Judas Iscariote yeripũre Satanás ñaajāa nũcõcoapi mee. To biri Jesús pea o biro cūre ĩwi:

—Mū ca tiipere yoari méé tiiya —ĩwi. ²⁸To biro Jesús cū ca ĩirijere, jāa, cū buerā to ca duwirā pea, ĩicū peera jāa tũo majiticāwū. ²⁹Judas pea jāa yee wapa tiirica tiiri ca jāñari poare ca ĩa nũñjeegū cū ca niiro macā, ĩicārā jāa mena macārā pea: “‘Boje rũmũ maquē apeye ũno wapa tiigũja,’ ĩigu ĩicumĩ,” ĩiupa. “Ape tabera, ‘Ca boo pacarāre apeye ũno cũjare tiicojogũja,’ ĩigu ĩicumĩ Jesús,” ĩi tũgoñacāupa. ³⁰To biri Judas

pea, pan quire cūre cū ca joa noniro, ami baa, witicoawi. To biro cū ca bii witi waari tabere mee ñamipũ niiwū yua.

Wāma dotirique

³¹Judas cū ca witi waaro jiro, Jesús pea o biro jāare ĩwi:

—Mecūra yū, Ca Nii Majuropeegū Macū, yū yee ca añu majuropeerijere mũjare yū ĩñorucu. Ñucā yū menara mũjare bii ĩñorucu, Ũmũreco Pacū yee ca añu majuropeerije cāa. ³²Yū, Ca Nii Majuropeegū Macū, Ũmũreco Pacū cū ca tutua majuropeerijere yū ca ĩñorore birora, Ũmũreco Pacū pee cāa, yū ca nii majuropeerijere ĩñorucumi. Yoari mééra teere tiirucumi. ³³Yū puna yū ca mairā, mũja menare yoaro yū niitirucu. Mũja pea yūre mũja amamirucu, judfos're yū ca ĩirore birora mũjare yū ĩi mecūra: Yū ca waari taberũre mũja waatirucu. ³⁴To biri ati wāme wāma wāmere mũjare yū tii doti: “Mũja ca niiro cõrora ameri maiña.” Mũjare yū ca maiore birora mũja cāa, mũja ca niiro cõrora ameri mai niĩña. ³⁵Mũja ca niiro cõrora mũja ca ameri mairo ĩarā, yū buerā mũja ca niirijere niipetirā ĩa majirucuma —ĩwi.

“‘Cūre yū majiti,’ mū ĩirucu,”
Pedrore Jesús cū ca ĩirique
(Mt 26.31-35; Mc 14.27-31;
Lc 22.31-34)

³⁶To biro cū ca ĩiro, Simón Pedro pea o biro ĩi jāĩñawi Jesús're:

—Wiogũ, ¿noorũ waagũ mũ tiiti? —cũre ïwi.

To biro cũre cũ ca ïiro, Jesús pea:

—Mecũra, yũ ca waari taberũre yũre mũ nunũ waa majiti ména. Jiropũ docare, yũ ca waari taberũre yũre mũ nunũ waarucu —ïwi.

³⁷To biro cũ ca ïiro, Pedro pea o biro cũre ïwi:

—Wiogũ, ¿nee tiigũ mecũra mũre yũ nunũ waa majitigajati? Mũ ca bii yaipa tabe unorena, mũre ca bii yai bojarũra niicãgũ yũ bii yũa —ïwi Jesús're.

³⁸To biro cũ ca ïiro, Jesús pea:

—Mũa, ¿díamacũra yũre mũ bii yai bojagũti? Díamacũ mũre yũ ïi: Ábocũ cũ ca wedeparo jũguero, itiati peti, “Jesús're yũ majiti,” mũ ïi ditorucu —ïwi Pedre.

Jesús jũori wado Ɛmũreco Pacũ pũtopũre mani ea maji

14 ¹Ñucã o biro jāare ïi nunũna waawi Jesús:

—Tũgoeñarique paiticãña mũja. Tũgoeñarique paitirãra, Ɛmũreco Pacũ peere díamacũ tuo nunũjee, ñucã yũ cãare díamacũ tuo nunũjee, tiicã niĩña. ²Yũ Pacũ cũ ca niiri taberũre niirica taberi paũ nii. To biro to ca biitijata, mee mũjare yũ wede yerijãabojacupa. To biri mũja ca niipa taberire mũjare queno yuegũ waagũ yũ bii. ³Toorũ waa, mũja ca niipa tabere queno yapano, yũ doorucu ñucã, yũ mena mũjare

jee waarũgũ. O biro yũ ca tiiro, yũ ca niiri tabera mũja niirucu mũja cãa. ⁴Mee, mũja maji yũ ca waari taberũre ca nii eari maare —ïwi.

⁵To biro Jesús cũ ca ïiro, Tomás pea:

—Wiogũ, “Toorũ waacumi,” mũre jāa ïi majiti. ¿Do biro pee tiicãri, tii maare jāa majibogajati? —ïwi Jesús're.

⁶To biro cũre cũ ca ïiro, Jesús pea o biro cũre ïi yũwũi:

—Yũ yũ nii, tii maa, díamacũ wado ca ïigũ, caticõa niiriquere ca tiicojogũ, yũ jũori wado yũ Pacũ pũtopũre ea waa majirique nii. ⁷Díamacũra yũre mũja ca majijata, yũ Pacũ cãare mũja majirucu. Mee mecũ menarũra cũre mũja maji yerijãa, cũre ca ïa niirucujãrã niiri —cũre ïwi Jesús.

⁸To biro cũ ca ïiro, Felipe pea o biro ïwi ñucã Jesús're:

—Wiogũ, mũ Pacũre jāare ïñoña. Tee menara jāare añucãrucu —cũre ïwi.

⁹To biro cũre cũ ca ïiro:

—Felipe, yoaro mũja mena yũ ca nii pacaro, ¿ména yũre mũ majiticãti? Mee yũre ca ïagna, yũ Pacũ cãare ïami. ¿Ñee tiigũ mũ pea, “Mũ Pacũre jāare ïñoña,” yũre mũ ïiti? ¹⁰¿Yũ Pacũ yũpũre nii, ñucã yũ cãa yũ Pacũpũre nii, jāa ca biirijere díamacũ mũ tuo nunũjeeticãti? Mũjare yũ ca ïirijere, yũ ca tũgoeñarora mũjare ïigũ méé yũ tii. Yũ Pacũ yũpũre ca niigũra, cũ paderiquere tiimi. ¹¹Yũa, yũ

Pacurure nii, yu Pacu pee cãa yurure nii, jãa bii, mujare yu ca ïi wederijere díamacũ tuo nunjeeya. Atere díamacũ mũa ca tuotijata, yu ca tii niirije juori pee yure tuo nunjeeya petopra.

¹²Yee méé mujare yu ïi: Díamacũ yure ca tuo nunjeegua, yu ca tiirije cãare tiirucumi. Nũcã yu ca tiirije ametene jaũuro tiirucumi. Mee, yu pea yu Pacu puto waacoagu yu bii. ¹³Mũa ca jãirije cõrorena jãirã, “Jesús cũ ca dotiro mena teere yu ïi” ïicãri, Umureco Pacure mũa ca jãirijere, mũa ca jãirore biro yu tiirucu, yu, cũ Macũ menaru, yu Pacu yee ca aũu majuropeerijere to bii ñojato ñigu. ¹⁴“Jesús cũ ca dotiro mena teere yu ïi,” ïiri mũa ca jãirije cõrorena, mũa ca jãirore biro yu tiirucu.

**Añuri Yerire cũ ca tiicojo
cojopere Jesús cũ ca wederique**

¹⁵Yure mũa ca majjata, mujare yu ca tii doti cũurijere, yu ca dotirore biro mũa tii nunjeerucu. ¹⁶Yu pea, yu Pacurure arĩ yu jãirucu, mũa ca tũgoeña bayiro ca tiipũ, mũa mena to birora ca niicõa niipũ, Añuri Yeri díamacũ ca ñigure mujare cũ tiicojojato ñigu. ¹⁷Umureco Pacure ca majitirã, cũre ñati, cũre majiti, ca biicãrã niiri cũre ñee majitima. Mũa pea cũre mũa maji, cũa, mũa mena to birora niicõa niimi. Nũcã to birora mujarure niicõa

niirucumi. ¹⁸Biigurua, ca pacu dia weo ecoricarãre biro mujare yu cũutirucu. Yu doorucu ñucã, mũa mena niigu doogu.

¹⁹Ca yoa waatirora, Umureco Pacure ca majitirã yure ña nemotirucuma. Mũa pea yure mũa ñarucu, mũa mena yu ca niirijere. Ca catigu niigu yu bii yua. To biri mũa cãa, yure birora ca catirã mũa niirucu.

²⁰Tii rumpũ ca earo, yu, yu Pacurure yu ca niirijere, mũa cãa yurure mũa ca niirijere, ñucã yu pee cãa mujarure yu ca niirijere, mũa ña majirucu. ²¹Yu ca dotirijere tuori, tee ca ñirore biro ca tii nunjeegu niimi, díamacũra yure ca maigu. Yure ca maigure, yu Pacu cãa cũre mairucumi. Yu cãa cũre mai, cũre yu ca mairijere cũre ñno, yu tiirucu —jãare ñi wedewi Jesús.

²²To biro jãare cũ ca ñiro, Judas (Iscariote méé pea) Jesús're o biro cũre ñi jãiñawi:

—Wiogu, mua ñnee tiigu Umureco Pacure ca majitirãre, mũ ca niirique cutirijere ñnotigura jãa wadore mũ ñnoguti? —cũre ñwi.

²³To biro cũ ca ñiro, Jesús pea o biro cũre ñi yuñwi:

—Yure ca maigua, yu wederique ca ñirore biro tii nunjeemi. To biro ca biigure, yu Pacu cũre mairucumi. To biri jãa ruarãpura yu Pacu mena cũ putorũ doo, cũ mena jãa niirucu. ²⁴Yure ca maitigua, yu wederique ca ñirore biro tii nunjeetimi. Ano mujare yu

ca ñirijere mɔja ca tɔorijea, yɔ majurope tɔgoeñari yɔ ca wederije méé nii. Yɔ Pasɔ, yɔre ca tiicojo cojoricɔ yɔre cɔ ca wede dotirije niiro bii. ²⁵Ména mɔja mena niigɔra, ate niipetirije mɔjare yɔ wede. ²⁶Jiropɔra, tɔgoeña bayiricarɔ ca tiigɔ Añuri Yeri yɔre ca wajoagɔ, yɔ Pasɔ cɔ ca tiicojogɔ niipetirije mɔjare wede majio, ñucá mɔjare yɔ ca ñirique niipetirijere mɔja ca majiro mɔjare tii, tiirucumi.

²⁷”Añuro niiriquere mɔjare yɔ cɔu. Yɔ yee añuro niiriquere mɔjare yɔ tiicojo, yɔa, ati yepa macãrã cɔja ca tiicojorore biro méé mɔjare yɔ tiicojo. To biri tɔgoeñarique pai, uwi, biiticãña. ²⁸”Mee, waagɔ yɔ bii, mɔja mena niigɔ doogɔ yɔ doorucu ñucá,” yɔ ca ñirijere mɔja tɔojãwɔ. Díamacãra yɔre mɔja ca majjata, “Yɔ Pasɔ pɔtopɔ waagɔ yɔ tii,” yɔ ca ñirijere tɔorã, bɔaro mɔja ɔjea niibojacupa. Cɔa, yɔ ametɔenero do biro ca tiiya manigɔ niimi. ²⁹Mee atere, tee ca biparo jɔguero mɔjare yɔ wede majio jɔguescá, yɔ ca ñiricarore biro to ca biiro ñarã, “Díamacãra manire ñijari,” mɔja ñirucu.

³⁰”To cõroga mɔja mena yɔ wederucu. Mee, doo yerijãami ati yepa macãrãre ca doti niigɔ Satanás. Cɔa, yɔre ca

doti ametɔa nɔcãgɔ méé niimi biigɔpɔa. ³¹Biiorpɔa o birora ca biipe niiro bii, ati yepa macãrã bojoca niipetirã, yɔ Pasɔre mai, yɔre cɔ ca tii doti cojoricarore birora tii, yɔ ca tiirijere cɔja ca majipere biro ñiro —jãare ñiwi Jesús. To biro jãare ñi yapano:

—Wãmɔ nɔcãña. Jamɔ, mani waaco —jãare ñiwi.



Jesús niimi ɔje daare ca niigɔ. Jn 15.1

Jesús, ɔje daa ca nii majuropeeri daa

15 ¹O biro ñi cõña wedewi ñucá Jesús:^k

—Yɔa, ɔje daa ca nii majuropeeri daare biro ca niigɔ yɔ nii. Yɔ Pasɔ niimi ca otegɔ. ²To biri jicã dɔpɔ ca dica maniri dɔpɔ to ca niijata, tii dɔpɔre paa taa cõacãmi. To ca dica cɔtijata, tii dɔpɔri ca añutirijere paa jude bate, jee woo, tiimi, paɔ jañuro to dica cɔtijato ñigɔ. ³Mee mɔja pea yɔ ca wederijere ca tɔo nɔnɔjeerã niiri, ca ñañarije manirãpɔ mɔja nii. ⁴Yɔ mena

^k 15.1 “ ‘Díamacãra yɔre ca tɔo nɔnɔjeerã’ o biirije biima” ñigɔ, atere to biro ñi cõña wedewi Jesús.

to birora niicōa niiña. Yũ cãa, mũa menara to birora yũ niicōa niirucu. Ca dũrũ, ƣje daarpũre pũto cũtitirora, tii dũrũ wadora dica cũi majiti. Tii dũrũ ca biitore birora, mũa cãa yũ mena to birora mũa ca niicōa niitijata, añurijere mũa tii majiticu.

⁵Yũ yũ nii ƣje daa ca nii majuropeeri daa. Mũa pea ca dũrũire biro ca biirã mũa nii. Yũ menara ca niicōa niigũa, ñucã yũ pee cãa cũi menara nii, yũ ca biigũa, paũ añurijere tii niirucumi. Yũ mena niitirã, do biro mũa tiiticu. ⁶Yũ mena ca niitigũa, paa taa cōa ecori, pecamerũ cũa ca joepa dũrũ ca jini cũa yujuri dũrũre biro niimi. ⁷Mũa, yũ mena to birora niicōa nii, yũ ca wederijere yũ ca ñiire biiro tii nũñjeecōa nii, mũa ca biijata, mũa ca boorijere jãiña. Mũa tiicojo ecorucu. ⁸Paũ añurije mũa ca tii niirije mena, yũ Pacũ cũi ca nii majuropeerijere tii nũcũ bũo ecomi. O biro tiirã, yũ buerã peti mũa ca niirijere mũa ñño.^l

⁹Yũ Pacũ yũre cũi ca maiore birora mũare yũ mai. To biri mũare yũ ca mairijere camotatiiticãña. ¹⁰Yũ ca doti cũurijere yũ ca dotiuro biro mũa ca tiicōa niijata, yũ ca mairã mũa niirucu, yũ cãa, yũ Pacũ cũi ca dotirijere tii nũñjeeri, cũi ca maigũ yũ ca niire birora.

¹¹Atere o biro mũare yũ ñi, yũ ca ƣjea niire birora cũa ƣjea niijato ñigũ. To biri bũaro mũa ƣjea niirucu. ¹²Ate nii yũ ca dotirije: Mũare yũ ca maiore birora, mũa cãa ameri maiña. ¹³Bũaropũra ca maigũ niiriquea, mani mena macãrãre bii yai bojarique niire bii. ¹⁴Yũ ca dotirijere mũa ca tiijata, yũ mena macãrã niirã mũa bii. ¹⁵Pade coteri maja mũare yũ ñiti yua. Pade coteri majũa, cũi wiogũ cũi ca tiirijere majitimi. Yũ mena macãrã mũare yũ ñi, yũ Pacũ yũre cũi ca ñirique niipetirore mũare yũ ca wede peoticãrique ca niire macã. ¹⁶Mũa mée yũre mũa beje amiwũ. Yũ pee mũare beje jeeri, añurijere cũa tiirã waajato ñigũ, mũare yũ tiicojo cojowũ, añurije mũa ca tii niirije to birora to niicōa niijato ñigũ. O biro mũa ca tiuro, “Jesús cũi ca dotiro mena atere yũ ñi,” ñicãri cũre mũa ca jãiro, mũa ca jãirije niipetiro mũare tiicojorucumi yũ Pacũ. ¹⁷Atere mũare yũ tii doti: “Mũa ca niire cōrora ameri maiña”.

“Ati yepa macãrã manire ña junarucuma,” Jesús cũi ca ñirique

¹⁸Ati yepa macãrã mũare cũa ca ña tutiro, yũpũrena cũa ca ña tuti jũoriquere majiña. ¹⁹Ati yepa macãrã mũa ca niijata, ati yepa macãrã mũare maibocuma, cũa yaarãre cũa ca

^l 15.8 Gá 5.22ss.

mairore birora. Yũ pea ati yepa macãrã watoa ca niirãre, mũjare yũ beje jeewũ. To biri ati yepa macãrã mũjare ãa tuti jaũuma, ati yepa macãrã méé mũja ca niiro macã. ²⁰“Pade coteri majũ jĩcũ ɛno peera cũ wiogu ametuenero niitimi,” mũjare yũ ca ãjãrijere tũgoeñaña.^m Ñañaro tiirũgarã yũre cũja ca nũnũricarore birora mũja cãare ñañaro tiirũgarã mũjare nũnũrucuma. Yũ ca wederijere cũja ca tũo nũnũjeerocarore birora mũja ca ãirije cãare tũo nũnũjeerucuma. ²¹Yũre ca tiicojo cojoricũre ca majitirã niiri, ate niipetirije mũjare tiirucuma, yũ yee quetire cũjare mũja ca wederije jũori. ²²Ati yeparũ dooti, cũjare wede majioti, yũ ca biijata, ñañarije ca tii wapa tuatirã niicãbojacupa. Mecũra, cũjare yũ ca wede majiorije ca niiro macã, “Ñañarije ca tiirã méé jãa nii,” ãi majitima yua. ²³Yũre ca ãa tutirã, yũ Pacũ cãare cũre ãa tutirã tiima. ²⁴Cũja watoare, jĩcũ ɛno peera cũ ca tiitirique ɛnore cũjare yũ ca tii ãnotijata, jĩcã wãme ɛno peera ñañarije cũja ca tiirijere wapa tuatibojacupa. Mecũra yũ ca tii niirijere ãa yerijãama, teere ãacã pacarã yũre ãa tuti, yũ Pacũ cãare ãa tuti, tiima. ²⁵Atea biirorũa cũja yee doti cũurique: “Ñee ɛno ñañarije ca tiitigũrena yũre ãa tutiwa,” cũja ca ãi owarique ca ãirore biro ca biipe niiro bii.ⁿ

²⁶”Mũjare ca wede majiorũ díamacũ wado ca ãigu, Añuri Yeri yũ Pacũ cũ ca tiicojogũre yũ ca tiicojo cojogu, yũ Pacũ mena ca nii jũo dooricu eagũrũ, yũ yee maquẽre wede majiorucumi. ²⁷Mũja cãa, jĩcãtorũra yũ mena ca nii jũoricarã niiri, yũ yee maquẽre mũja wederucu.

16 ¹”Díamacũ yũre mũja ca tũo nũcũ bũorijere to birora mũja ca tũgoeña bayicõa niipere biro ãigu, atere to biro mũjare yũ ãi. ²Juu buerica wiijeripũra mũjare ãcũ wienerucuma. Niirucu ñucã, no ca boorã mũjare jãacõari, “Ɛmũreco Pacũ cũ ca boorore biro tiirã mani tii,” cũja ca ãi tũgoeñapa cuu.^o ³Atere to biro tiirucuma, yũre majiti, yũ Pacũ cãare majiti, ca biirã niiri. ⁴Atere mũjare yũ wede majio, bojoca ñañaro mũjare cũja ca tiiri tabe ca earo, mũjare yũ ca wede majio yerijãariquere mũja ca tũgoeñapere biro ãigu.

Añuri Yeri cũ ca tiirije

”Ate o biro mũjare yũ ca ãi wederijere jĩcãtorũre mũjare yũ wedetiwũ, mũja menara niima ãigu. ⁵Mecũra yũre ca tiicojo cojoricũ mena niigu waagu yũ bii, mũja pea jĩcũ ɛno peera, “¿Noorũ mu waati?” yũre mũja ãi jãiñati. ⁶Yũre jãiñaricaro ɛnora, o biro mũjare yũ ca ãi wederijerena mũja tũgoeñarique paicoa. ⁷Díamacũ mũjare yũ ãi:

^m 15.20 Jn 13.16. ⁿ 15.25 Sal 35.19; 69.4. ^o 16.2 Hch 7.57-58.

Muja peera mujare yu ca waa weocoaro peera aña. Yu ca waatijata, tugoeña bayiricaro ca tiigu muja mena niigu dootibocumi. Yu ca waacoajata docare, yu majuropeera cüre mujare yu tiicojo cojorucu. ⁸Cü eaguru, ati yepa macãrãre ña majiricarora, cü niimi ñañarije ca tiigu, cü niimi ñañarije ca tiitigu, ñucã cü niimi Æmureco Pacure ñañaro ca tii ecogu, ñi wede majiorucumi: ⁹Ñiru cü niiti ñañarije ca tiigu: Yure ca tuo nunjeetigu. ¹⁰Ñiru cü niiti ñañarije ca tiitigu: Yu, yu Pacu puto ca waagu, muja pea yure muja ña nemotirucu yua. ¹¹Ñiru cü niiti Æmureco Pacu ñañaro cü ca tiigu: Ati yepare ca doti niigu Satanás, mee ñañaro cü ca tiiricuru ca niigu.

¹²”Pañ mujare yu ca ñirugarije nii biirorua. Bñari, mecüacãra muja peera pañ peti niimore biro mujare biibocu. ¹³Añuri Yeri díamacü ca ñigu eaguru, niipetirijere díamacü mujare wede majiorucumi. Cüa, cü ca tugoeñari wãme wedetirucumi. Niipetirije Æmureco Pacure cü ca tuorije wadore wederucumi. To biri ñucã, jiro ca biipe cãare mujare wede majiorucumi. ¹⁴Yu yee ca niirijere jee upari mujare wede majio niigu, yure ñi nücü bno niigu tiirucumi. ¹⁵Niipetirije yu Pacu cü ca tuorije yu yee nii. To biri, ”Añuri Yeri yu yeere jee upari mujare wede majiorucumi,” mujare yu ñijãwu.

¹⁶”Ca yoa waatirora yure muja ña nemotirucu. Biirãrña ñucã

jiro jañuroacã yure muja ñarucu ñucã —jãare ñi wedewi Jesús.

Muja ca tugoeñarije pairije ñjea niirique pee wajoarucu

¹⁷To biirije Jesús cü ca ñi wederijere tuorã, jicãrã jãa mena macãrã o biro ameri ñi jãiñawa:

—¿Do biro ñirugu atere: ”Ca yoa waatirora yure muja ña nemotirucu yua, manire ca ñigu nii pacagu ñucã, jiro jañuropu yure muja ñarucu ñucã, yu Pacu putopu waagu yu ca biiro macã,” manire cü ñiti? ¹⁸¿Do biro ñirugu, ”Ca yoa waatirora,” cü ñiti? To biro cü ca ñirijere mani tuo majiti majuropeecã —ñiwa.

¹⁹Jesús pea teere cüre cüja ca jãiñaruga niirijere majiri, o biro ñiwi:

—Yua, o biro mujare yu ñi wedejãwu: ”Ca yoa waatirora yure muja ña nemotirucu. Biirãrña, jiro jañuroacã yure muja ñarucu ñucã,” mujare yu ñijãwu. ¿Atere muja ameri jãiña niiti? ²⁰Díamacü mujare yu ñi: Bñaro tugoeñarije pai, oti, muja biirucu, ati yepa macãrã pea cüja ca ñjea niicãro. Biirorua muja ca tugoeñarije paímijata cãare, muja ca tugoeñarije pairijera ñjea niirique pee mujare wajoarucu.

²¹Jicõ nomio macü cutirugo, bñaro peti wijiomo, cõ ca macü cutiri tabe ca earo. To biro bii pacago, cõ macü cü ca bñaro jirorua, ca punirijere tugoeñatimo yua, jicü bojocu

ati yeparure cū ca buarijere ĩa ęjea niima ĩigo. ²²Cōre birora męja cāa mecñacāre, ñañaro męja bii tųgoeñarique pai. To biro męja ca biimijata cāare, yę pea jiro męjare yę ĩa nemorucu ñucā. To biro yę ca biiro ĩarā, męja yeripę buaro męja tųgoeña ęjea niirucu. Męja ca ęjea niirijere jĳcū ęno peera męja ca ęjea nii yerijāaro męjare tii majitirucumi. ²³Tii rųmų ca earopęra, buaro ęjea niima ĩirā, jĳcā wāme ęno peera yęre jāiñarucu, męja tiiticārucu. Díamacū męjare yę ĩi: “Jesús cū ca dotiro mena atere yę ĩi,” męja ca ĩi jāirije cōrorena, yę Pacų męjare tiicojorucumi. ²⁴Ména jĳcā wāme ęno peera, “Jesús cū ca dotiro mena atere yę ĩi,” męja ĩi jāiti. Jāiña. Jāirā męja buarucu, buaro ęjea niirā męja ca niipere biro ĩirā.

Jesús ati yepa maquē ñañarijere bii ametña nęcāri majų

²⁵”Atere ĩi cōoñarique mena wado męjare yę wederucujāwų. Biirpņa mee ea dooro bii, ĩi cōoñarique mena męjare wedericaro maniro, tųo majiricarora yę Pacų yee maquēre męjare yę ca wede majiopa tabe. ²⁶Tii rųmųre, “Jesús cū ca dotiro mena atere yę ĩi,” ĩicāri, yę Pacųre męja jāirucu yua. “Yę, yę Pacųre męjare yę jāi bojarucu,” ĩigu méé yę ĩi, ²⁷mee yę Pacų majuropeera męjare maimi. Yęre mai, ñucā

díamacūra “Umęcoco Pacų cū ca tiicojoricūra niimi,” yęre ca ĩi nęcū buorā męja ca niiro macā. ²⁸Yęa, yę Pacų puto ca niiricu yę doowų, ati yeparure. To biri mecūra ñucā yę Pacų pųtopęra tua waagu, ati yepa macārare waa weo waagu yę tii —jāare ĩiwi Jesús.

²⁹To biro cū ca ĩiro, jāa, cū buerā pea o biro cūre jāa ĩiwų: —Mecū docare yua, ĩi cōoñaricaró maniro díamacū jāare mų wede. ³⁰Mecūra, niipetirijepęrena mų ca majirijere jāa ĩa maji. To biri jĳcū ęno peera mųre jāa ca jāiña bua ñaaro mų booti. Ate jųori, “Umęcoco Pacų puto ca dooricūra niimi,” díamacūra mųre jāa ĩi tųo nųnųjee —jāa ĩiwų.

³¹To biro jāa ca ĩiro, Jesús pea o biro jāare ĩi yęnwi:

—To docare, ¿mecųre díamacū yęre męja tųoti? ³²Mee earopų bii, mecūra nii, męja niipetirāpęra no ca boorora yęre męja ca ũmaa weocoapa tabe. To biro yęre męja ca bii weocāmijata cāare, yę jĳcūra yę tuatirucu, yę Pacų yę menara cū ca niicāro macā. ³³Ate niipetirijere to biro męjare yę ĩi wede, yę mena niima ĩirā, añuro niiriquere męja ca bua eapere biro ĩigu. Ati yeparure niirā, ñañaro męja tamųorucu. To biro bii pacarā, tųgoeña bayicāña. Mee, yęa ati yepa maquē ñañarijere yę bii ametña nęcācāwų —jāare ĩi wedewi Jesús.

**Cã buerãre Jesús cũ ca
juu bue bojarique**

17 ¹To biro ïi yapano, emũaro pee ïa mũene, o biro ïi juu buewi Jesús:

—Cáacũ, mee yũre mũ ca cõorica tabe eacoa. Yũ, mũ Macũre ïi nũcũ buoya. Yũ, mũ Macũ pee cãa, mũre yũ ïi nũcũ buorucu. ²Yũ, mũ Macũre, bojoca niipetirã ametũenero doti majiriquere yũre mũ tiicojowũ, yũre mũ ca tiicojoricarãre to birora caticõa niiriquere cũ tiicojojato ïigũ. ³To birora caticõa niiriquere buariquea ate nii: Mũ, díamacũra Umũreco Pacũ jĩcũra ca niigũre, ñucã yũ, Jesucristo, mũ ca tiicojo cojoricũ cãare ca majirã, caticõa niiriquere buarucuma.^P ⁴Mee ati yeparũre niigũ, mũre yũ tii nũcũ bũo niiwũ. Yũre mũ ca tii doti cojoriquere, mũ ca tii dotirore birora yũ tii yapano. ⁵Cáacũ, mecũra ñucã ati yepa ca niiparo jũguerorũra mũ mena niigũ ca nii majuropeegũ yũ ca niiricarore birora, mũ pũtorũ ca nii majuropeegũ yũ ca niiro yũre tiiya ñucã.

⁶”Ati yepa macãrãre beje jeeri, yũre mũ ca tiicojoricarãre mũre cũja ca majiro yũ tiiwũ. Mũ yaarã niywa, mũ, cũjare yũre mũ tiicojowũ, cũja pea mũ wederiquere tũo nũnũjeewa. ⁷Mecũra, niipetirije yũre mũ ca tiicojoriquere, mũrũ mũ ca

tiicojorije ca niirijere majima. ⁸Yũre mũ ca wede dotiriquere cũjare yũ wedewũ. Cũja pee cãa teere yũre tũo nũnũjeewa. Mũ pũtorũ ca niiricũra yũ ca dooriquere añuro majima. Ñucã mũ ca tiicojo cojoricũ yũ ca niirije cãare díamacũ tũo nũnũjeema.

⁹”Cũja yee maquẽre jãi bojagũ yũ ïi. Yũre ca tũo nũnũjeetirãre jãi bojagũ méé yũ ïi. Yũre mũ ca tiicojoricarãre yũ jãi boja, mũ yaarã cũja ca niiro macã. ¹⁰Niipetirã yũre ca tũo nũnũjeerã, mũ yaarã niima. Ñucã niipetirã mũ ca cũorã, yũ yaarã niima. Ca nii majuropeegũ yũ ca niirijere cũja menarũ bojocare bii ñũo nii. ¹¹Yũa, ati yepara yũ niicõa niitirucu. Cũja pee doca ati yepara tuarucuma. Yũa, mũ pũtorũ waagũ yũ tii. Cáacũ ca ñañarije manigũ, mũ ca doti tutua niirije mena, doti tutua niirique yũre mũ ca tiicojorique mena, cũjare ïa nũnũjeeya, jĩcũre biro mani ca niirore birora, cũja cãa jĩcũre biro cũja ca niipere biro ïigũ. ¹²Ména ati yepare cũja mena niigũ, doti tutuarique yũre mũ ca tiicojorique mena cũjare ïa nũnũjee, ñañarije cũjare ca biirũgarijere cũjare camota boja, yũ tii niiwũ yũre mũ ca tiicojoricarãre. Cũja mena macũ jĩcũ unõ peera yaitiwĩ. Biigũrũa, mũ yee quetire cũja ca owarique ca ñirore biro to biijato ïigũ,

^P 17.3 Jn 14.7, 9; 16.3; 17.25; 1Jn 2.3-6, 13-14.

ca yairu ca bauaricu wado yairucumi.

¹³”Mecūra mu putorura tua waagu yu tii. Biigurua atera, ati yeparu cūja mena niigura atere to biro yu ii, cūja cāa, yu ca ūjea niitore birora cūja ūjea nijato iigu. ¹⁴Yure mu ca wede doti cojorijere cūjare yu wedewu. Yu cāa ati yepa macū méé yu ca niitore birora, cūja cāa ati yepa macārā méé cūja ca niire macā, ati yepa macārā mure ca majitirā pea cūjare ĩa tuti jañuma. ¹⁵”Ati yepare ca niirāre mu putoru yoari méé cūjare jee cojocāña,” iigu méé yu ii biigurua. “Ñañarije cūjare ca biirugarijere cūjare camota bojaya,” iigu pee doca, to biro mure yu ii. ¹⁶Ati yepa macū méé yu ca niitore birora, cūja cāa ati yepa macārā méé niima. ¹⁷Mu majuropeera mu yaarāre jee dica wooya, mu yee díamacū ca niirijere ca padeparāre. Mu wederiquea, díamacū ca niirije nii. ¹⁸Ati yeparure yure mu ca tiicojo cojoricarore birora, yu cāa anijare cūjare yu tiicojo cojo, ati yepa macārāre mu yeere cūja wede majorā waajato iigu. ¹⁹Cūjare ĩima iigu yu majuropeera, mu ca tii dotiricarore biro tiirugu, ca ñañarije manigu ami dica wooricu yu nii ea, cūja cāa díamacū ca niirije queti juri, ca ñañarije manirā nii ea, Æmureco Pacu cū ca boorije peere ca tiirā nii, cūja ca biipere biro iigu.

**Cūre ca tuo nunjeerā
niipetirāpore Jesús cū
ca juu bue bojarique**

²⁰”Anija wadore jāi bojagu méé, to biro mure yu ii. Niipetirā bojoca, yu yee quetire cūjare cūja ca wedero tūori, yure ca tuo nunjeeparārū cāare cūjare yu jāi boja. ²¹Cūja niipetirāpore, “Añuro jīcāri cōro cūja nijato” iigu, atere to biro mure yu ii. “Cāacu, yu, mu mena nii, mu pee cāa yu mena nii, mani ca bii niitore birora, cūja cāa jīcāri cōro añuro mani mena cūja ca niire tiiya,” yu ii, ati yepa macārā mure ca tuo nunjeetirā, mu ca tiicojo cojoricu yu ca niirijere díamacū cūja ca tuo nunjeepere biro iigu. ²²”Ca nii majuropeegu yu ca niire yure mu ca tiiricarore birora, yu cāa ca nii majuropeera cūja ca niire cūjare yu tiiwu, jīcūre birora mani ca niire birora, cūja cāa jīcūre birora cūja nijato iigu. ²³Yu pea, cūjarure nii, mu pea, yurure nii, mani bii. Añuropura jīcāri cōro cūja ca nii earo cūjare tiiya. To biro mu ca tiire ati yepa macārā, mu ca tiicojo cojoricu yu ca niirijere, ñucā yure mu ca mairore birora cūjare mu ca mairijere, ĩa majirucuma. ²⁴Cāacu, mu, yure mu ca tiicojoricarā cāa, yu ca niipa tabepura yu mena cūja ca niire yu boo, ca nii majuropeegu yu ca niirijere yure mu ca tiicojorique cūja ĩajato

ĩgu; mee, mña ati yepare mñ ca tiiparo jũgueropũra yũre mñ mai jũo doowũ.

²⁵Cáacu añugũ, ména ati yepa macārã mũre cũja ca majiti pacaro, yũ pea mũre yũ maji. Anija yũ mena ca niirã cãa, mñ ca tiicojo cojoricũ yũ ca niirijere majima. ²⁶Mñ ca niirique cutirijere cũjare yũ iñowũ. Ñucã to birora yũ iñocã nũnũa waarucu, yũre mñ ca mairije cũjarũre nii, ñucã yũ majuropeecã cũjarũrena niicã, yũ ca biipere biro iĩgu —ĩi juu buewi Jesús.

Jesús're cũja ca ñeerique

(Mt 26.47-56; Mc 14.43-50;

Lc 22.47-53)

18 ¹Atere iĩ yapano, Jesús, jãa, cũ buerãre, dia maa Cedrón ape nũnarũ jãare jũo waacoawi. Toorũre niiwũ jĩcã yepa ote yucũ ca niiri yepa. Tii taberũ jãare jũo owa waawi. ²Judas, Jesús're ca wedejãa buiyee cõagũ cãa, tii tabere majiwi, paũ tiiri Jesús jãare cũ ca jũo waarucurique ca niiro macã. ³To biri Judas, jĩcã puna uwamarã, paia uparã, fariseos, cũja ca doti cojoricarã, jĩcãrã Ëmũreco Pacũ yaa wiire coteri maja mena, beju cuticãri, jĩcãrã, ẽje pio jãari jĩa boerica coori mena jĩa boe, aperã yucũgũ yapa upa bũrũa jia tuuri jĩa boerique mena jĩa boe, ca tii dooricarã mena toorũ eawi.

⁴Mee Jesús pea niipetirije cũre cũja ca tiipere ca maji peoticãgu niiri, cũjare boca nucãri, o biro cũjare iĩ jãiniawi:

—¿Ñirure mũja amaati? —ĩiwi.

⁵To biro cũ ca iĩ jãiniaro:

—Jesús, Nazaret macũre jãa ama —ĩiwa. To biro cũja ca iĩro Jesús pea:

—Yũ yũ nii —cũjare iĩwi.

Judas, Jesús're ca wedejãa buiyee cõagũ cãa toora cũja mena niwi. ⁶“Yũ yũ nii,” Jesús cũjare cũ ca iĩroora duwi tua tua waa, yeparũ ñaacũmucoawa.

⁷Jesús pea ñucã:

—¿Ñirure mũja amaati?

—cũjare iĩ jãina nemowi.

Cũja pea:

—Jesús, Nazaret macũre jãa ama —cũre iĩwa ñucã.

⁸Jesús pea o biro cũjare iĩwi ñucã:

—Mee, “Yũ yũ nii” mũjare yũ iĩjãwũ. Yũre mũja ca amajata, anija yũ mena macārã peera ñeeticãña —ĩiwi Jesús.

⁹Ate pea cũ majuropeera:

“Cáacu, yũre mñ ca tiicojoricarã jĩcũ ẽno peera yaitiwa,” cũ ca iĩricarore biro to biijato iĩro biiwũ.⁹ ¹⁰To cõroora Simón Pedro pea niipĩi ca cũoricũ niiri yoo wee amiri, paia wiogũre ca pade cotegũ Malco ca wãme cutigũ amopero díamacũ nũña peere paa taa ñoocã cojowi. ¹¹To biro cũ ca tiiro iari, Jesús pea:

—Ca niirica taberũra niipĩire queno cũũña. Yũ Pacũra, ñañaoro

⁹ 18.9 Jn 6.39.

yɛ ca tamɔoro cũ ca boojata, cũ ca dotirore birora ñaňaro yɛ ca biipera niicãro bii —ĩwi Jesús.

**Anás yaa wiipɛ Jesús're
cũja ca ami waarique**

(Mt 26.57-58; Mc 14.53-54; Lc 22.54)

¹²Uwamarã cãjare dotiri majɛ mena, to biri judíos yaaarã uwamarã Ɛmureco Pacɛ yaa wiire coteri maja mena, Jesús're ñeeri cũre jia, ¹³Anás yaa wii pee cũre ami waa juowa. Cũ pea tii cãmare paia wioɔɔ ca niigɛ Caifás mañicu niwi. ¹⁴Ani Caifás pea, judíos're: “Bojoca niipetirãpãre jĩcũra cũ ca bii yai bojaro aňu,” ca ñi wede majioricũra niupi.

**“Jesús're yɛ majiti,”
Pedro cũ ca iirique**

(Mt 26.69-70; Mc 14.66-68;
Lc 22.55-57)

¹⁵Jesús're cũja ca ami waaro, Simón Pedro mena cũre jãa nɛnɛ waawɛ. Yɛ pea paia ɛpɛ cũ ca majigɛ niiri, Jesús menara paia ɛpɛ yaa wii macã yeparɛ yɛ jãacoawɛ. ¹⁶Simón Pedro pea, macã yeparũra tii wiire camotaarica janiro macã joperũra tua nɛcãcãwi. To biri yɛ pea, paia ɛpɛ cũ ca majigɛ niiri, jopere ca cotegore cõre yɛ wedegɛ waawɛ. To biro cõre yɛ ca ñiro, Simón Pedro cãare cũre jõene cojowo. ¹⁷Jopere ca cotego pea cũ ca jãa dooro o biro cũre ñi jãañawo Simón Pedore:

—¿Mɛa, Jesús buerã mena macã méé mɛ niiti? —cũre ñiwo.

To biro cõ ca ñiro, Simón Pedro pea:

—Cũ méé yɛ nii yua —cõre ñicãwi.

¹⁸Tii ñamire buaro ca yɛjuaro macã, paia wioɔɔre pade bojari maja, to biri Ɛmureco Pacɛ yaa wiire coteri maja mena pecame diori, to juma nucũ cojowa. To biro cũja ca biiro, Pedro cãa cũja mena peca juma niwi.

**Paia wioɔɔ Jesús're
cũ ca jãañarique**

¹⁹Paia wioɔɔ pea Jesús're o biro cũre ñi jãañu juupi:

—¿Noa ɛno peti cũja niiti, mɛ buerã? ¿Ñee ɛnore cãjare mɛ buerucuti? —cũre ñi jãañupi.

²⁰To biro cũre cũ ca ñi jãañaro, Jesús pea o biro cũre ñiupi:

—Niipetirã bojoca cũja ca tɔo cojoropɛ yɛ wederucujãwɛ. To cãnacã tiira, nea poo juu buerica wiijeripɛ, Ɛmureco Pacɛ yaa wiipɛ, judíos niipetirã cũja ca nea pooropɛ yɛ wederucujãwɛ. Jĩcãti ɛno peera yairopɛ wede, yɛ tiitirucujãwɛ. ²¹¿Ñee tiigɛ yure mɛ jãañati? Yɛ ca wederijere ca tɔorucujãrã peere cãjare jãañaña. Cũja, “To biirije iirucujãwi,” mɛre cũja ñijato, cũja majima cãjare yɛ ca wederucujãrijere —ñiupi.

²²O biro Jesús cũ ca iirije menara, jĩcũ uwamɛ Ɛmureco Pacɛ yaa wiire ca coterã mena macũ cũ pɛto ca nucũricɛ cũ diãmacũre paari, o biro ñiupi:

—¿Paia wioɔɔrena o biirijera cũre mɛ ñi yɛcãti? —ñiupi.

²³To biro cūre cū ca tiiro, Jesús pea o biro cūre iūipi:
—¿Ñañarije yu ca iijata, ñee uno pee ñañarije yu iijāri? Yure wedeya. Díamacū yu ca iiriye to ca nii pacaro, ¿ñee tiigu yure mū paati? —iūipi.

²⁴To cōrora Anás pea Jesús're cūre jiari, paia wiogu Caifás pūtopu ami waa dotiupi.

“Jesús're yu majiti,” Pedro cū ca iī nemorique

²⁵Ména Pedro pea, toora peca jumacā nucūwi. Too cū ca juma nucūrucuro:

—¿Mū cāa, iī buerā mena macū méé mū niicātimiti? —cūre iī jāiñawa.

Pedro pea:

—Cū méé yu nii —cūjare iī ditocāwi.

²⁶To biro cū ca iiri tabera, jīcū paia upure pade coteri maja mena macū Pedro cū ca amopero pataricu yee wedegu peti:

—¿Jesús mena ote wejeru mū ca niiro, yu ca iajāgu méé mū niicātimiti? —cūre jāiñawi. ²⁷To biro cū ca iiro, Pedro pea cūre iī ditocāwi ñucā. To biro cū ca iī niiri tabera, ābocu wedecoawi yua.

Pilato pūtopu Jesús're cūja ca ami waarique

²⁸Jiro, Caifás yaa wii ca niiricure tii yepa macārā upu romano cū ca niiri wiipu ami waawa ñucā Jesús're. Mee ca boe mūa doori taberu ca niiro

macā, judíos pea tii wiipu mani ca jāacoajata, mani ñicū jāa cūja ca biitiriquere mani biibocu, to biro biicāri Pascua boje rumu mani ca tii niirucurijere cūja ca tiiro ñañarā nii cote, baarique cāare baati, mani biibocu iima iirā, jāa waatiupa. ²⁹To biro cūja ca biiro macā, Pilato pea cūja mena wede penigu doogu witi doori, o biro cūjare iī jāiñawi:

—¿Anire, ñee uno ñañarije cū ca tiirique jūori cūre mūja wedejārā doojāri? —cūjare iīwi.

³⁰To biro cūjare cū ca iiro, o biro cūre iī yūwua:

—Ñañarije ca tiitigu cū ca niijata, mū pūtopu cūre jāa ami dootibojacupa —cūre iīwa.

³¹To biro cūja ca iiro, Pilato pea o biro cūjare iīwi:

—Mūjara cūre ami waari, mūjare ca dotirije ca iirore biro cūre jāiña bejeya —iīwi.

To biro cūjare cū ca iiro, judíos uparā pea o biro cūre iī yūwua:

—Jāa, judíos'ra, jīcū uno peerena jāa ca jāa cōa dotirije mani —iīwa. ³²O biro bii eawu, “O biri wāme yu tii yaio ecorucu,” Jesús cū ca iirique.

³³To biro cūja ca iiro, ñucā Pilato pea cū yaa wiipu jāa waa, Jesús're jūo cojo, o biro cūre iī jāiñaupi:

—¿Mūa judíos wiogura mū niiti? —cūre iūipi.

³⁴To biro cū ca iiro, Jesús pea o biro cūre iūipi:

—¿Teere mū majurope jāiñagu mū iiti, aperā yu yee maquere

mure cūja ca wederije j̄ori,
to biro yure m̄ ū j̄añatiqué?
—ĩupi.

³⁵To biro Jesús cūre cū ca ĩiro,
Pilato pea o biro cūre ĩupi:

—¿To docare yua judío yu
niiti? Cū méé yu nii nija yua.
M̄ yaarāra, paia ũparāra,
yŕp̄re mure nonirā dooma.
¿Ñee ũno m̄ tii bui c̄t̄j̄ari?
—cūre ĩupi.

³⁶Jesús pea o biro cūre ĩi
yũupi:

—Ati yepa macū wioḡu méé
yu nii yua. Ati yepa macū wioḡu
yu ca niijata, yure ca j̄arāre
cūjare ca j̄ia camotaparāre yu
c̄nobocu, judíos'p̄re yure cūja
ca tiicojo c̄otipere biro ĩḡu. Yu
ca doti niiri tabea ano méé nii
—ĩupi.

³⁷To biro Jesús cū ca ĩiro,
Pilato pea o biro cūre ĩi j̄añauipi
ñucā:

—¿To docare m̄a wioḡu m̄
niiti? —cūre ĩupi. To biro cūre
cū ca ĩiro, Jesús pea o biro cūre
ĩi yũupi:

—M̄ra, “Wioḡu m̄ nii,”
yure m̄ ĩi doca. Yua, aterena
biirḡu yu baaw̄. Ñucā
aterena biirḡu ati yepar̄re yu
doow̄, díamacū maquere wede
majioḡu dooḡu. To biri díamacū
maquere ca amarā niipetirā, yu
ca wederijere t̄wo n̄n̄jeema
—cūre ĩupi.

³⁸To biro cū ca ĩiro Pilato
pea:

—¿Ñee to niiti, díamacū
maquē m̄ ca ĩirije? —cūre ĩi
j̄añauipi Jesús're.

Jesús're cūja ca j̄ia dotirique

(Mt 27.15-31; Mc 15.6-20;

Lc 23.13-25)

Jesús're o biro cūre ĩi j̄añauipi
yapano, judíos mena wedeḡu
witi eawi ñucā Pilato. O biro
ĩiwi:

—Anire j̄icā wāme ũno peera
ñañarije cū ca tiiriquere yu
b̄uati. ³⁹Bir̄p̄ra m̄ja pea
Pascua boje r̄m̄u ca niiro, tia
cūrica wiip̄u ca niḡure j̄icū yu
ca wienero m̄ja ca boorucurije
nii, ¿to biri ani “Ani Judíos
Wioḡure” yu ca wienero m̄ja
booti? —cūjare ĩiwi.

⁴⁰To biro cū ca ĩi j̄añarora
niipetir̄p̄ra o biro ĩi acaro
buiwa ñucā:

—¡Wieneticāna cūra! ¡Barrabás
peere wieneña! —ĩi acaro
buiwa. (Barrabás pea jee dutiri
maj̄u niwi.)

19 ¹To cōrora Pilato pea
Jesús're ami waari,
cūre bape dotiupi. ²Uwamarā
pea cūre bape yapano, pota
mena upa beto cūja ca quenorica
betore Jesús d̄p̄ḡare peo,
jutiro b̄aro ca j̄uarito, wioḡu cū
ca j̄añarito ũno cūre j̄aa, tiupa.
³To biro tiicāri cū díamacūre
paarāra:

—¡Judíos Wioḡu to birora cū
caticōa niijato! —cūre ĩi bui
epeupa.

⁴Pilato pea ñucā witi doo, o
biro ĩiwi judíos're:

—Maa, ĩaña. Ani cūre yu
ami witi doo, j̄icā wāme ũno
peera ñañarije cū ca tiiriquere

buatijapi, mɔja ca ʔi ʔa majipere biro ʔigu —cɔjare ʔiwi. ⁵Jesús pea pota beto cɔ ɔpɔgare cɔja ca peoricɔ, ʔucá jutiro ca jɔarito cɔja ca jáaricɔ witi eawi. To biro cɔ ca biiro, Pilato pea:

—Ani niimi —cɔjare ʔiwi.

⁶Paia ɔpará, to biri uwamará ʔmureco Pacɔ yaa wiire coteri maja cɔre ʔarára, o biro ʔi acaro bui jɔo waawa:

—ʔYucɔ tenipɔ cɔre paa pua tuu cɔacáña! ʔYucɔ tenipɔ cɔre paa pua tuu cɔacáña! —ʔiwa.

To biro cɔja ca ʔiuro Pilato pea:

—Mɔja majurope cɔre ami waari, yucɔ tenipɔ cɔre paa pua tuurája. Yna, anira, jicá wáme ɔno peera ʔañarije cɔ ca tii bui cɔtirica wámere yɔ buati —cɔjare ʔiwi.

⁷To biro cɔ ca ʔiuro, judíos ɔpará pea o biro cɔre ʔi yɔɔwa:

—Jáa, jicá wáme jáare ca dotirije jáa cɔo. To biri ca dotirije ca ʔiuro biro ca boarɔ niimi, cɔ majuropeera, “ʔmureco Pacɔ Macɔ yɔ nii,” jáare cɔ ca ʔi ditorije juroi —cɔre ʔiwa.

⁸To biro cɔja ca ʔirijere tɔori, Pilato pea bɔaro jaɔuro uwi tɔgoeñaupi. ⁹To biri Pilato pea ʔucá cɔ ca niiri taberɔ jáa waari, o biro ʔi jáiñaupi Jesús're:

—¿Mna, noo macɔ peti mɔ niiti? —cɔre ʔiupi. To biro cɔ ca ʔi jáiñamijata cáare, Jesús pea cɔre yɔɔtiupi. ¹⁰To biro cɔ ca biiro, Pilato pea:

—¿Nee tiigu yɔre mɔ yɔɔtiti? ¿Mna, yucɔ tenipɔ paa pua tuu

cɔa doticá, ʔucá ʔañaro cɔja ca tiirɔgarijere camota bojacá, ca tii doti majigu yɔ ca niirijere mɔ majititi? —cɔre ʔiupi.

¹¹To biro cɔ ca ʔiuro, Jesús pea o biro cɔre ʔi yɔɔupi:

—Jicá wáme ɔno peera yɔre mɔ ca doti majirijere mɔ cɔotibojacupa, ʔmureco Pacɔ mure cɔ ca tiicojoticájata. To biri mɔpɔre yɔre ca wedejáa buiyee cɔaricɔ pee doca, mɔ ametɔenero ʔañarije ca tii bui cɔtiricɔ niimi —ʔiupi.

¹²To biro cɔ ca ʔiuro taberɔ, Pilato pea Jesús're wienerɔgu bɔaro tɔgoeña ama peoticámiupi. Judíos pea yerijáari méé, o biro cɔre ʔi acaro buiwa:

—Cɔre mɔ ca wiencájata, César mena macɔ méé mɔ nii. No ca boogu, cɔ ca boorora wiogu ca jáagua, wiogu romano César wapará yɔ peti niigu biimi —cɔre ʔiwa.

¹³Pilato pea o biirije cɔre cɔja ca ʔiuro tɔori, Jesús're ami witi waari ɔpará cɔja ca duwiri taberɔ ea nuucoawi, ɔtá mena cɔja ca tiirica tabe, arameo wederique menara Gabatá cɔja ca ʔiuro taberɔ. ¹⁴Tii rɔmɔ pea Pascua boje rɔmɔ jɔguero macá rɔmure jotoa decomacá cɔro niuwɔ. Pilato pea o biro cɔjare ʔiwi judíos're:

—Ani niimi mɔja wiogu —cɔjare ʔiwi.

¹⁵To biro Pilato cɔ ca ʔiuro, cɔja pea o biro ʔi acaro buiwa:

—¿Cɔ boajato! ¿Cɔ boajato! ʔYucɔ tenipɔ cɔre paa pua tuu cɔacáña! —ʔiwa.

To biro cūre cūja ca ĩiro t̃og̃u, Pilato pea o biro cūjare ĩiwi:

—¿Ñee tiigu m̃uja wiog̃urena yucu tenip̃u cūre yu paa pua tuu cōa dotibogajati? —cūjare ĩiwi.

To biro cū ca ĩiro, paia w̃parā pea o biro cūre ĩi ỹw̃wa:

—Jāa, ĩicūra jāare ca dotigu wiog̃u César wadore jāa c̃uo —ĩiwa.

¹⁶To biro cūja ca ĩiro, Pilato pea Jesús're cūja paa pua tuu cōarā waajato ĩigu cūjare tiicojocāwi. To biri cūja pea Jesús're amicoawa yua.

Jesús're cūja ca paa pua tuu cōarique

(Mt 27.32-44; Mc 15.21-32;

Lc 23.26-43)

¹⁷Jesús pea cūre cūja ca paa pua tuupa teni yucu tenire p̃jaric̃u witi waawi, “D̃ur̃uga Ōaro” (hebreo wederique menara “Gólgota”) ca wāme c̃utiri tabep̃u waag̃u. ¹⁸Toop̃u cūre ami eari, p̃arā watoa cūre paa pua tuu ñcōwa. J̃ic̃ū cū díamac̃ū ñña pee, ap̃ire cū ācō ñña pee, cūjare paa pua tuu ñcōwa. ¹⁹Ñucā Pilato pea: JESÚS NAZARET MACĒ NIIMI, JUDÍOS WIOG̃U —ĩi owa tuurique ca tujari p̃ĩire cū jotoare paa pua tuu doti cojoup̃i. ²⁰To biro ĩi owa tuurique ca tujari p̃ĩire pã judíos buewa, Jesús're cūja ca paa pua tuu ñcōrica buuro macā p̃toacā ca niiro macā. Tii p̃ĩire owarique pea

hebreo wederique mena, griego wederique mena, romano wederique mena, owarique niiw̃u.

²¹To biri paia w̃parā judíos pea o biro ĩiupa Pilatore:

—“Judíos Wiog̃u niimi,” ĩi owa tuuticāña. “Ani niimi, cū majuropeera, ‘Ỹu ỹu nii Judíos Wiog̃u,’ ca ĩirucug̃u,” ĩi owa tuuya —cūre ĩiupa.

²²To biro cūja ca ĩiro, Pilato pea:

—Mee, yu ca owariquer̃ua to birora tuaro bii —cūjare ĩi ỹw̃up̃i.

²³Uwamarā pea Jesús're paa pua tuu yapanori, cū jutirore amiri, bapari quejeri yega batori, cūja ca niiro cōro ameri dica woowa. Ñucā cū jutiro doca macāro cāare ami, tiiro pea ee āp̃ōf̃ioña maniro j̃icā daara cūja ca juaricarō ca niiro macā, ²⁴uwamarā pea cūja majurope o biro ameri ĩiwa:

—Atirora mani yega bateticājaco, “Īi b̃uarique mena pee mani ĩijaco, ĩiru peti tiirore cū ca ĩi b̃uaro,” ĩirā —ĩiwa. O biro bii eaw̃u, Ūm̃areco Pãc̃u yaa p̃ũurop̃are: “Ỹu jutiro jotoa macārore cūja majurope ameri dica woo, ñucā doca macāro cāare ĩi b̃uarique mena ĩi b̃ua, t̃iwa,” cūja ca ĩi owarique.[†] Uwamarā o biri wāme peti tiicāwa.

²⁵Jesús're cūja ca paa pua tuu ñcōricaro p̃tore, cū paco,

[†] 19.24 Sal 22.18.

cũ paco yee wedego Cleofas nũmo María, to biri apeo María Magdalena, niiwa. ²⁶Jesús pea cũ pacore ña, to biri yũ, cũ buegũ, bũaro cũ ca maigũ cõ pũto yũ ca niiro ñari, o biro cõre ñiwi cũ pacore:

—Nomio, mee toora niimi mũ macũ —ñiwi. ²⁷To biro cõre ñi yapano, yũ, cũ buegũ peere:

—Mee toora niimo mũ paco —yũre ñiwi. O biro yũre cũ ca ñiricaro jiro, yũ pea, yũ yaa wiipũ cõre yũ amicoawũ.

Jesús cũ ca bii yairique

(Mt 27.45-56; Mc 15.33-41;
Lc 23.44-49)

²⁸Ate jiro Jesús pea, mee niipetirije Æmũreco Pacũ cũ ca dotiriquere cũ ca tii yapanocãrijere majiri, ñucã Æmũreco Pacũ wederiquere cũja ca owa tuurica pũuropũ ca ñiire biro to bii yapano eajato ñigũ, o biro ñiwi:

—Yũ oco jinirũga —ñiwi.

²⁹Toore niiwũ jotũ urua ñje oco ca piyarije ca niiri rũ. To biri cũja pea to biro cũ ca ñiro tũori, ñje oco ca piyarijere upa jitia mena weyo, yucũgũ hisopogũ dũpũpũ jia tuu, Jesús ñjerore juu tuu waa, cũ jinijato ñirã.

³⁰To biro cũja ca tiiro, Jesús pea tee ñje oco ca piyarijere neniña yapano, o biro ñiwi:

—Mee niipetirijepũrena yũ tii yapano peotĩcã —ñiwi. To biro ñi yapano cũ dũpũgare muu cõa

yoo, bii yaicã yerijãa waawi Jesús.

Jesús warure cũ ca jadeorique

³¹To biro Jesús're cũja ca tii cõari rũmũ pea, Pascua boje rũmũ jũguero macã rũmũ niiwũ.

Judíos pea cũja ca yerijãari rũmũre cũja upũri niiquĩrique yucũ teniripũra ca tujaro bootiupa, cũja ca yerijãari rũmũ ca nii majuropeeri rũmũ peti ca niiro macã. To biri, “Mũ uwamarãre, cũja ñicãrire paa

pee, ñucã cũja upũri niiquĩrique cãare yoari méé jee duwio, tiirãja’ cũjare ñi cojoya,” cũre ñirã waaupa Pilatore. ³²To biri uwamarã cũja pũtorũ doori,

Jesús mena cũja ca paa pua tuuricarã ñicãrire, ca nii jũogũ ñicãrire paa pee, jiro ñucã apĩ cãare paa pee, tiywa.

³³Jesús pũto earã pea, ca bii yaicoaricũpũre cũre ñawa. To biri cũ ñicãrire paa peetiwa.

³⁴To biro bii pacarã, jĩcũ cũja mena macũ cũ jadericaro mena Jesús warure jadeocãwi. To biro cũ ca tiiro dũi, oco, witiwũ. ³⁵Ate yũ ca wederijere yũ majuropeera yũ ñawũ. To biri mũjare yũ ca wederijea díamacũ niiro bii.

Ñucã yũ ca ñirijea, díamacũra ca niirijere yũ maji, mũja cãa, teere mũja ca tuo nũñjeepere biro ñigũ. ³⁶Atea, Æmũreco Pacũ yee wederiquere cũja ca owa tuurica pũuropũre: “Jĩcã ñaro ñno

peerena cũre paa peetirucuma,”^s

^s 19.36 Ex 12.46; Nm 9.12; Sal 34.20.

cūja ca ĩi owa jūguequĩrique
ca ĩirore biro to bii eajato ĩiro
to biro biiwũ. ³⁷To biri ñucã
ape tabe peera Ƴmũreco Pacũ
wederique o biro ĩi: “Jĩcũ, cūja
ca jadeoricũre ĩarucuma,” ĩi.^t
Tee bii earo biiupa.

Jesús're cūja ca yaarique

(Mt 27.57-61; Mc 15.42-47;
Lc 23.50-56)

³⁸Ate niipetirije ca biiro jiro
José Arimatea macã macũ,
Jesús upũri niiquĩrique
ami waarũgũ, Pilatore jāiupi.
José cãa Jesucristore ca tũo
nũnũjeegũ niupi. Bii pacagũ, bau
niiro bii ĩñotiupi, Ƴparã judíos're
uwima ĩigũ. Pilato, Jesús upũrire
cũ ca ami waa dotiro, José pea
waa, Jesús upũrire amicoaupi.
³⁹Ñucã Nicodemo, jĩcãti Jesús
mena ñamipũ ca wede penigũ
earicũ cãa, treinta y cuatro
kilos cõro ca jũti añurijere,
mirrare áloe mena ayiariquere
jeecãri eaupi. ⁴⁰To biri José,
Nicodemo mena, juti quejerire
ca jũti añurije cūja ca wadarique
mena Jesús upũri niiquĩriquere
ũmaupa, judíos, ca bii yairicũre
yaa cõarã cūja ca tiirucurore biro
tiirã. ⁴¹Jesús're cūja ca paa pua
tuu nũcõrica tabere jĩcã weje ote
weje niiwũ. Tii wejerũre niiwũ
maja ope wãma ope, ména jĩcũ
ũno peerena ca yaaya maniri
ope. ⁴²Judíos cūja ca yerijãari
rũmũ ea waaropũ ca biiro macã,
ñucã maja ope pee cãa pũtoacãra

ca niiro macã, tii opera Jesús're
cũre yaawa.

Jesús cũ ca cati tuarique

(Mt 28.1-10; Mc 16.1-8; Lc 24.1-12)

20 ¹Ape semana ca nii
jũori rũmũ boeri
tabere, meerpũ ca naitĩa
jañuropũra María Magdalena
pea Jesús're cūja ca yaaricaro
maja operũ ĩago waacoaupo.
Toorpũ eago, maja ope jãa
waarica tabere cūja ca biaricaga
ũtãga ami wooricaropũ ca niiro
ĩaupo. ²To cõrora ũmaa tua doo,
Simón Pedro, yũ, Jesús bũaro cũ
ca mairicũ mena jãa ca niirorpũ
ũmaa eari, o biro jãare ĩiwo:

—Mani Wiogũ niiquĩricũ
upũrire amicoajapa. “Too pee
cũre cūjacupa,” ĩi majiña mani
—jãare ĩi wedewo.

³To biro cõ ca ĩiro tũori, jãa
pũarãpũra Simón Pedro mena,
Jesús're cūja ca yaarica operũre
jãa ĩarã waacoawũ. ⁴Pũarãpũra
ũmaarique mena jãa waawũ.
Yũ pea Simón Pedro ametũene
jañuro yũ ũmaa bayiwũ. To
biri cũ jũguero, Jesús're cūja
ca yaarica operũ yũ ũmaa
eacoawũ. ⁵Tii operũre eagũ,
jãa waatigũra muu bia ĩa jõene
cojogũ, juti quejeri Jesús're
cūja ca dũdũarica quejeri wado
ca pejaro yũ ĩawũ. ⁶Yũ jiro
Simón Pedro ũmaa eawi. ũmaa
ea, cũ pea díámacũ jãacoawi
maja operũre. Cũ cãa, Jesús're
cūja ca dũdũarique juti quejeri

^t 19.37 Zac 12.10.

wadore ñawi. ⁷Jesús ðapugare cūja ca ũmaarica quejero cāa, cū upure cūja ca ũmaarica quejero menara pejatiwū. Bojoricaropu tunuo peoricaro pejacāwū. ⁸Jiro yū, Simón Pedro jūguero ca earicu cāa, tii ope jupearure yū jāa waawū. To biro biigu, to biro ca biirique niipetirijere ña, “To birora bii,” yū ñi ñawū yū cāa. ⁹Teere ña pacarā, Ũmureco Pacu wederiquere owa cūurica pūuropure, “Mesías, cūja ca jīa cōaricupura ca bii yairicarā watoare cati tuarucumi,” cūja ca ñi owaquīriquerere jāa tūo puotiwū ména. ¹⁰Teere ña yapano, jāa yaa wiipū jāa tuacoawū ñucā.

**María Magdalenare Jesús
cū ca baua earique
(Mc 16.9-11)**

¹¹Ména, María Magdalena pea, Jesús're cūja ca yaarica ope pūtopura oti tua nūcācāupo. Otigora, maja ope peere muu bia ña jōene cojouro. ¹²Ña jōene cojogo, puarā Ũmureco Pacu pūto macārā, juti ca botirije jāñacāricarā, Jesús upuri niiquīriquerere cūja ca cūurica tabepū jīcū cū ðapuga ca niirica tua pee, apī cū ðupori ca niirica tua pee, ca duwirāre ñaupo.

¹³Cūja pea toopū duwirāra:

—Nomio, ñnee tiigo mū otiti?
—cōre ñi jāiñaua. To biro cūja ca ñiro:

—Yū Wiogū upuri niiquīriquerere amicoajapa. “Toopū ami waajacupa,” yū ñi majiti. To biri yū oti —cūjare ñiupo.

¹⁴To biro cūjare ñi yapano, amojode ñagora, cō pūtora Jesús cū ca nucūro ñaupo. Cūre ña pacago, “Cūra niicumī,” ñi ña majiticāupo. ¹⁵Cōre ña, Jesús pea o biro cōre ñi jāiñaupi:

—Nomio, ñnee tiigo mū otiti?
ñÑirure mū amaati? —cōre ñiupi.
Cō pea, “Ote wejere ca cotegū niicumī” ñi tūgoeñari, o biro cūre ñiupo:

—Mura, Jesús upurire mū ca ami waajata, yūre wedeya. Noopū mū cūujāri, yū cūre yū amigo waarucu —cūre ñiupo.

¹⁶To biro cō ca ñiro Jesús pea:

—¡María! —cōre ñiupi.

To biro cū ca ñirora, María Magdalena pea cū peere amojode ña, o biro cūre ñiupo judíos wederique mena:

—¡Raboni! —ñiupo. (“Buegū,” ñigo ñiupo.)

¹⁷To biro cūre cō ca ñirora, Jesús pea o biro cōre ñiupi María Magdalenare:

—Yūre ñee tueneticāña. Yū Pacu pūtopū yū tua mūa waati ména. To biro tiitigora tua waari: “‘Yū Pacu, mūja Pacu ca niigu, yū Ũmureco Pacu, mūja Ũmureco Pacu ca niigu pūtopū tua mūa waagu yū bii,’ ñijāwi,” ñi wedegoja yū buerāre —ñiupi.

¹⁸To biro cū ca ñirico niiri, jāa cū buerā ca niiricarā pūtopū teere jāare queti wedego dooupo. Buarō űjea niirique mena, “¡Wiogūre yū ñajāwū!” jāare ñi wede, cōre cū ca ñiriquerere jāare wedewo María Magdalena.

**Jesús cū buerāre
cū ca baua earique**
(Mt 28.16-20; Mc 16.14-18;
Lc 24.36-49)

¹⁹Tii r̄m̄urena, tii semanare ca nii j̄uori r̄m̄u, ca naio waari tabere j̄āa, Jesús buerā ca niiricarā pea, judíos're uwima īirā, joperi biacāri j̄āa niiw̄u. To biro j̄āa ca bii niiri tabere j̄āa watoap̄u:

—¡Añuro niirique m̄ujare to nijato! —j̄āare īi añu doti, j̄āa n̄ucā eawi Jesús. ²⁰To biro īiḡura cū amorire, cū warure cū ca jadeorica opere, j̄āare īñowi Jesús. J̄āa pea, Wioḡure cūre īarā, b̄uaro j̄āa h̄jea niiw̄u. ²¹To biro īicā, o biro j̄āare īiwi n̄ucā Jesús:

—¡Añuro niirique m̄ujare to nijato! Ȳu Pac̄u ȳure cū ca tiicojo cojoricarore birora, ȳu cāa m̄ujare ȳu tiicojo cojo —j̄āare īiwi. ²²To biro īi, j̄āa jotoare puticōa peo cojoḡura:

—Maa, Añuri Yerire ñeeña. ²³Ñañaro m̄ujare ca tiirāre, to biro cūja ca tiirijere m̄uja ca acobojata, ñañarije cūja ca tiirijere acoborucumi Ūm̄ureco Pac̄u. Ñañarije cūja ca tiirijere m̄uja ca acobotijata, Ūm̄ureco Pac̄u cāa to biro cūja ca tiirijere acobotirucumi —j̄āare īiwi Jesús.

**Tomás're Jesús cū
ca baua earique**

²⁴Jāa, Jesús buerā, p̄ua amo peti, d̄upore p̄uaga penituario ca niirā mena mac̄u Tomás ca wāme c̄ut̄iḡu, Ca S̄ūrḡaric̄u cūja ca īiḡu

pea, Jesús jāare cū ca baua eari tabere maniwi. ²⁵Jiro, Tomás j̄āa mena cū ca niiro, aperā Jesús buerā pea o biro cūre īimiwa:

—Wioḡure j̄āa īaj̄aw̄u —cūre īiwa. To biro cūre cūja ca īi wedero, Tomás pea o biro īi ȳūw̄u:

—Jesús amorire cūja ca paa parica operire īa, ȳu amo j̄ūa mena tii operire juu jōene ñaati, ñucā cū warure cūja ca jadeorica opere ȳu amo mena juu jōene ñaati, ȳu ca bijata, “Yee méé īima,” m̄ujare ȳu īi tuo n̄ucā b̄uoti majuropeecārucu —cūjare boca īicāwi.

²⁶Jicā amo peti, ape amore itiaga penituario ca niiri r̄m̄uri jiro j̄āa, cū buerā ca niiricarā pea, jicā wiip̄u j̄āa neaw̄u ñucā. Tii tabere Tomás cāa j̄āa mena niwi yua. Jesús pea joperi biarique ca nii pacaro j̄āa doori, j̄āa decomac̄ap̄u baua ea n̄ucāri: “Añuro niirique m̄ujare to nijato,” j̄āare īi añu doti j̄āa n̄ucā eawi. ²⁷To biro īi yapano, Tomás're o biro īiwi Jesús:

—Ano m̄u amo j̄ūa mena juu jōeneri, ȳu amorire īaña. Ñucā m̄u amo mena ȳu warure cūja ca jadeorica tabere juu jōeneḡu dooya. “Yee m̄uja īi” ca īiḡu niiticāña. Díamac̄u ca t̄uoḡu niīña —cūre īiwi.

²⁸To biro Jesús cū ca īiro, Tomás pea:

—¡Ȳu Wioḡu, ȳu Ūm̄ureco Pac̄u! —cūre īiwi.

²⁹To biro cū ca īiro, o biro cūre īiwi Jesús pea:

—¿Yure ñacāripu “Yee méé ñijapa” mu ñiti? Ujea niima, ñati pacarā díamacū ca tuorā —ñiwi.

“¿Ñee tiigu ati pūurore cū owajapari?” ñirique

³⁰Biigupua Jesús, jāa cū buerā jāa ca ñaro, pañ apeye ca ña ñaaña manirije tii bau ñiwi. Tee niipetirije ati pūurore owa tuu peotiya mani. ³¹Atera, Jesús're, “Umureco Pacu cū ca tiicojo cojoricu Mesías, Umureco Pacu Macāra niimi,” ñi tuo nunujeje, ñucā cūre tuo nunujeeri, cū juori to birora caticōa niiriquere cūo, cūja biijato iigu owarique ñii.

Cū buerā jīcā amo peti, ape amore puaga penituario ca niirāre Jesús cū ca baua earique

21 ¹Jiro ñucā, jāa, cū buerāre, Tiberias^u ca wāme cutiri utabucra tujaropu jāare baua eawi Jesús. O biri wāme biw. ²Simón Pedro mena ano cānacārā jāa ñiw: Tomás, apeyera Ca Sūrharicu cūja ca ñi juorucug, Galilea yepa macā macā Caná ca wāme cutiri macā macū Natanael, Zebedeo puna, to biri aperā jāa mena macārā puarā, jāa ñiw.

³Tii tabere, Simón Pedro pea o biro jāare ñiwi:

—Wai ñeeñ waagu yu bii yua —ñiwi. To biro jāare cū ca ñiro:

—Jāa cāa mu mena jāa waarucu —cūre jāa ñiw. To

biro ñi, cū mena waa, cūmuaru ea jāa, jāa waacoawu wai ñeerā waarā. Tii ñamire wai jīari méé jāa biicāwu.

⁴Ca boe muu doori tabe, Jesús pea, tiira, utabucra tujaro baua eawi. Jāa, cū buerā pea, “Jesús niicumí” jāa ñi ña majitiwu. ⁵Jesús pea o biro jāare ñi jāiñawi:

—Yu jaarā, juñja wai cuoti téé? —jāare ñiwi.

To biro cū ca ñi jāiñaro:

—Jāa cuotiéé —cūre jāa ñi yuwu.

⁶To biro jāa ca ñiro, Jesús pea:

—Cūmuu díamacū muña pee bapigure cōañua cojoya. To biro tiirā muja wai jīarucu —jāare ñiwi. To biro cū ca ñiro, cū ca tii dotiurore biro jāa tiwu jāa pea. To biro tiirā, bapigure pañ wai cūja ca yoorique ca niiro macā, do biro pee jāa tii wee pāmwo cojo bayiticāwu. ⁷To biro cūja ca biiro ñagu yu, cū buegu, buaro Jesús cū ca maigu pea:

—¡Mani Wiogura niimi yura!

—yu ñiw Pedrore. “Mani Wiogura niimi yura,” cūre yu ca ñiro tuogura, Pedro pea, cū jutiro cū ca tuu wee jāaricore ami jāña, diarpu bupu ñaañuacoawi.

⁸Aperā Jesús buerā pea, jita dupari yeparure bapigu pañ wai cūja ca niiricure cūmuu mena jāa wee pāa waawu. Tiira tujaro puo jañurora noventa metros yoarora jāa ñiw. ⁹To biro bii pāa ea, maa ñucārā, pecame

^u 21.1 Ape wāme “Galilea utabucra”.

diorica pecame jotoare wai cūja ca jūjo peoricarā, to biri pan, ca pejaro jāa ĩawu. ¹⁰Jesús pea o biro jāare ĩiwi:

—Mecūacā wai mūja ca jāa yapanorāre jīcārā jee dooya —jāare ĩiwi.

¹¹To biro Jesús cū ca ĩiro, Simón Pedro pea cūmuapū ea jāa waa, bapigūpū paū wai pacarā, ciento cincuenta y tres peti cūja ca niiricūre jita dupari yerapū weecā maa waawi. To cōro paū wai pacarā cūja ca jāamijata cāare, bapigū pea yegatiwū.

¹²To biro cū ca tiiro, Jesús pea o biro jāare ĩiwi:

—Baa wācārā dooya mūja cāa ména —ĩiwi. Jāa, cū buerā pea, “Wiogū Jesús'ra niimi,” ca ĩi majicāra niiri, jīcū jāa mena macū ũno peera, “¿Ñiru peti mū niiti?” cūre ĩi jāiñaticāwa. ¹³Jiro Jesús pea doo, pan're amiri, jāare tiicojowi. ũcā wai cāare to birora tiwi. ¹⁴Ate pea cū ca cati tuaricarō jirore, itiati jāare cū ca baua ea ĩñorije niiro biwū.

Simón Pedro mena Jesús cū ca wede penirique

¹⁵Baa wācā yapanori jiro, Jesús pea Simón Pedore o biro cūre ĩi jāiñawi:

—Juan macū Simón, ¿anija ametūenero yūre mū maiti? —ĩiwi.

To biro cū ca ĩiro, Simón Pedro pea o biro cūre ĩi yūwū:

—Wiogū, ũgjá. Mee mū maji mūre yū ca mairijere —ĩiwi.

To biro cū ca ĩiro Jesús pea o biro cūre ĩiwi:

—To docare, yūre ca tūo nūñūjeerāre añuro cūjare ĩa nūñūjeeya —cūre ĩiwi.

¹⁶Jiro ũcā:

—Juan macū Simón, ¿yūre mū maiti? —cūre ĩi jāiñawi. Cū pea:

—Wiogū, ũgjá, mee mū maji mūre yū ca mairijere —cūre ĩiwi.

To biro cūre cū ca ĩiro Jesús pea ũcā:

—To docare yūre ca tūo nūñūjeerāre añuro cūjare ĩa nūñūjeeya —ĩiwi Pedore.

¹⁷Puati jiro o biro cūre ĩi jāiñawi ũcā Jesús:

—Juan macū Simón, ¿yūre mū maiti? —ĩiwi.

Itiati peti, “¿Yūre mū maiti?” Jesús cūre cū ca ĩi jāiñarije ca niiro macā, Pedro pea tūgoñarique paicoawi. To biri o biro cūre ĩi yūwū:

—Wiogū, mūa niipetirije mū maji. Mūre yū ca mairijere mū maji mee —cūre ĩiwi.

To biro cūre cū ca ĩiro Jesús pea o biro cūre ĩiwi ũcā:

—To docare yūre ca tūo nūñūjeerāre añuro cūjare ĩa nūñūjeeya. ¹⁸Díamacū mūre yū ĩi. Wāmū jāñuri niigū, mū majuropeera juti jāñari noo mū ca waarūgari tabe mū waarucuwū. Būcū nii waagūpūa yua, mū dicarire mū ca juu mūenero, aperāpū mūre juti jāari, mū ca waarūgatiri taberena mūre amicoarucuma —ĩiwi Pedore.

¹⁹Jesús atere ñigu, “O biri wãme bii yairi, m̄ ca bii yairije mena ʘm̄reco Pac̄re m̄ tii n̄c̄ũ buorucu” ñigu, to biro c̄ure ñiwi Pedore. To biro ñi yapano:

—Ȳre n̄n̄ña —c̄ure ñiwi Jesús.

Jesús c̄ũ ca maigu

²⁰To biro c̄ũ ca ñiro, Pedro pea amojode n̄c̄ã ña tuenecojogu, ȳ, Jesús buaro c̄ũ ca maigu, Jesús mena j̄c̄ari j̄ã ca baa duwi t̄jari tabere Jesús p̄toac̄ã ca duwiḡu niiri: “Wiogu, ¿nii peti m̄re c̄ũ wedej̄aguti?” Jesús're ca ñi j̄añaric̄ura c̄j̄a jiro ȳ ca n̄n̄n̄ waaro ȳre ñawi.

²¹Ȳre ña, Jesús're o biro c̄ure ñi j̄añawi Pedro:

—Wiogu, ani peera ¿do biro to biroti? —c̄ure ñiwi.

²²To biro c̄ũ ca ñi j̄añaro, Jesús pea o biro c̄ure ñi ȳn̄wi:

—Nemo ȳ ca tua doori taber̄u to birora c̄ũ ca catic̄õa niiro ȳ ca boojata, m̄ yee maquẽ méé nii. M̄na teere

t̄goeñatiḡura ȳre n̄n̄ña —c̄ure ñiwi. ²³Ate j̄uori, Jesús're ca tuo n̄n̄j̄eerã niipetirã watoap̄re, “C̄ã, bii yairicar̄o manijagu,” c̄j̄a ca ñi niirije bate c̄ũmucoaw̄u. Jesús pea, “C̄ã bii yaitirucumi” ñigu méé, to biro ȳre ñiwi. O biirije pee ñigu ñiwi: “Nemo ȳ ca tua doori taber̄u to birora c̄ũ ca catic̄õa niiro ȳ ca boojata, m̄ yee maquẽ méé nii,” ñigu ñiwi.

²⁴Atere, “To birora biiw̄u” ñi wede, teere owa, ca tiigua, c̄ãra ȳ nii ȳna. To biri ȳ ca ñariquere ȳ ca wederije díámac̄ãra ca niirijere mani maji.

²⁵Biiḡur̄na Jesús, ap̄eye pān̄ tiic̄awi. C̄ũ ca tiirique c̄õrorena owa n̄n̄na waajata, ȳ ca t̄goeñajata teere owarica p̄urori ati ʘm̄reco niipetirop̄rena dada amet̄uacoabocu.

To birora to bijato.
Juan